



BIBLIOTECA  
DI STORIA MODERNA E  
CONTEMPORANEA ROMA

6  
2  
87

1E1E001255

# SYNODVS

MELEVITANA.

6 F 52





SYNOPSIS

MEETING



# SYNODVS MELEVITANA PRIMA.

P E R

ILLVSTRISS. ET REVERENDISS. D. FR.

D. MICHAEL M  
HIERONYMVS  
DE MOLINA

EPISCOPVM MELEVITANVM  
*Abbatem de Alcolea, & Regium Consiliarium.*

In Melitenſi Cathedrali celebrata Dominica Tertia  
poſt Pentecoſtem, & die ſequenti, vide-  
licet xxx. Iunij, & 1. Iulij 1680.



R O M A E,  
Ex Typographia Angeli Bernabò. M.DC.LXXXI.  

---

SVPERIORVM PERMISSV.

SYNOPSIS  
MELVILLE  
PRIMA

OF THE  
MELVILLE  
PRIMA

OF THE  
MELVILLE  
PRIMA



OF THE  
MELVILLE  
PRIMA



ILLVSTRISS. ET REVERENDISS. DOMINO  
FR. D. MICHAELI  
HIERONYMO DE MOLINA  
EPISCOPO MELITENSI, ETC.

Patrono suo Colendissimo

DOMINICVS DE BENEDICTIS.



*RODIT*, ecce, in lucem Syno-  
daliū Decretorum Liber, exi-  
mium ingenij, & prudentiæ tuæ  
opus, Illustriss. & Reuerendiss.  
Domine, in Vrbe lectus, laudatus,  
approbatus. In eo sanè, tanquam in speculo,  
zelus feruet salutis animarum, elucet prudentia,  
pastoralis splendet sollicitudo. Auiunt iterum, cum  
Luca, & Sociis, Paulum accensa pyra refici in  
Insula Melitensi, & veluti à Publico Principe

benignè rursus excepi ; cum quisque , Præsul  
Amplissime, videat, Ecclesiã, ab Illo in Fidei pri-  
mordiis fundatam, nouo semper tue Charitatis  
ardore succendi , & in dies eximie probitatis  
exemplis foueri . Quod autem ad me attinet, ut  
pluribus Tibi nominibus, hoc verò maxime me  
fateor adscribendum quòd ad hoc bonum Episcopi  
opus excudendum me perhumaniter destinare  
volueris : unde contigit, ut, maxima cum animi  
mei voluptate , non vulgaris existimationis ,  
quam de tua pietate , ac virtute Vrbs tota  
concepit , testis adfuerim . Cæterum, ut plures  
per annos faustè , ac feliciter commisso Tibi  
Gregi præsideas , æternum mihi erit in votis .  
Vale. Romæ 4. Idus Iulii MDCLXXXI.

**E**X Commiffione Reuerendif. P. Raymūdi  
Capifucci Magiftri S. Pal. Apoftolici, perlegi  
Synodum Melitenfem ; nihilque in ea, quod Fidei ,  
aut Sacris Canonibus non cohæreat , comperi : quin  
potius Illuftrif. & Reuerendif. eius Author falu-  
brium Ordinationum fluentis, candidæ, & finceræ  
Crucis Lignum in Terra deferta, & inuia , imò in  
Petra falſi maris æſtibus verberata ; nequicquam  
obſtantibus puteorum effoſſionibus , quas faciunt  
Iſmaëlitæ ; virere facit, & germinare, ſicut Lignum,  
quod plantatum eſt ſecus decurſus aquarum. Adeoq;  
vt in lucem prodeat , æqui , bonique exiſtimo.  
Romæ 5. Kalendas Aprilis 1681.

*Laurentius Bulbul Clericus Regularis Minor  
Sac. Congreg. Indicis Conſultor.*

*Impri-*

*Imprimatur.*

Si videbitur Reuerendis. P. Magistro Sacri Palatij  
Apostolici.



*Lde Ang. Archiep. Vrbis. Vicefg.*



*Imprimatur.*

Fr. Raymundus Capisuccus Sac. Pal. Apost. Magi-  
ster Ord. Prædicatorum.

INDEX

# I N D E X

## C A P I T V M.



### P A R S P R I M A.

De Fide Catholica , & ad eam pertinentibus.

Cap. 1. De Fidei Orthodoxa Professione.	pag. 3.
Cap. 2. De Catholica Fide ab omni errore, errorisque suspicionē illibata conservanda.	pag. 9.
Cap. 3. De Catholica Verbi Dei prædicatione.	pag. 11.
Cap. 4. De Doctrina Christiana.	pag. 13.
Cap. 5. De Reliquijs, Sacris Imaginibus, Veneratione Sanctorum, & Miraculis.	pag. 16.
Cap. 6. De denunciatione Vigiliarum, Festorum, eorumque observantia.	pag. 19.
Cap. 7. De Ieiunio.	pag. 27.

PARS



# I N D E X

## P A R S S E C U N D A.

De Sacramentis, seu de pertinentibus ad eorum  
vsum, frequentationem, & mini-  
strationem.

Cap. 1. De Sacramentis in genere.	pag. 31.
Cap. 2. De Sacramento Baptismi.	pag. 33.
Cap. 3. De Sacramento Confirmationis.	pag. 37.
Cap. 4. De Sanctissimo Eucharistia Sacramento.	pag. 39.
Cap. 5. De Sacrificio Missæ.	pag. 44.
Cap. 6. De Sacramento Pœnitentiæ.	pag. 51.
Cap. 7. De Sacramento Extrema Vñctionis.	pag. 59.
Cap. 8. De Sacramento Ordinis.	pag. 62.
Cap. 9. De Sacramento Matrimonij.	pag. 66.

## P A R S T E R T I A.

De Cultu Diuino.

Cap. 1. De Sacrosanctis Ecclesijs, Cœmeterijs, eorum- que cultu, & immunitate.	pag. 72.
Cap. 2. De rebus Ecclesia conseruandis, earumque recta administratione.	pag. 77.
Cap. 3. De Celebratione Diuinorum Officiorum.	pag. 81.
Cap. 4. De Funeribus, & Sepulturis.	pag. 84.
Cap. 5. De Processionibus, & ad eas obligatis.	pag. 89.
Cap. 6. De pauperum Puellarum maritagijs.	pag. 93.

P A R S

# I N D E X.

## P A R S Q V A R T A.

### De Ecclesiasticis Personis, earumque varijs Officijs, & obligationi- bus.

Cap.1. De vita, & honestate Clericorum.	pag.95.
Cap.2. De Officio Parochi.	pag.100.
Cap.3. De Canonicis, & Capitulo.	pag.105.
Cap.4. De Regularibus.	pag.108.
Cap.5. De Monialibus.	pag.111.
Cap.6. De Bizzochis, seu Tertiarijs.	pag.115.
Cap.7. De Confraternitatibus, & Sodalitijs.	pag.116.
Cap.8. De Examinatoribus Synodalibus.	pag.119.
Cap.9. De Iudicibus Synodalibus.	pag.123.
Cap.10. De Testibus Synodalibus.	pag.124.
Cap.11. De Foro Ecclesiastico, eiusque Officialibus.	pag. 128.
Cap.12. De diebus Ferialibus, in quibus Curia va- cant.	pag.130.
Cap.13. De diebus, in quibus Canonici hebdomadarii a primis Vesperis in Cathedrali nostra agere tenen- tur.	pag.134.
Taxa generalis Iurium Parochialium.	pag.136.
Cap.vlt. De Constitutionum Synodaliu observantia.	pag. 139.

# IN APPENDICE.

<b>B</b> <i>Vlla Gregorii XV. De exemptorum privilegiis .</i>	pag. 143.
<i>Constitutio eiusdem contra Sollicitantes in Confessione .</i>	pag. 148.
<i>Decreta C. Concil. de Celebratione Missarum. pag. 156.</i>	
<i>Declarationes aliquot S. Congreg. Concil. super eisdem Decretis .</i>	pag. 168.
<i>Alia declaratio S. C. super eleemosyna Missarum. pag. 185.</i>	
<i>Decretum de conficienda Tabella onerum Missarum .</i>	pag. 186.
<i>Constitutio Clem. X. circa Regularium privilegia quoad predicationem Verbi Dei , &amp; Sacramenti Pœnitentie administrationem.</i>	pag. 189.
<i>Instructio S. Congreg. S. Officij pro examine Testium in contrahendis matrimoniis.</i>	pag. 201.
<i>Propositiones damnata , &amp; prohibita à S. D. N. P. Innocentio XI.</i>	pag. 207.

FR. MICHAEL HIERONYMVS  
DE MOLINA

Dei , & Sanctæ Sedis Apostolicæ gratia  
Episcopus Melcuitanus Abbas , de  
Alcolea, & Catholicæ Maiestatis  
Regius Consiliarius.

*Vniuerso suæ Diœcesis Clero sempiternam in  
Domino felicitatem.*



OSTRI demandati gregis oues  
vt sub suauī Christianæ Religio-  
nis iugo felicioribus in dies pro-  
ficient incrementis, & vt, Eze-  
chielis Prophetæ voce diuina  
admoniti, *quod periit requiramus, Ezechiel*

*quod abiectum est reducamus, quod confractum est al-*  
*ligemus, quod infirmum est consolidemus, quod pingue,*  
*& forte custodiamus,* peracta à Nobis vniuersæ Diœ-  
cesis visitatione, præmissisque in omnibus Paro-  
chialibus Ecclesijs, nostræ curæ subiectis, sacris  
missionibus, in quibus verbi Dei prædicatione,  
ac Sacramentorum frequentia deperditas oues ad  
caulam Domini reducere curauimus, ad sacrorum  
Canonum, Summorumque Pontificum, & Con-  
ciliij Tridentini præscriptum, hanc primam Diœ-  
cesanam

cesanam Synodum congregare duximus; & in ea quæ ad diuinum cultum amplificandum, Ecclesiasticam disciplinam conseruandam, & augendam, quæ ad sacros Ordines, aliaquæ Religionis Officia ritè obeunda, quæ ad mores componendos, vitiaquæ radicitùs euellenda, quæ deniquè ad salutem animarum, quas immenso sui Sanguinis pretio Christus Dominus redemit, Vobis, quorum exemplo cæteri vitam, moresque componere debent, proposuimus. Vos igitur, Genua electum, obsecramus in Domino, *quacunque sunt vera, quacunque pudica, quacunque sancta, quacunque amabilia, quacunque bonæ famæ, si qua virtus, si qua laus disciplina, hæc cogitate, hæc sectemini; ut sicuti ad dandam scientiam salutis plebi eius vos constituit Dominus, ità vestris doctrinæ lumine, & charitatis ardore, vitiorum dissipata caligine, fideles à mortis faucibus reuocentur ad æuum, æternæ felicitatis; & has Synodales Constitutiones accipite, & quæ pro nostrarum virium tenuitate sanciuimus, non imbecillitatem nostram attendentes, sed tanquam Ecclesiæ documenta, considerantes, debitæ executioni demandate, ut sitis perfecti, & integri, in nullo deficientes; ac in omni opere bono fructificantes immarcescibilem coronam gloriæ percipere possitis.*

*Ad Philipp-  
4.v.8.*

*Epist. Iacobi  
1.v.1.  
Ad Colos. 1-  
v.10.*

In Nomine Sanctæ , & Indiuiduæ Trinitatis ,  
Patris, & Filij, & Spiritus Sancti. Amen.

# DECRETORVM SYNODALIVM

DIOECESIS MELEVITANAE.

## PARS PRIMA.

DE FIDE CATHOLICA,  
Et ad eam pertinentibus.

## CAPVT PRIMVM.

*De Fidei Orthodoxæ Professione.*

1.



VM Fides, sine qua impos-  
sibile est placere Deo , vt  
docuit Apostolus huius no-  
stræ Diœcesis Patronus , &  
Pater , lumen sit animæ ,  
ostium vitæ , fundamen-

*Ad Habr.  
cap. 11.*

*Chrisost. in  
illud Sym-  
boli Credo  
in Deum.*

*Ad Eph. 6.*

tum salutis æternæ , cunctarum mater virtutum ,  
& radix bonorum omnium ; Idcirco antiquissima  
Sacrorum Conciliorum comprobata consuetudi-  
ne adducti, confortati in Domino , & in potentia

virtutis eius, placuit ab eiusdem Fidei professione nostrarum Synodaliū Constitutionum initium sumere. Hoc enim scuto armati, omnia tela nequissimi ignea extinguere, & lumen veritatis ijs, qui in tenebris sedent, ostendere confidimus.

*Luc. c. 1.*

*Sess. 25. c. 2  
de refor.*

*Constit. Pij  
IV. In iun-  
ctum. Idib.  
Nov. 1654.*

2. Præcipimus igitur, dispositioni S. Concil. Trid. & Constitutioni Pij Papæ IV. inhærentes, vt omnes, & singuli Ecclesiastica Beneficia obtinentes, quique ad hanc Dioecesanam Synodum accedere tenentur, Fidei professionem coram Nobis, si hætenus non fecerint, emittant.

*Sess. 24. c.  
12. de re-  
form.*

3. Eamdē Fidei professionem prouisi de Beneficijs curam animarum habentibus, coram Nobis, vel nostro Vicario Generali, infra duos menses à die adeptæ possessionis emittant, & adepti Beneficij titulum ostendant. Prouisi autem de Canonicatibus, & Dignitatibus in Ecclesia nostra Cathedrali, non modò coram Nobis, vel Vicario nostro Generali, sed etiam in Capitulo, infra idem tempus duorum mensium, idem præstent; Alioquin prædicti omnes Prouisi sciant se fructus suos non facere, nec illis pacificam possessionem suffragari iuxta Concil. Trid. & eiusdem Pij Papæ IV. sanctiones.

*Ex. Const.  
88. Pij IV.  
In Sacrosan-  
cta.*

4. Concionatores similiter tam Seculares, quàm Regulares, Ludi Magistri, Præceptores, omnesque alij, qui publicè, vel priuatim quascunque artes, seu facultates, etiam prima Grammaticæ

maticæ rudimenta docent, Medicinam quoque ;  
& Chirurgiæ artem profitentes , ad propria ob-  
eunda munera , non nisi præuia eiusdem Ortho-  
doxæ Fidei professione admittantur ; propterea  
Hæbrei , aut Infideles ad medendum non vocen-  
tur, sub poena denegationis Sacramentorum , &  
priuationis Ecclesiasticæ sepulturæ ex Constitut.  
Greg. XIV.

*Greg. X. IV.  
Ann. 1591.*

5. Ne vnquam verò super præmissis dubi-  
tari possit, profitentium nomina, & cognomina,  
beneficia , eorumque titulos, dignitates, munia,  
& exercitia , vnà cum die , mense , & anno , in  
distincto libro , quem in Archiuio nostro con-  
seruari volumus , per Cancellarium nostrum re-  
ferantur .

6. Formula autem professionis Fidei iuxta  
eiusdem Pij Papæ IV. Constitut. huiusmodi est .

Ego N. firma fide credo , & profiteor omnia ,  
& singula, quæ continentur in Symbolo Fidei, quo  
Sancta Romana Ecclesia vitur, videlicet.

Credo in vnum Deum Patrem Omnipoten-  
tem , factorem Cœli , & Terræ , visibilium om-  
nium , & inuisibilium : Et in vnum Dominum  
Iesum Christum, Filium Dei Vnigenitum, & ex  
Patre natum ante omnia secula , Deum de Deo ,  
lumen de lumine , Deum verum de Deo vero ,  
genitum non factum , consubstantialem Patri ,  
per quem omnia facta sunt ; qui propter nos ho-  
mines ,



mines, & propter nostram salutem descendit de Coelis, & incarnatus est de Spiritu Sancto ex Maria Virgine, & homo factus est. Crucifixus etiam pro nobis sub Pontio Pilato; passus, & sepultus est; & resurrexit tertia die secundum scripturas, & ascendit in Coelum, sedet ad dexteram Patris; & iterum venturus est cum gloria iudicare viuos, & mortuos, cuius Regni non erit finis. Et in Spiritum Sanctum Dominum, & viuificantem, qui ex Patre, Filioque procedit, qui cum Patre, & Filio simul adoratur, & conglorificatur, qui locutus est per Prophetas. Et vnam Sanctam Catholicam, & Apostolicam Ecclesiam. Confiteor vnum Baptisma in remissionem peccatorum; Et expecto resurrectionem mortuorum, & vitam venturi seculi. Amen.

Apostolicas, & Ecclesiasticas traditiones, reliquasque eiusdem Ecclesiæ obseruationes, & Constitutiones firmissimè admitto, & amplector. Item Sacram Scripturam iuxta eum sensum, quē tenuit, & tenet Sancta Mater Ecclesia, cuius est iudicare de vero sensu, & interpretatione Sacram Scripturarum, admitto, nec eam vnquam nisi iuxta vnanimem consensum Patrum accipiam, & interpretabor. Profiteor quoque septem esse verè, & propriè Sacramenta nouæ legis à Iesu Christo Domino Nostro instituta, atque ad salutem humani generis, licet non omnia singulis, neces-

necessaria, scilicet, Baptismum, Confirmationem, Eucharistiam, Poenitentiam, Extremam Vnctionem, Ordinem, & Matrimonium: illaque gratiam conferre, & ex his Baptismum, Confirmationem, & Ordinem sine sacrilegio reiterari non posse. Receptos quoque, & approbatos Ecclesiæ Catholicæ Ritus in supradictorum omnium Sacramentorum solemni administratione recipio, & admitto. Omnia & singula, quæ de Peccato originali, & de Iustificatione in Sacrosancta Tridentina Synodo definita, & declarata fuerunt, amplector, & recipio. Profiteor pariter in Missa offerri Deo verum, proprium, & propitiatorium Sacrificium pro viuis, & defunctis: atque in Sanctissimo Eucharistiæ Sacramento esse verè, realiter, & substantialiter Corpus, & Sanguinem, vnà cum Anima, et Diuinitate Domini Nostri Iesu Christi, fierique conuersionem totius substantiæ panis in Corpus, et totius substantiæ vini in Sanguinem, quam conuersionem Catholica Ecclesia Transubstantiationem appellat. Fateor etiam sub altera tantum specie totum, atque integrum Christum, verumque Sacramentum summi: Constanter teneo Purgatorium esse, animasque ibi detentas fidelium suffragijs iuari: Similiter & Sanctos, vnà cum Christo regnantes, venerandos, atque inuocandos esse, eosque orationes Deo pro nobis offerre, atque eorum Reliquias esse

esse venerandas . Firmissimè assero Imagines Christi , & Deiparæ semper Virginis, necnon aliorum Sanctorum, habendas, & retinendas esse, atque eis debitum honorem, ac venerationem impertiendam . Indulgentiarum etiam potestatem à Christo in Ecclesia relictam fuisse, illarumque usum Christiano populo maximè salutarem esse, affirmo . Sanctam Catholicam , & Apostolicam Romanam Ecclesiam omnium Ecclesiarum Matrem , & Magistram agnosco: Romanoque Pontifici , Beati Petri Apostolorum Principis Successori, ac Iesu Christi Vicario, veram obedientiam spondeo, ac iuro . Cætera item omnia à Sacris Canonibus, & Oecumenicis Concilijs, ac præcipuè à Sacrosancta Tridentina Synodo tradita , definita , & declarata indubitanter recipio , atque profiteor, simulque contraria omnia, atque Hæreses quascunque ab Ecclesia damnatas, & reiectas, & anathematizatas, ego pariter damno , rejicio , & anathematizo . Hanc veram Catholicam Fidem, extra quam nemo saluus esse potest, quam in præsentī spontè profiteor , & veraciter teneo, eandem integram , & inuiolatam usque ad extremum vitæ spiritum constantissimè ( Deo adiuuante ) retinere , & confiteri , atque à meis subditis, vel illis , quorum cura ad me in munere meo spectabit , teneri, doceri, & prædicari , quantum in me erit, curaturum ,

Ego

Ego idem N. spondeo, voueo, ac iuro. Sic me Deus adiuvet, & hæc sancta Dei Evangelia.

## C A P V T II.

*De Catholica Fide ab omni errore, errorisque suspicionem illibata conservanda.*

1. **V**T Catholica Fides, quam hæc nostra Meleuitana Ecclesia receptam, inter tot persecutionum turbines, ac Saracenorum irruptiones, ab omni nube perfidiæ, & hæreticæ prauitatis illibatam, speciali Dei beneficio, custodiuit, sine ruga, & sine macula in sua puritate conseruetur, & à grege Domini Nobis credito nedùm perniciofa erroris lues, sed eius quoque suspicio procul arceatur; ideò curam animarum habentes omnia, & singula, quæ in Edicto Sancti Officij promulgari solito continentur, à suis populis sedulò obseruari curent.

2. Prætereà sollicitè mandamus sub poenis à lure statutis, vt Nobis, aut sanctissimæ Inquisitionis Tribunali denuncient omnes Hæreticos, Schismaticos, aut quouis modo de hæresi suspectos, Magos, Strigas, Veneficos, Augures, Sortilegos, aliosque damnatis artibus incumbentes, similiter Sacramentis, & Sacramentalibus rebus, aut verbis Sacris impiè abutentes,

B

nec

Const. 17-  
Cali. &  
Terra.

necnon signis, nodis, aut characteribus præsertim ignotis, vel ad morbos, vel ad rerum amissarum scientiam, vel ad quemcumque alium, etiam licitum, & honestum finem vtentes, aliaque huiusmodi, quæ expressum, vel tacitum, cum Doemone pactum contineant, superstitiosè exercentes; vt hi omnes, iuxtà huiusmodi nefarij criminis grauitatem, & præcipuè ad formam Constitutionis Sixti V. contrà ipsos editæ, seuerè puniri possint, ne tantum malum ouile, Christi inficiat.

Leuit. 14.

3. Nefarium, & execrabile blasphemix scelus diuinis semper, & humanis legibus æquè damnatum, imò, & turpissimæ mortis poena, in veteri Testamento punitum, quod præ scele-ribus omnibus diuinæ iracundiæ flagella prouocat, è nostra Dioecesi penitè euellere cupientes, enixè præcipimus Parochis omnibus, vt sæpissimè inter Missarum solemnias huius criminis grauitatem, & poenas à Sacris Canonibus, Summorumque Pontificum Constitutionibus statutas, suis populis denuncient: idem præstent Confessarij omnes, si quem inter audiendas Confessiones in huiusmodi peccatum lapsum reppererint.

# C A P V T III.

*De Catholica Verbi Dei prædicatione.*

1. **C**VM sermo Diuinus, non in persuasibilibus humanæ Sapientiæ verbis, sed in ostensione Spiritus, & Virtutis consistere, debeat, vt fructum afferat; Idcirco Concionatores omnes, tam Seculares, quàm Regulares, in Domino hortamur, vt in omnibus se exhibeant tanquàm Christi Domini Ministros, & dispensatores Mysteriorum Dei, & non solum verbo, sed, quod efficacius est, exemplo populis prædicent.

1. ad Cor.  
cap. 2.

2. ad Cor.  
cap. 4.

2. Euangelicam Doctrinam, Sacram Scripturam iuxta Catholicæ Ecclesiæ sensum, & Sanctorum Patrum consensum exponant, ac proferant; Quæstionum subtilitatem, quæ potius ad ingenij ostentationem, quàm ad animarum præsidia conferunt, euitare studeant: A fabulosis, inutilibus, ac iocosis quæstionibus, & sermonibus abstineant, sicut & ab apocriphis historijs, ac miraculorum non approbatorum narratione, peccatores cum charitate redarguant, in nullum personarum statum tacitè, vel expressè inuehantur, sed in vitiorum repræhensione,

ne, ac eradicatione defudantes, à personarum offensione penitùs caueant.

3. Indulgentias sine nostra, aut nostri Vicarij Generalis licentia, populo non euulgent, minusque alicuius particularis indigentiam, sine saltem Ecclesiarum Rectorum consensu, propo-  
nant.

*Trid. sess.  
24. cap. 4.  
de reform.*

4. Parochi omnes, quibus hoc prædicandi munus peculiariùs incumbit, per se ipsos, vel si legitimè impediti fuerint, per alios Sacerdotes idoneos, singulis saltem diebus Dominicis, festisque solemnibus, sæpiùs verò tempore Quadragesimæ, & Aduentus Domini, præsertim, vbi Concionatores non adfuerint, spiritualibus Verbis proprias oues pascant, sacrisque colloquijs quæ ad salutem sunt necessaria doceant, necnon vitia, quæ eos declinare, & virtutes, quas sectari oporteat, cum breuitate, & facilitate sermonis annuncient, grauibus poenis arbitrio nostro plectendi, si in eiusmodi Apostolicæ prædicationis munere aliquo pacto defecerint.

*Triden. loc.  
cit.*

5. Coeteri verò siue Seculares, siue Regulares, qui animarum curam non habent, absque licentia à Nobis impetrata, etiam prætextu cuiusvis priuilegij, prædicare nequeant, nec ipsi quoque Regulares in proprijs Ecclesijs, nisi obtenta priùs ab eorum Superioribus permissione, & petita à Nobis benedictione, sub poenis à Sacris Canonibus

nonibus, & Constitutionibus Apostolicis statutis, & specialitèr à Constitutione Gregor. XV. quam latè declaravit Clemens X. in Constit. quæ incipit *Superna*.

6. Abstineant in Concionibus se ipsos elemosynæ causa commendare, aut in audiendis Confessionibus pecuniam, vel dona petere.

7. Conciones omnes diurno tempore habeantur, præterquàm feria quinta maioris hebdomadæ, quo die de nocte pro maiori populi commoditate fieri permittimus, quo tamen tempore tot lumina sint accensa, vt omnis scandalorum occasio euitetur, & in ipsa hora Concionis omnes, etiam artifices, operarij, & manuales, à seruilibus operibus vacare, & ad Verbum Dei audiendum accedere curent.

## C A P V T IV.

### *De Doctrina Christiana.*

1. **N**E paruuli sint in Fide fluctuantes, & circumferantur omni vento doctrinæ in nequitia hominum, sed sacris Christianæ disciplinæ rudimentis imbuti, salubri veluti lacte educati, pietate simul, ac religione adolefcant; Ideo ad præscriptum Sac. Concil. Trident. *Ad Ephes. cap. 4.* *Sess. 24. de refor. cap. 4.* omnibus Parochis, alijsque curam animarum habent.



habentibus, præcipimus, & mandamus, vt sal-  
tè diebus Dominicis, alijsque festiuis de præ-  
cepto, pueros in suis Parochijs Fidei rudimenta,  
cultum ergà Deum, reuerentiam ergà Parentes,  
& Christianam morum honestatem per se, vel  
per alios à Nobis approbandos, diligenter edo-  
ceant.

2. Cum reperiri possint non solum paruuli  
vtriusque sexus, sed etiam viri, & foeminae æta-  
te maiores, qui Orationem Dominicam, Salu-  
tationem Angelicam, Symbolum Apostolorum,  
decem Præcepta Decalogi, aliaque ad Fi-  
dem pertinentia non adhuc rectè sciant, de-  
beant Parochi sæpius populo denunciare, vt di-  
stinctè supradicta capita ediscant, illosque mo-  
nere, nisi ea distinctè recitauerint, à Sacramen-  
tis, tanquam indignos, arcendos fore. Vt autem  
à rudioribus facilius addiscantur, diebus festis  
inter Missarum celebrationem, seu post Vesperas,  
aliouè opportuno tempore, quo frequentior  
populus ad Ecclesiam conuenit, alta voce, eodem  
populo repetente, dicta capita recitare studeant.  
Si quis verò ex Parochis, tantæ obligationis im-  
memor, statutis diebus hæc edocere neglexerit,  
seuerè à Nobis nedùm multa pecuniaria pijs vsi-  
bus applicanda (quod semper seruabitur quando-  
cumque poena pecuniaria infligetur) sed etiam  
suspensione à Diuinis punietur.

Magi-

3. Magistri Scholarum, saltèm semèl in hebdomada, de omnibus ad Christianam doctrinam spectantibus pueros erudire non prætermittant.

4. Confessarij tam Seculares, quàm Regulares antequàm pœnitentes ( quos rudiores esse animaduertunt, nec illorum notitiam habent ) in Sacris Confessionibus audiant, de Mysterijs Fidei diligentèr interrogent, ignarosquè repositos opportunis remedijs prouideant, vt de his eruditi ad Confessiones reuertantur.

5. Præterea Parochi frequentèr publicè, & priuatim admoneant Parentes, Paternos, Propinquos, Tutores, Curatores, & quoscunque alios, quibus puerorum cura commissæ est, vt eos omni studio, ac diligentia Christianam Doctrinam edoceant, & pro addiscendis Fidei rudimentis ad Ecclesias statutis diebus mittant; nec non consimilem Dominorum ergà famulos obligationem inculcent, grauissimam de tali culpa rationem Deo reddituri.

6. Nemo ad suscipiendum de Sacro Fonte, Matrimonium contrahendum, aut ad aliorum Sacramentorum participationem admittatur, qui saluberrima Christianæ Doctrinæ rudimenta ignoret.

7. Vt autem ad Christianam Doctrinam ediscendam Christi fideles faciliùs excitentur, & tam

B. Pius V.

Const. 137.

ex debito

Gregor. 13.

Const. qua

incipit uni-

uersis 30.

Oſto. 1573

Paulus V.

Const. 36.

ex credito.

tam præcipuum Charitatis opus ardentius eorum cordibus inferatur, Parochi omnes summarium Indulgentiarum, quæ in hanc causam à Summis Pontificibus concessæ reperiuntur, saltem semel in anno populo promulgent, & Sodalitatem Doctrinæ Christianæ instituere curent.

## C A P V T V.

*De Reliquijs, Sacris Imaginibus, Veneratione  
Sanctorum, & Miraculis.*

I. **I**NNVMERABILIA, quæ à Deo per intercessionem Sanctorum quotidie Fidelibus conferuntur beneficia, ac eorum merita, quibus vniuersus refulget Orbis, & militans condecoratur Ecclesia, exigunt, ut quorum opem nostris necessitatibus religiosè imploramus, eorum sacra Ossa, Reliquias, & Imagines maximo decore, magnoquè Religionis cultu veneremur. Ut debitus tamen in earum adoratione exhibeatur honos, & omnis superstitionis suspicio tollatur, hæc seruanda statuimus.

Trid. sess.  
25 de inuoc.  
at. vener.  
& Reliqu.  
Sanctor.

2. Nouæ, & incertæ Reliquiæ non recipiantur, nec populo adorandæ exhibeantur, aut prædicentur, nisi prius à Nobis facta recognitione & approbatione; Si quæ verò ignotæ, dubiæ,

fidei

fidei, legitimis quippè documentis carentes sint, in loco honesto semper clausæ conseruentur; Quæ verò ab antiquo continuata populorum' veneratione, ac Prædecessorum nostrorum iudicio, & in nostra Visitatione approbatæ existunt, eadem veneratione habeantur, qua hætenùs habitæ fuerunt, non vbilibet, sed in armarijs decentè ornatis, & honorabilibus thecis reconditæ, vel in Ecclesia ipsa, vel in Sacristia fixo in loco, una, saltèm clauis oclusæ, conseruentur.

3. Ex armarijs, thecis, & vasculis nemo absque nostra licentia Sacras Reliquias, aut earum partem aliquam extrahere, seù sibi attribuere, seù alijs donare irreligioso conatu audeat, sub poena excommunicationis ipso facto incurrendæ, alijsque arbitrio nostro seuerè, & irremissibiliter irrogandis.

4. In Ecclesia, in qua conditæ sunt Reliquiæ Insignes, vt est Corpus, Caput, Brachium, Crus, aut alia pars, in qua passus est Martyr, modo sit integra, & non parua, & legitimè approbata, diem festum, & Officium duplex illius Sancti, cuius est Reliquia, celebrari potest.

*Sac. Rituum  
Congreg. 8.  
Apr. 1628.*

5. Non exponantur Sacræ Reliquiæ nisi à Sacerdote, seù alio Sacris Ordinibus initiato, superpellicio, & stola induto, duobus saltèm cereis collucentibus, non passim, sed statutis, ac solitis anni festiuitatibus, aut grauis necessitatis

C

cau-

causa, præmissis thurificatione, & consuetis orationibus. Ab Ecclesia ad Infirmos absque nostra licentia non deferantur.

*Conc. Trid.  
loc. cit. Vr-  
ban. 8. Con-  
stit. quæ in-  
cipit Sacro-  
sancta Trid.  
25. Maij  
1645.*

6. Vt sacris Sanctorum Imaginibus pius à fidelibus exhibeatur cultus, & veneratio, nihil in ijs lasciuum, inordinatum, profanum, & inhonestum appareat, extrà morem non effigientur, pingantur, formentur, aut ornentur, nec insolitæ in Ecclesijs exponantur, nostra non præcedente recognitione: Habitu peculiari alicuius Ordinis regularis minimè vestiantur, sed eo habitu, & forma, prout in Catholica, & Apostolica Ecclesia ab antiquo tempore consuetum, fuit.

7. Imagines, & Simulacra illorum, qui licet cum sanctitatis, & martyrij fama decesserint, cum laureolis, radijs, seu splendoribus non pingantur, nec formentur, antequam canonizati, aut Beatorum Catalogo adscripti ab Apostolica Sede non fuerint.

8. Strictè monemus Pictores, & Sculptores, ne ex industria in Sanctorum Imaginibus, & Statuis effigies viuientium, aut mortuorum exprimant, neque alias efforment figuras, quæ ad sacram non attinent historiam, sub poena excommunicationis, alijsque arbitrio nostro irrogandis.

9. Cruces, Sanctorumque Imagines pro  
Eccle-

Ecclesiarum usu non exponantur, nisi prius consuetis precibus benedictæ fuerint.

10. Noua miracula, seu reuelationes non adhuc à Sancta Sede approbatæ, non prædicentur; qui enim temerariè falsa miracula prædicare præsumperit, vltra diuinam indignationem, & alias poenas à Nobis infligendas, Papali excommunicationi subijcitur ex Constitutione Leonis X.

*Trid. loco cit.*

*Leo X. Bul. 21. incipit Supernæ Maiest.*

11. Nemo, cuiuscunque status, gradus, & conditionis existat, audeat per se, vel per alios inquirere, seu informationes capere super alicuius defuncti sanctitate, & miraculis, & testes desuper examinare, aut obtinere ad hunc effectum extraiudiciales testificationes, aut subscriptiones, quantumuis sub fama sanctitatis ex hac vita migrauerit, sub poenis arbitrio Sacræ Congregationis Rituum.

## C A P V T V I.

*De Denunciatione Vigiliarum, Fæstorum, eorumque obseruantia.*

1. **C**V M dies festos (quibus nos memoriam Mysteriorum Redemptionis nostræ, victoriarumque illorum, qui triumphato Mundo cum Christo regnant, recolentes, diuinæ

Bonitati gratias, & laudes, Sanctisque debitum honorem tribuere debemus ) deprauata hominum cupiditate, seruilibus operibus, non sine animi dolore, violari videamus; vt tanto malo, quantum in Nobis erit, opportunè occurramus, enixè præcipimus, vt Parochi omnes debeant populo denunciare Vigiliæ, in quibus ea hebdomada ex præcepto Ecclesiæ ieiunare tenentur, & secundum Constitutionem Urbani VIII. pro obseruatione Festorum editam, publicare dies festos pariter ex præcepto à Christi fidelibus colendos.

*Urbanus 8.  
Const. incip.  
Vniuersa.  
Die 13. Sep  
semb. 1641*

2. Præterea curent, vt populi sibi commissi hos dies ritè obseruent, summa veneratione Ecclesias frequentent, Sacrum attentè audiant, diuinis Officijs deuotè intendant, ab omni illicito, & seruili opere abstineant, mercaturas non faciant, profanæ negotiationes, Contractuum rogitus, exceptis à lure permissis, & Iudiciorum strepitus conquiescant; sub grauissimis poenis arbitrio nostro, vltra diuinam indignationem, & amissionem rerum, & animalium, iuxta Constit. B Pij V. contrauenientes mulctandi.

*B. Pius V.  
Const. circa  
ordinat. diuini  
Cultus  
Bull. Cbe-  
rub. 5. 5. 7.*

3. Tempore, quo diuina Officia celebrantur, aut Sacra Concio, Doctrina Christiana, vel quæcumque alia Ecclesiastica functio peragitur, nulli in Ecclesia, quam decet Sanctitudo, vel propè illam, strepitus, clamores, aut importunæ confabula-

*Psal. 92.*



fabulationes fiant ; Citharædorum cantilenas , choreas , commellationes, & intemperantes com-  
potationes in tabernis , atque alia eiusmodi , quæ  
à diuino cultu populos reuocant , sub poena vn-  
ciarum quinque pijs operibus applicandarum ,  
prohibemus.

4. Dum Missa solemnis , aut Concio ad po-  
pulum habetur , officinæ & apothecæ quorum-  
cumque mercatorum , atque artificum ex toto  
claudantur ; reliquo autem die illas dumtaxat ,  
in quibus aliquid ad victum diurnum necessa-  
rium vendi solet , apertas remanere permitti-  
mus , ante quas tamen exponi res venales prohi-  
bemus, sub poena tar. duodecim pro qualibet vi-  
ce à Contrauentoribus soluen. Artifices autem ,  
qui in ijs habitant , ostiolum tantum apertum re-  
tinere valeant.

5. Licentia laborandi diebus festis tempore  
messis, recollectionis fructuum , vel quandocun-  
que necessitas vrget , nonnisi à Vicario nostro  
Generali , aut à Vicarijs foraneis , gratis tamen ,  
concedatur ; Si autem ad hos de facili recursus  
haberi nequeat , proprius Parochus consulatur ,  
qui pro prudentia , & conscientia sua , quam in  
hoc grauiter oneramus , licentiam impertiatur .





# Festa de Præcepto obseruanda hæc sunt.

## *I A N V A R I I.*

- 1. Circumcisio Domini.
- 6. Epiphania Domini.
- 25. Conuersio S. Pauli Apostoli.

## *F E B R V A R I I.*

- 2. Purificatio Beatæ Mariæ Virginis.
- 24. Sanctus Matthias Apostolus.

## *M A R T I I.*

- 19. S. Ioseph Confessor.
- 25. Annunciatio B. Mariæ Virginis.

## *A P R I L I S.*

## *M A I I.*

- 1. SS. Philippus, & Iacobus Apostoli.
- 3. Inuentio Sanctæ Crucis.

## *I V N I I.*

- 24. Natiuitas S. Ioannis Baptistæ.
- 29. SS. Petrus, & Paulus Apostoli.

*I V L I I.*

- 25. Sanctus Iacobus Apostolus.
- 26. S. Anna Mater B. Mariæ Virginis.

*A V G V S T I.*

- 10. S. Laurentius Martyr.
- 15. Assumptio B. Mariæ Virginis.
- 24. S. Bartholomæus Apostolus.

*S E P T E M B R I S.*

- 8. Natiuitas B. Mariæ Virginis.
- 21. S. Matthæus Apostolus, & Euang.
- 29. Dedicatio S. Michaelis Archangeli.

*O C T O B R I S.*

- 28. SS. Simon, & Iudas Apostoli.

*N O V E M B R I S.*

- 1. Omnes Sancti.
- 30. Sanctus Andreas Apostolus.

*D E C E M B R I S.*

- 8. Conceptio Immaculatæ Virginis Mariæ  
Patrona primaria nostræ Metropolis Pa-  
normitanæ, ac totius Siciliæ Regni.
- 21. Sanctus Thomas Apostolus.
- 25. Natiuitas Domini Nostri Iesu Christi.
- 26. Sanctus Stephanus Prothomartyr.
- 27. S. Ioannes Apost. & Euang.

San-

28. Sancti Innocentes.  
 31. S.Syluester Papa, & Confessor.

*Dominicæ omnes.*

## Mobilia.

Resurrectio Domini, cum duobus sequentibus.  
 Ascensio Domini.  
 Pentecostes, cum duobus sequentibus.  
 Festum Sanctissimæ Trinitatis.  
 Festum Corporis Christi.  
 Dies Patroni cuiuslibet Parochiæ, in ipsa tantum.

Festa, quæ ex Populorum deuotione seruari possunt.

### *I A N V A R I I.*

21. S.Publius Episcopus, & Martyr, Insulæ Patronus.

### *F E B R V A R I I.*

5. Sancta Agatha Virgo, & Martyr, Insulæ Patrona.

*MAR-*

*M A R T I I.*

- 7. Sanctus Thomas Aquinas Confess. & Ecclesiae Doct.
- 12. S. Gregorius Papa, & Confessor.
- 20. S. Ioachim Confess. Pater B. V. Mariae.

*A P R I L I S.*

- 2. S. Franciscus de Paula Confessor.
- 25. S. Marcus Euangelista.

*M A I I.*

- 4. S. Monica Vidua.
- 12. S. Philippus Argyriensis Confessor.

*I V N I I.*

- 11. S. Barnabas Apostolus.
- 13. S. Antonius de Padua Confessor.

*I V L I I.*

- 2. Visitatio B. Mariae Virginis.
- 14. S. Bonaventura Episcop. Confess. & Ecclesiae Doct.
- 16. S. Mariae de Monte Carmelo.
- 22. S. Maria Magdalena.
- 31. S. Ignatius Loyola.

*AUGUSTI.*

- 1. S. Petrus ad Vincula.
- 2. S. Maria ad Portiunculam.
- 4. S. Dominicus Confessor.
- 5. S. Maria ad Nives.
- 6. Transfiguratio Domini.
- 16. S. Rocchus Confessor.
- 28. S. Augustinus Episcopus, Confess. & Ecclesiæ Doct.
- 29. Decollatio S. Ioannis Baptistæ.

*SEPTEMBRIS.*

- 4. S. Rosalia Virgo Panormitana.
- 14. Exaltatio S. Crucis.
- 30. S. Hieronymus Confessor, & Ecclesiæ Doctor.

*OCTOBRI S.*

- 2. SS. Angeli Custodes.
- 4. S. Franciscus Confessor.
- 16. S. Theresia Virgo.
- 18. S. Lucas Euangelista.

*NOVEMBRI S.*

- 11. S. Martinus Episc. & Confessor.
- 21. Præsentatio B. Virginis.
- 25. S. Catherina Virgo, & Martyr.

2. S. Franciscus Xauerus.
7. S. Ambrosius Episcopus , Confess. & Ecclesiæ Doct.
13. S. Lucia Virgo, & Martyr.

## C A P V T VII.

### *De Ieiunio.*

1. **C**orporale Ieiunium sanctè , & religiosè ab Ecclesia institutum , quo vitia , & rebelles , ac tumultuantes humanæ carnis concupiscentiæ aduersus spiritum comprimuntur , & mens ad cælestia eleuatur, à fidelibus quibuscunque , post completum ætatis annum vigesimum primum, sub mortalis peccati poena obseruari omni diligentia curandum est .

2. Doceant propterea Parochi post publicatas Vigilias , quæ de præcepto Ecclesiæ sunt ieiunandæ , non solum à cibis vetitis , verùm, etiam ab omni mortiferæ culpæ reatu abstinendum : expostulat enim religiosa ieiunij obseruantia , vt omnia noxia , quæ subruunt mentes fidelium , vitentur, & feruentius orationi , eleemosynis , ac Sacramentis, quibus vindex supremi ludicis ira flectitur, instetur .

3. Idcirco qui alijs temporibus, non sine graui Dei offensa, meretricum domos frequentant, tempore Quadragesimæ, ac Aduentus Domini ab illarum consortio, sub poenis Nobis arbitrarijs, penitus abstineant.

4. Sacro Quadragesimæ tempore cibos vitatos publicè vendere, venales exponere, aut emere nemini liceat; Ad vsum autem infirmorum, in secreto certis constitutis locis, ijs tantum, qui ex iusta causa licentiam in scriptis obtentam, à nostro Vicario Generali, seu Vicarijs foraneis subscriptam, habuerint, vendantur, sub poena vniuersi à contrauentoribus pro qualibet vice soluenda. Ideò Medici, ac Chirurghi testimonium, ac fidem suam ubi vrgens, ac iusta necessitas tantum adfuerit, & non omnibus passim concedant.

5. Ad vitandam scandalorum occasionem, & ne tam salutare ieiunij præceptum ab infidelibus illudatur, in publico à carniū comestione prorsus abstineant, sed propriæ consulentes imbecillitati, secretò illas præparent, & comedant.

## Dies Ieiuniorum.

Quadragesimæ singuli dies, exceptis Domini-  
cis.

Quatuor tempora totius anni, videlicet:  
Hyemalia, mense Decembri post festum Sanctæ  
Luciæ.

Vernalia, post primam Dominicam Quadra-  
gesimæ.

Aestiva, post Dominicam Pentecostes.

Autumnalia, mense Septembri post Festum,  
Exaltationis Sanctæ Crucis.

Vigilia Pentecostes.

Vigilia Sancti Matthiæ 23. Februarij, & 24. in  
anno bissextili.

Vigilia Natiuitatis Sancti Ioannis Baptistæ 23.  
Iunij.

Vigilia SS. Petri, & Pauli 28. Iunij.

Vigilia Sancti Iacobi 24. Iulij.

Vigilia Sancti Laurentij Martyris 9. Augusti.

Vigilia Assumptionis B. Mariæ Virginis 14.  
Augusti.

Vigilia Sancti Bartholomæi Apostoli 24. Au-  
gusti.

Vigilia Sancti Matthæi Apostoli 20. Septem-  
bris.

Vigi-



Vigilia SS. Simeonis, & Iudæ Apostolorum 27.  
Octobris.

Vigilia Omnium Sanctorum 31. Octobris.

Vigilia Sancti Andreæ Apostoli 29. Nouem-  
bris.

Vigilia S. Thomæ Apostoli 20. Decembris.

Vigilia Natiuitatis Domini Nostri Iesu Christi  
24. Decembris.

Feria sexta, & Sabbato per totum annum esus  
carnium interdicitur.



# PARS SECVNDA.

DE SACRAMENTIS,  
Seù de pertinentibus ad eorum vsum,  
frequentationem, & ministracionem,

## CAPVT PRIMVM.

*De Sacramentis in genere.*

1.



CHRISTVS Dominus *Ad Eph. 5.*  
ità suam dilexit Ecclesiam,  
vt se ipsum traderet pro ea,  
vt illam sanctificaret, san-  
ctissima nouæ legis Sacra-  
menta, veluti instrumenta

salutis, atque inuisibilis gratiæ visibiles formas  
in adiutorium humani generis instituendo: Non  
enim infirma sunt, & egena elementa, sed ex  
infinitis Redemptoris meritis, & passione spiri- *Ad Gal. 4.*  
tuale salutem continent, per quæ omnis vera-  
iustitia vel incipit, vel coepta augetur, vel amif-  
sa reparatur.

2. Propterea curent Parochi, alijque Sacer-  
dotes, ad quos pertinet prætiosa hæc dona admi-  
nistrare, vita, moribusque se reddere irrepre-  
hensibiles, conscientiamque ab omni lethali  
cul-

culpa mundatam habere ; debitam materiam , ac verborum formam in vnoquoque Sacramento institutam, nihil addendo, vel minuendo, seu quouis alio modo variando, seruent ; in ipso administrationis actu intentionem actualem, vel saltẽm virtualem, ac firmam faciendi id, quod intendit Ecclesia, habeant ; & induti superpelliceo, & stola, ijs tantũ ritibus, & cæremonijs in Rituali Romano sub Paulo V. edito præscriptis, illa conferant.

3. In quacunque hora diei, ac noctis eorum ministerium in administrandis Sacramentis populis sibi commissis adimpleant ; Si qui enim eorum incuria absque Sacramentis decesserint, ultra diuinam indignationem, grauissimis poenis à Nobis punientur ; nec quidquam prorsus, quantumuis minimum, directè, vel indirectè sub quouis prætextu, petere, aut exigere audeant pro Sacramentis administrandis.

4. Sine speciali Parochi licentia nemo præsumat matrimonia solemnizare, & Sacramenta Extremæ Vnctionis, vel Eucharistiæ Infirmis, siuè Clericis, siuè Laicis ministrare, sub poena excommunicationis ipso facto incurrendæ, Sanctæ Sedi reservatæ.

5. Habeant præterea Parochi quinque libros, prout in Visitatione nostra mandauimus, in quorum primo Baptizatorum, in secundo

Con-

Confirmatorum, in tertio matrimonia Contra-  
hentium, in quarto Defunctorum, in quinto  
denique omnium in sua Parochia degentium,  
nomina distinctè teneantur describere, ad præ-  
scriptum Ritualis Romani; & post octauam Pa-  
schatis Resurrectionis omnium nō Communica-  
torum nomina, cognomina, sexum, & ætatem  
Catalogum continentem, ad Nos quamprimum  
transmittant, sub poena vnc. quinque, pijs operi-  
bus applican. alijsque arbitrio nostro irrogan-  
dis.

## C A P V T I I.

### *De Sacramento Baptismi.*

1. **B** Enignitas, & humanitas Saluatoris no-  
stri secundum suam misericordiam *Ad Tit. 2.3*  
saluos nos fecit per lauacrum regenerationis, &  
renouationis Spiritus Sancti, per Baptismi scili-  
cet Sacramentum, quo non solum deletur pecca-  
tum, & per peccatum mors, quæ intrauit in  
Mundum, sed & de regione vmbre mortis  
nos in partem Sanctorum vocauit, & libro vitæ  
adscripsit: quapropter qua par est reuerentia, ac  
animi deuotione illud administrari curare de-  
bemus.

2. Parochus igitur, seu alius Sacerdos de,  
E con-

consensu eiusdem baptizaturus, diuinæ gratiæ, ad tam præstantissimum opus assistentiam, à supremo rerum Conditore deuotè, & reuerentè imploret, & indutus superpelliceo, & stola violacea, & postmodum alba, ad formam Ritualis Romani, illud administret; & antequam infantem baptizet, à deferentibus diligenter inquirat, an domi, ita urgente necessitate, baptizatus fuerit, sub qua materia, & forma, & an omnia illa peracta fuerint, quæ ad huiusmodi ministratiōnem in casu periculi extra Ecclesiam requiruntur: & quatenus baptizatum compererit, non iterum baptizet, sed tantum Catechismum, preces, ac Coeremonias omissas, & ab Ecclesia fieri consuetas, expleat. Si verò probabiliter de eius vilida ministratiōe dubitet, iterum conferat, sub ea tamen conditione, si non est baptizatus &c. idemque seruetur cum infantibus repertis in via, seu expositis ad ianuam alicuius Ecclesiæ, vel Hospitalis sine baptismi schedula, si de recepto Sacramento à persona fide digna testimonium non habeatur, & cum ijs etiam, qui ob partus edendi difficultatem, mortisque periculum, in alia corporis emissa parte, quàm in capite, baptizati fuerint.

*Trid. sess.  
14. de Bapt.  
cap. 2.*

3. Quamuis baptizandi munus ad proprium Parochum tantummodò pertineat, quoties tamen mortis manifestum imminet periculum, quilibet

bet esse potest baptismi minister, qui applicata-  
ritè materia, & forma, intentionem habeat fa-  
ciendi quod facit Ecclesia, seruata tamen gradus  
præminèntia, ita videlicet, vt Clericus Laico,  
masculus foeminæ in hoc Sacramento ministran-  
do præferatur, nisi aliter necessitas suadeat, &  
honestas.

4. Quoniam plerumque qui baptismum  
in casibus necessitatis administrant, sunt obste-  
trices, has obstetricandi munus exercere prohi-  
bemus, si à Nobis, scù Vicario nostro Generali  
approbatæ non fuerint, & approbationem super  
eorum idoneitate in scriptis obtinuerint, sub pœ-  
na carceris, alijsque arbitrio nostro incurrendis;  
Et quamuis approbatæ existant, sæpè nihilomi-  
nus examinètur à Parocho, an baptismi formam,  
aliaque necessaria ad baptizandum memoria-  
retineant, & ea ignorantes accuratè, & patientèr  
ab eodem edoceantur.

5. In nominibus imponendis Parochus eni-  
xè hortetur parentes, ne nomina fabulosa, vel  
gentilitatem redolentia filijs imponant, sed so-  
lummodò ea, quæ Christianæ pietati conueniunt,  
vt sunt nomina Sanctorum. Plures patrini, iuxtà  
præscriptum Sac. Concil. Trid; non adhibeantur,  
sed vnus, siue vir, siue mulier, vel ad summum  
duo, vnus vir, & altera foemina.

*Trid. sess.  
24. de refor.  
cap. 2.  
C. quamuis  
de cognat.  
spirituali  
in 6.*

6. Ad patrini munus obeundum non ad-

mittantur mares , nisi iam completo decimo quarto ætatis anno , & foeminæ duodecimo ; Sacramento Confirmationis nondū initiati ; qui in Paschate eiusdem anni confessi non fuerint , & Sanctissimum Eucharistiæ Sacramentum non receperint ; prima rudimenta Fidei ignorantes ; publicè criminosi , meretrices , lenones , & similibus notæ homines ; denique quicunque Regulares vtriusque sexus , & Clerici , etiam in Sacris , sine nostra speciali licentia , sub poenis arbitrio nostro iussu

*C. non licet  
Abbati de  
consecr. dist.  
4.*

7. Patrini antequam suscepto fungantur officio, moneantur à Parochis de affinitate, seu cognatione spiritali contrahenda inter ipsos , & baptizatum, eiusque genitores , & de obligatione illos Catholica Fide , & probatis moribus instituendi , si in hoc præstando parentes diligentes non fuerint.

*Trid. sess.  
24. de refor.  
cap. 2.*

8. Infantes vnius Parochiæ pro suscipiendo baptismo, ad aliam, sine nostra speciali licentia , & proprij Parochi consensu, non transferantur, sub poena vnc. quinque à Parochis , qui illis baptismum conferre ausi fuerint , incurrenda ; nec sub Ritu Græcorum baptizentur, nisi sub eodem Ritu eorum genitores vitam duxerint.

9: Vt opportunè infantium suffocationis periculo occurratur, peracto baptismo debeant Parochi monere obstetricem, vt parentibus denunciet ,

ciet, nè aut ipsi, aut nutrix, aut quicunq. alij puerum anno minorem secum in lecto sine repagulo retineant, sub poena excommunicationis incurrendæ, alijsque arbitrio nostro infligendis secuta suffocatione.

10. Cathecumeni iam adulti ad sacrum Baptismi fontem non recipiantur, quin priùs præteritorum peccatorum contritionem, vel saltem attritionem habuerint, & in Catholicæ Fidei rudimentis fuerint sufficienter instructi, præuia facultate à Nobis obtenta.

### C A P V T III.

#### *De Sacramento Confirmationis.*

1. **C**VM Nobis, tanquam Christi militiæ per Baptismi Sacramentum adscriptis, sit colluctandum aduersus principes, & potestates, aduersus Mundi rectores tenebrarum, Christus Dominus noster sacro Chrismate, nos regenerauit ad pugnam, vt in spirituali certamine, huius Sacramenti virtute fortiores effecti, illius nomen audacter confiteri, & spirituales hostes debellare valeamus. Ineffabiles igitur huius Sacramenti virtutes curent animarum Rectores omni, qua poterunt diligentia, populis explicare, & in eorum animis inferere.

Cum

*Ad Eph. 6.*



2. Cum contigerit in Dioecesi nostra Confirmationis Sacramentum administrari, denuncient Parochi infra Missarum solemnias, Confirmandos debere esse ætatis, ut usum rationis habeant, in Mysterijs Fidei sufficienter instructos; adultos non debere accedere, quin prius propriam conscientiam Sacramento poenitentiae expiauerint; simulque edoceant per hoc Sacramentum indelebilem characterem, ac notam imprimi in animas; ideoque sine sacrilegio reiterari non posse; & eandem cognationem spirituales, quæ in Baptismo, & inter easdem personas, hic quoque contrahi.

3. A receptione huius Sacramenti abstineant adulteri, meretrices, excommunicati, interdicti, vel grauioribus facinoribus alligati.

4. Non assumantur Patrini, qui non sint eius conditionis, quam in Sacramento Baptismi decreuimus; sint natu maiores, vel saltem ætate pares Confirmando, & huius Sacramenti functioni adhibendi, diuersi ab ijs, qui in Sacramento Baptismi adhibiti fuerunt; sintque tantum vnus, vel vna, iuxta Sacrorum Canonum dispositionem; illudque seruari volumus honestatis ratione, ut mares à maribus, foeminae à foeminis suscipiantur; coetera verò iuxta Episcoporum Coeremoniale perficiantur.

# C A P V T IV.

## De Sanctissimo Eucharistia Sacramento :

1. **C**ommendauit Deus charitatem suam in nobis, augustissimum Eucharistiae Sacramentum in vltima cum Discipulis Coena ante Passionem sub speciebus panis, & vini, tanquam spirituales animarum cibum, quo alimur, & confortamur, instituendo. Vt igitur tam eximij erga nos amoris, & futuræ gloriæ sacratissimum pignus, qua par est reuerentia, ac veneratione, colatur, hæc seruari mandamus.

*Ad Rom.  
cap. 5.*

2. Sanctissima Eucharistia in Ecclesijs tantum Parochialibus, Collegiatis, & Conuentualibus summo, quo potest decore, asseruetur in argentea Pyxide intrinsecus deaurata, suo conopæo serico albi coloris cōtectā, super mundo Corporali in planitie Tabernaculi strato, quolibet bimestri mutando. Ipsum Tabernaculum, in quo recondenda est Pyxis, sit ornatissimum, magna ex parte extrinsecus deauratū, cum suis conopæis albi, rubri, viridis, & violacei colorum, pro temporis ratione mutandis; intrinsecus verò serico panno ornatum, eius ostiolum firmissima sera, & clauis argentea, prout ferè in omnibus nostræ

*C. Epif. 15.  
Ianu. 1619*

Dix-

*C. 1. de Cu-  
sod. Eusb.*

Dioecesis Ecclesijs seruari inuenimus, claudatur, quam apud se Parochus custodiat, nec vnquam apertum relinquat, sub poenis à Sacris Canonibus sancitis. Ex parte interiori ostioli cortinula serica albi coloris ponatur.

*C. Causa de  
consecr. dist.  
1.*

3. In Ecclesijs Parochialibus in eodem Tabernaculo duæ saltem Pyxides conseruentur, quarum minori nullæ collocentur Particulæ, nisi cum ad infirmos Sanctissimum hoc Sacramentum erit deferendum; in maiori verò conseruentur semper sacræ Particulæ, quolibet octauo die renouandæ, ea copia, vt fidelibus communicare volentibus, & maximè infirmis, nunquam desint, sub poenis arbitrio nostro infligendis Parochis, quorum culpa defecerint.

4. Ante ipsum Sanctissimum Sacramentum diù, noctuque vna saltem colluceat lampas, sub poena tar. duodecim pro qualibet vice, quæ ob negligentiam custodis extingui contigerit.

*1. ad Corin.  
11.*

5. Curent Parochi populos ad frequentem huius Sacramenti sumptionem, tum per se ipsos, tum per Concionatores, paterno affectu hortari, illosque, qua ratione ad hunc Angelorum cibum edendum, ne iudicium sibi manducent, præparatos esse debere, edoceant.

*Trid. sess.  
23. c. 11. de  
reform.*

6. Clerici saltem semel in mense, præmissa Sacramentali Confessione, ad hanc mensam salutarem accedere teneantur: quod nisi Parochi atte-

attestatione adimpleuisse probauerint, nouerint *Seff. ead*  
se ad Ordines superiores non esse promouendos; *cap. 13.*

Diaconi verò, & Subdiaconi, saltem diebus Dominicis, & solemnibus cum Altari ministrauerint, sciant maximè decere, si Sacram Communionem perceperint.

7. Pueri ad hoc Sacramentum non admittantur, quin priùs iuxta vniuscuiusque captum, in ijs, quæ ad Fidem, & dignam huius altissimi Sacramenti susceptionem pertinent, fuerint diligenter instructi, & à proprio Parocho super rudimentis Fidei examinati, habiles reperti.

8. Ab huius Sacramenti perceptione arceantur publicè excommunicati, concubinarij, meretrices, blasphemij, malefici, vsurarij publici, & publici criminosi; ij præterea, qui in odio proximi cum scandalo perseverant: nec non Coniuges cohabitare sine causa legitima, à Nobis approbanda, nolentes; donec per aliquod congrui temporis spatium non resipuerint, & manifestè constet de eorum poenitentia: denique amentes, qui lucida interualla non habeant.

9. Nemo ad Communionem Paschalem (*C. Trident. Seff. 13. c. 9.*  
(ad quam omnes vtriusque sexus fideles in propria Parochia ecclesiastico præcepto tenentur) *Cap. omnis vtriusque*  
admittatur, qui proprio Parocho non fuerit confessus, vel alterius Confessarij fidem de eius confessione *sex. de poenit. & remiss.*

feffione, saltem in tota Quadragesima facta, non habuerit.

10. Vt facilius innotescant qui propriæ salutis immemores hoc præceptum non adimpleuerunt, quotannis initio Quadragesimæ vnusquisque Parochus singulas suæ Parochiæ domus adeat, suasque recognoscat oues, & statum animarum conficiat, omnium de familia nomina, ætatem, & sexum in peculiari libro referendo: distribuat deinde in Festo Paschatis Sanctissimam Eucharistiam sumentibus schedulas, Ecclesiæ titulum, & anni currentis numerum continentes, factaque cum libro collatione, quos defecisse deprehenderit, eos pluries priuatim, deinde publicè, suppresso tamen nomine, secunda Dominica post Pascha cum interminatione Censurarum infra Missarum solemniam admoneat, vt ecclesiasticum hoc præceptum exequantur: & si contumaces extiterint, eorum notam ante Festum Pentecostes, sub poena suspensionis, ad Nos deferat, vt post canonicam monitionem, nisi resipuerint, ab ingressu Ecclesiæ arceantur, & ecclesiastica sepultura priuentur.

11. Absentes à propria Parochia tempore Paschali, teneantur post eorum reditum in propria Parochia ecclesiastico præcepto satisfacere; nisi suscepti Sacramenti testimonium Ordinarij loci, in quo receperunt, ostenderint.

Tem-

12. Tempore, quo Sanctissimum Eucharistiæ fidelibus ministratur, accendantur super Altari duæ saltem candelæ, & à latere intortitium, & mappæ lineæ mundæ coram communicantibus extendantur. Ad confusionem vitandam, primum mares, deinde foeminæ communicentur.

13. Quotiescunque Eucharistia ad infirmos est deferenda, si tempus patiatur, Parochus prius ad infirmi domum accedat, aut alium Sacerdotem ad Confessiones approbatum transmittat, qui illum ad dignam tanti Sacramenti receptionem præparet; & dato campanæ signo, deferatur à proprio Parocho (nisi legitimè fuerit impeditus) sub baldachino, super pelliceo, & pluuiiali induto, summa cum religione, & grauitate, oculis in id semper intentis, psalmos, & hymnos intereundo recitando, luminibus, & tintinnabulo præcedentibus. Infirmo denique Sacra Communionem refecto, statim ad Ecclesiam reuertatur, Sacramentoque super Altari maiori reposito, populum associantem benedicat, eique emeritos pro exhibito munere Indulgentiarum thesauros annunciet; & postremò infirmum orationibus adstantium enixè commendans, Sacratissimam Eucharistiam in cõsuetu Tabernaculo reuerenter reponat. Si verò extra Ciuitatem, aut Pagum per loca inuia deferri contigerit Sacramentum ægrotò longè admodum remoto ab Ecclesia, tunc

omisso apparatu prædicto , à Parocho superpelli-  
ceo , & stola induto , vna saltem lanterna præce-  
dente, vnica tantum Particula in parua Pyxide,  
reposita, deferatur.

*G. Episc. & Regul. 10. Dec. 1602. & in vna Dertonen. 13. Martij 1647.*

14. Sacrosanctæ Eucharistiæ Sacramentum publicè cum solemnitate , etiam in Ecclesijs Regularium , non exponatur , nisi obtenta prius à Nobis facultate ; Et quotiescunque exponi conti-  
gerit , ante ipsum saltem duodecim cerei ar-  
deant , & Altare, Capella , atque etiam Ecclesia ,  
pro facultatibus locorum , exornetur , simulque,  
distributis horis à Clericis , & Sacerdotibus, super-  
pelliceo , & stola indutis, preces continenter fun-  
dantur .

## C A P V T V.

### *De Sacrificio Missæ.*

*Ad Ephef.  
cap. 5.*

I. **C**hristus Dominus, ac Saluator noster ,  
etsi semel in ara Crucis tradidit se-  
metipsum pro nobis oblationem , & hostiam  
Deo ; incruentum tamen Missæ Sacrificium, quo  
sacratissimæ suæ Passionis in finem vsque seculi  
pia recoleretur memoria, quotidie in Altari à Sa-  
cerdotibus in remissionem earum , quæ à nobis  
committuntur præuaricationum, offerri instituit.  
Ad dignā igitur tanti Sacrificij oblationem , tam  
à Mi-



à Ministris, quàm à fidelibus peragendam, ad præscriptum Sac. Concil. Trident. ac Summorum Pontificum Constitutionum, hæc præcipuè ob-  
servanda decernimus.

*C. Trident.  
sess. 22. c. 1.  
& seq.*

2. Vestes sacræ pro hoc Sacrificio necessariae, neque turpes sint, neque usu attritæ, & vetustate corrosæ, sed honestæ, & eorum colorum, quibus Ecclesia pro ratione temporum uti solet. Albæ, amictus, pallæ, corporalia, & purificatoria munda, ac figillatim corporalia textura plana sint, & nullo artificio in medio elaborata, sed exactè delinita, ut faciliè ex ijs quæcunque sacræ Hostiæ reliquiæ colligi possint.

3. Nemo, quamvis Sacerdotali ordine insignitus, ad primam Missam dicendam admittatur, nisi prævio examine de necessarijs ritibus obeundis habilis, & instructus repertus, attestationem Magistri Cœremoniarum nostræ Cathedralis Ecclesiæ circa earumdem peritiam habeat, & necessariam facultatem à Nobis, seu à Vicario nostro Generali obtinuerit, sub poena suspensionis à celebratione Missæ.

4. Sacerdotes exteri, & vagi, in quacunque Ecclesia, etiam Regularium, ad Missæ sacrificium celebrandū nō admittantur, nisi suorū Ordinariorū literas testimoniales exhibuerint, & illis legitime recognitis, ac approbatis, licentiam Vicarij

*C. Trident.  
sess. 23. c. 16  
de refor.  
Con. Conc.  
29. Novem-  
bris 1670.*



C. Epif. &  
Regul. 14.  
Ian. 1625.

nostri Generalis, seu Rectorum Ecclesiæ respectiue, obtinuerint.

5. In Monialium Ecclesijs nullus Sacerdos absque nostra, vel Vicarij nostri Generalis facultate, sub poena suspensionis à diuinis, celebrare, præsumat. Omnibus tam Secularibus, quàm Regularibus Sacerdotibus, in diebus festiuitatis Monasterij, aut in obitu Monialium, celebrandi facultatem liberam concedimus.

6. Quilibet Sacerdos Sacrificium oblaturus, ex Rubricarum præscripto priùs saltem Matutinum absoluat; tùm expurgata conscientia ab omni criminum labe, animum in tanti Mysterij cogitatione defigat; Missam præuideat, vt omnia expeditè, & sine hæsitatione legat; omnes eius partes, ne in illarum inquisitione tempus terat, signaculis notet; nimiam celeritatem, nimiamque longitudinem in legendo non affectet; quæ alta voce dicenda sunt, clarè, distinctè ad singulorum intelligentiam pronunciet, quæ verò secretè, submissè, ne à circumstantibus percipiantur, recitet: Hostiam candidam, illæsam, ac recentem, ex puro tritico, & aqua naturali confectam, vinum paritèr non acidum, non foeculentum, & (si fieri potest) album, adhibeat.

7. Antequam Sacras Vestes induat, certis se precibus præparet, intentionem celebrandi, con-

consecrandiq. renouet, ac dum illis se induit, consuetas preces faciat, & indutus silentium seruet; per Ecclesiam, vel Sacristiam indecore non discurret; nihil denique prætermittat, quod ad Sacrificium ritè, & deuotè peragendum exoptari potest.

8. Cum ad Altare celebraturus accedit, bireto cooperto capite (nisi Sanctissimū Sacramentū in Altari fuerit expositum) demissis oculis, incessu graui, & composito, ac præcedente (si fieri potest) Ministro Clerico superpelliceo induto, nemineque salutato, progrediatur: pileolo in celebrando non vtatur, nec illum super Altari reponat, anulum non deferat, sub poena vnciæ vnius p.g. pijs operibus applicandæ.

*G. Nullus  
Episc. de  
consecr. dist.  
1. Con. Ri-  
tuum 20.  
Novembris  
1628.*

9. In Missarum celebratione eas tantūm caeremonias adhibeat, quæ ab Ecclesia probatæ, & communi Sacerdotum vsu receptæ sunt: plures, aut pauciores orationes, siue collectas in Missa, quàm quæ à Rubricis Missalis præscribuntur, recitare non audeat.

10. Det operam, vt Missa cum Officio conueniat, nec Missam ferialem de facili prætermittat propter aliam ex deuotione celebrandam, præsertim vbi aliæ non adsint Missæ diebus Dominicis, & festis duplicibus. Missas votiuas, aut Defunctorum celebrare non audeat, nisi quoties à Missali Romano permittitur, cuius Rubricas in his,

*Sac. Rit.  
Congr. Die  
3. Augusti  
1662.*

his, & in omnibus alijs accuratè obseruari mandamus.

*Con. Rituū  
5. Augusti  
1623.*

11. Quod si ex benefactorum præscripto Missæ huiusmodi celebrandæ incidant in festum duplex, tunc minimè transferantur in aliam diē non impeditam, ne dilatio animabus suffragia expectantibus detrimento sit, cum applicatione Sacrificij iuxtà mentem eorundem benefactorum.

*Con. Rituū  
9. Augusti  
1653.]  
& 20. April. 1664.*

12. Antè auroram, vel post meridiem Sacrum facere non liceat, sub poena suspensionis, alijsque arbitrio nostro irrogandis, excepta nocte Natiuitatis Sanctissimi Domini Nostri Saluatoris, in qua primam tantum Missam solemnem, licitum erit celebrare, & in ea sacra Communio deprecantibus non administretur.

13. In diebus festis in Parochialibus, & Ruralibus Ecclesijs nullus ante Parochum, & Missam Parochialem celebrare audeat, nec quando is ad populum Concionem habet, nisi à Nobis licentiam ob aliquam honestam causam in scriptis obtinuerit, sub poena suspensionis incurrendæ. Curet autem Parochus pro maiori populi, & Celebrantium commodo, vt Missa Parochialis, à primo die mensis Maij vsque ad totum mensem Octobris, terminetur hora nona, reliquo verò anni tempore, hora decima, sub poenis arbitrio nostro infligendis.

14. Onera Missarum in perpetuum à nemine recipiantur, non impetrata prius à Nobis licentia, sub poena interdicti ab ingressu Ecclesiæ ex decretis Sacræ Congregationis Concilij, nec illa reducantur, moderentur, aut commutentur, etiam si legatum esset tenue, & redditus non sufficerent, sed pro his omnibus ad Sanctam Sedem Apostolicam habeatur recursus, nisi in ipsa fundatione, aliter fuerit cautum.

*Con. Conc.  
Trid. decr.  
de celebrat.  
Miss. inssu  
Vrbani 8.  
edit. 21. Iu-  
nij 1625.*

15. Missæ tot absolutè celebrentur, quot ad rationem attributæ eleemosynæ præscriptæ fuerint, quamvis stipendia, quantumcunque incongrua, siue ab vna, siue à pluribus personis collata fuerint; alioquin qui celebrare tenetur, grauius se peccare nouerit, & ad restitutionem teneri.

*Ead. S. Co.  
in respons.  
ad secundū.*

16. Sacerdos, qui Missam cum certa eleemosyna celebrandam suscepit, eamdem alteri, retenta sibi parte dictæ eleemosynæ, etiam si maior solita oblata fuerit, committere sine graui culpa, & restitutionis obligatione non potest: Imò nec pro expensis luminum, vini, hostiæ, aliorumque &c. quidquam utcumque minimum, detrahi potest, nisi Ecclesiæ, & Sacristiæ nullos habeant redditus: & tunc in subsidium expensarum, quas subeunt in Missarum celebratione, poterit aliquid retineri, à Nobis, seu Vicario nostro Generali pro Ecclesiæ conditione, cæterisque

*Ead. S. ac  
similiter.*

*Ead. S. Co.  
ad septimū.*

*Ead. ad vn-  
decimū.*

que omnibus pensatis, taxandum .

17. Manuales eleemosynæ pro Missis celebrandis non recipiantur, nisi pro iam acceptis satisfactum fuerit, aut infra modicum tempus, vnius nempè mensis, satisfieri possit, nisi tamen tribuens eleemosynam pro aliarum Missarum celebratione consentiat, vt illæ tunc demùm celebrentur, cùm susceptis oneribus fuerit satisfactum. Anticipatæ autem Missarum celebrationes pro incerta eleemosyna offerenda, recipi omninò prohibentur.

18. Omnia alia decreta à Sacra Congregatione Concilij auctoritate Urbani VIII. edita de celebratione Missarum, absque vlla declaratione, interpretatione, glosatione, inuiolabilitè obseruari mandamus.

*Con. Conc.  
15. Decem-  
bris 1663.*

19. In cuiusvis Ecclesiæ Sacristia, aut in Choro, perpetuò conseruetur, & affixa retineatur tabella, prout in nostra visitatione mandauimus, in qua dilucidè, & distinctè Missarum onera adnotentur cum suis qualitatibus, sintne titulo Beneficij fundata, an ex pia aliqua dispositione constituta, ad tempus, an perpetua, quo die, quo in Altari, & quoties in hebdomada, mense, vel anno adimplenda; nomina quoque, & cognomina fundatorum, vel benefactorum, & rogatus Notariorum describantur.

20. Plures etiam detineantur libri, siue separatim

ratim, siue coniunctim in vnum grandio-  
rem, ita vt suo quisque respondeat oneri, in cuius prin-  
cipio describatur titulus oneris iuxta tenorem ta-  
bellæ, in quo Sacerdos, statim peracto Sacro, no-  
men suum, cum testimonio celebrationis tali die,  
mense, & anno factæ, manu propria inscribat, &  
qui in eo Missam non dictam falsò adnotauerit,  
poenam suspensionis ipso facto se incursum  
nouerit. Libri verò prædicti postquam fuerint  
toti scripti, & expleti, in Archiuio Ecclesiæ à Pa-  
rocho, vel ab alio, cui onus incumbit, fideliter as-  
seruentur.

## C A P V T VI.

### *De Sacramento Pœnitentiæ.*

1. **D**Eus autem, qui diues est in miseri- *Ad Eph. 2.*  
cordia, propter nimiam charitatem,  
qua dilexit nos, imbecillitatis nostræ conscius,  
pœnitentiæ Sacramentum, quo à peccatis abso-  
luti amissam gratiam, pacem, & serenitatem  
conscientiæ, cælestesque consolationes adipisci  
possimus, misericorditer instituit. Ardenter igitur  
Parochi ad huius Sacramenti frequentiam suas  
hortentur oves, & quæ ad eius fructus verè con-  
sequendos requiruntur, sedulò edoceant.

2. Nullus Sacerdos, siue Secularis, siue Re-  
gula.

gularis poenitentium confessiones, extrà mortis articulum, audire præsumat, nisi aut Parochus sit, aut, præuio examine idoneus repertus, necessariam approbationem à Nobis, aut à Vicario nostro Generali obtinuerit, quolibet semestri renouandam, sub poena excommunicationis, non obstante quouis priuilegio.

3. Curet Confessarius ministerium, quod gerit, accuratè tractare, ac studeat peccata rectè distinguere, conscientias expurgare medio examine; conscientium, vel negligentiam, vel ignorantiam supplere, cordium duritiam aptis admonitionibus emollire, & ad veram poenitentiā, ac ad firmum ampliùs non relabendi propositum deducere; in reprehendendis peccatoribus prudenter, & grauiter se gerat; ab otiosis interrogationibus abstineat, & præcipuè nè pueros, aut puellas, cæterosque rudes de eo, quod interrogat, interrogando instruat; poenitencias, quas verisimile est non esse adimplendas, euitet, sed eiusmodi sint, vt & satisfaciant de præterito, & recidiuo opportunum remedium esse possint: poenitencias pecuniarias non nisi pro pauperibus iuuandis, & pijs subleuandis locis imponat; pecuniam tamen pro se, intuitu Confessionis, etiam spontè oblatam, sub poena suspensionis à diuinis non recipiat.

4. Non ministretur poenitentiae Sacramentum,



tum, seclusis infirmitatis, aut necessitatis casibus, præsertim mulieribus, alio quàm diurno tempore, nec alio in loco, quàm in Sede confessionali, loco patenti, & conspicuo Ecclesiæ exposita, lamina ferrea, spissis foraminibus terebrata, inter Sacerdotem, & mulierem confitentem interiecta: in priuatis domibus, etiam à Regularibus, nullo modo, nisi infirmitatis causa; semper tamen patentibus cubiculi ianuis, vt ab omnibus conspiciatur, sub poena suspensionis à Confessarij officio ipso facto incurrenda.

5. Confessarius Secularis in actu audiendi Confessiones, & præcipuè diebus festis, atque etiam alio tempore, si plures erunt poenitentes, superpelliceo, & stola, ac bireto Sacerdotali, Regularis verò habitu in Choro adhiberi solito, utatur, sub poenis Nobis arbitrarijs.

6. Cum Sacrorum Canonum præcepto fideles omnes vtriusque sexus, postquam ad perfectum rationis vsum peruenerint, peccata sua saltem semel in anno proprio Sacerdoti, sub poena interdicti ab ingressu Ecclesiæ, & priuationis ecclesiasticæ sepulturæ, fideliter, confiteri teneantur, hortentur Parochi populos, vt sæpiùs in anno id faciant, ac præsertim acceptabili Quadragesimæ tempore nolint Confessionem ad hebdomadam sanctam differre, quando Sacerdotes tùm propter multitudinem confitentium, tùm propter diuina,

*Cap. omnis  
vtriusque  
sexus de  
pen. & re-  
miss.*



uina officia , quibus interesse debent , tũm etiam propter temporis angustias, difficilè suæ , & confitentium conscientiaẽ satisfacere possunt.

*Bulla B.  
Pij V. qua  
incipit Su-  
per Gregem*

7. Idem Parochi infirmos inuisentes ad poenitentiam cohortentur ; quin & ipsi Medici, iuxta Bullam B. Pij V. de facienda Confessione , commonefaciant : quod si hoc post triduum facere negligant , ad eos ampliũ non reuertantur.

8. Quoniam plurimũ refert Confessionis sigillum inuiolatum seruari , curent Confessarij nullo vnquam casu quoduis vel minimum peccatum directè , vel indirectè , ante , vel post mortem poenitentis , reuelare , sub poenis , vltra sacrilegium , suspensionis à diuinis , alijsque Nobis arbitrarijs .

*B. Pius V.  
Constit. 3.  
Greg. XV.  
const. 34.*

9. Caueant præterea Confessarij omnes , tam Seculares , quàm Regulares , in huius Sacramenti poenitentiaẽ administratione ab execrando , & horribili sollicitationis scelere , & meminerint quid cautũ sit per Sacros Canones , Summorumq. Pontificum sanctiones contra sollicitantes in confessione ad turpia , & inhonestos actus , turpesque sermones , seu tractatus habentes siue ante , siue post immediatè , seu occasione , aut sub prætextu confessionis , siue in loco confessionis . Et si quos nouerint ab alijs sollicitatos , moneant de eorum obligatione sollicitantes S. Inquisitionis Tribunali denunciandi ,

10. In Sedibus confessionalibus ex parte, poenitentis aliqua pia imago affixa detineatur, & ex parte Confessarij Casus Bullæ Coenæ Domini, & Nobis reseruati, ne quis propter eorū ignorantiam ab ijsdem absoluat. Eosdem Casus Bullæ Coenæ Domini, & Nobis reseruatos Parochi omnes, semel saltem in anno feria quinta maioris hebdomadæ, suis populis euulgent.

11. Casus reseruati in Bulla Coenæ Domini sunt.

I. Si qui Hæretici fuerint, aut eos receptauerint, defenderint, & ijsdem fauerint. Si qui legerint, retinuerint, & impresserint libros Hæreticorum. Item si qui se subtraxerint ab obedientia Romani Pontificis pertinaciter, & Schismatici extiterint.

II. Si quis appellauerit à Romano Pontifice ad futurum Concilium, & appellanti fauerit.

III. Si quis Pirata per mare Romanæ Ecclesiæ discurrerit, vel qui eum defenderit, receptauerit, aut eidem fauerit.

IV. Si quis furripuerit quæuis bona Christianorum naufragorum.

V. Si quis noua pedagia, seu gabellas imposuerit, vel auxerit, aut exegerit.

VI. Si quis Apostolicas. literas falsificaue-  
rit.

Si

VII. Si quis detulerit arma, & alia prohibita ad Turcas, vel Christiani nominis hostes. Item si quis certificauerit eos de rebus Christianorum, & ad præmissa auxilium dederit, consilium, & fauorem.

VIII. Si quis impedierit, vel prohibuerit eos, qui victualia, & alia necessaria ad Urbem deferunt, vel dederit ad id auxilium, consilium, & fauorem.

IX. Si quis offenderit eos, qui veniunt ad Sedem Apostolicam, vel in Curia morantes:

X. Si quis offenderit Romipetas, vel Peregrinos deuotionis gratia ad Urbem accedentes, vel in ea commorantes, inde etiam recedentes, & si ad id consilium dederit, auxilium, & fauorem.

XI. Si quis offenderit, vel persecutus fuerit, aut expulerit Cardinales, Patriarchas, & Episcopos.

XII. Si quis offenderit eos, qui recurrunt ad Sedem Apostolicam pro suis negotijs, vel eorum Aduocatos, Procuratores, Iudices, & si ad id dederit, consilium, auxilium, & fauorem.

XIII. Si quis appellauerit à grauamine, vel executione literarum Apostolicarum, recurrendo ad Curiam Secularem.

XIV. Si quis impedierit executionem literarum Apostolicarum, vel suorum Ministro-

rum, vel prohibuerit accedentes ad eam obtinendam.

XV. Si quis traxerit personas Ecclesiasticas quomocunque ad Tribunalia secularia; Si sustulerit, restrinxerit, offenderit, aut deprefferit libertatem Ecclesiasticam, vel præiudicauerit Iuribus Sedis Apostolicæ, & aliarum Ecclesiarum.

XVI. Si quis impederit Episcopos, vel alios Prælatos quominus sua Iurisdictione utantur, & recurrerit ad Curias seculares à sententijs eorum.

XVII. Si quis usurpauerit bona, & Iura Sedis Apostolicæ, & aliarum Ecclesiarum.

XVIII. Si quis imposuerit onera, collectas, talias, & gabellas personis Ecclesiasticis, vel eorum bonis, vel eas exegerit etiam à sponte dantibus.

XIX. Si quis Iudex, vel alius secularis sese, interposuerit in Causis criminalibus personarum Ecclesiasticarum.

XX. Si quis occupauerit bona, & terras Ecclesiæ Romanæ, aut in illis supremam Iurisdictionem usurpauerit, & ad hoc auxilium, consilium, & fauorem dederit.

12. Casus Episcopo reservati.

I. Peccatum Sodomix, & Bestialitatis.

II. Fornicatio cum Infideli.

H

Qui

III. Qui Virginem etiam volentem deflorat, & ipsa etiam, quæ se finit deflorari volens.

IV. Qui parentes percusserit.

V. Qui in Iudicio Iuramentum cum mendacio fecerit, etiam si fuerit pro utilitate, & salute alterius.

VI. Qui, vel quæ lenocinium committit, foeminas quærendo in alterius usum, siue domum alteri, aut locum pro eodem accommodando.

VII. Separatio thori ex quacunque causa absque Episcopi scientia.

VIII. Ante contractum matrimonium coeuntes.

IX. Incæstus inter consanguinitate, vel affinitate coniunctos usque ad secundum gradum inclusivè, etiam in cognatione spiritali contracta per susceptionem in Baptismo, vel Confirmatione.

A supradictis casibus nemo, siue Secularis, siue Regularis, etiam prætextu cuiusvis privilegij, audeat absolutionem impertiri, non obtenta prius à Nobis necessaria facultate, excepto tamen in mortis articulo.

# C A P V T VII.

## *De Sacramento Extremæ Vnctionis.*

1. **C**Um summoperè curandum sit , vt Christi fideles in extremo vitæ constituti, cursu consumato, fideque seruata, coronam gloriæ, quam redditurus est iustus , & misericors Dominus, consequi valeant , & ne inter infirmitatis angustias viribus destituti , ac propriæ salutis incertitudine perterriti , spiritualibus priuentur auxilijs ; ideo curam animarum habentes monemus , & obsecramus in Domino , vt in huius Sacramenti ministerio, in quo peccatorum expurgantur reliquiæ , & ægrotorum animæ alleuiantur, omnem pietatis affectum adhibeant.

2. ad Tim. 4.

2. Sacrum Oleum infirmorum, sicut & alia, Catechumenorum scilicet , & Chrismatis, aliundè sibi Parochi non comparent , quàm à nostra Cathedrali Ecclesia , ad quam intra decem dies post festum Paschatis Resurrectionis ipsi Parochi ea petaturi accedant, aut certè Sacerdotem, seu saltem Clericum in Sacris constitutum mittant cum tribus Vasculis argenteis , sua singulis inscriptione distinctis , & capsula lignea inclusis ;

clusis ; Oleum deinde infirmorum intra vasculum argenteum cautè transfundatur , & in fenestella in proximo pariete à cornu Euangelij Altaris maioris effossa , intùs , & exteriùs decenter ornata sera , & clavi ferreis munita, conseruetur .

*Clem. 1. de  
Privil.*

3. In alijs Ecclesijs quàm Parochialibus, & Regularium pro ipsorum vsu dumtaxat, illud retineri prohibemus Solus Parochus, vel, ipso legitime impedito, alius Sacerdos de eius licentia, superpelliceo, & stola indutus, hoc Sacramentum ægrotis in mortis articulo verè constitutis, adhuc tamen sensu, quantum fieri potest, integro existentibus, conferat.

4. Eodem tempore, quo infirmus inungitur, verba proferantur, aliæque expleantur Cæremoniæ in Rituali Romano præscriptæ : Fiat vnctio à quinque sensibus, pedibus, & renibus; hæc verò vltima propter honestatem in mulieribus ommittatur .

5. Verborum forma ad singulas sensuum vnctiones repetatur ; si verò periculum sit in mora ne decedat infirmus, ab vnctionibus incipiat, celeri motu omnes corporis sensus vngantur sub vnica forma, nempe, Per istam &c. indulgeat tibi Deus quidquid per visum, auditum, odoratum, gustum, & tactum deliquisti &c. Dubio verò existente, an adhuc viuat ægrotus, sub conditione prosequatur .

6. Eodem morbo durante, prædictum Sacramentum non repetatur, nisi semel inunctus melius se habere coeperit, & recuperata valetudine, in nouum mortis periculum recadat.

7. Vnctione peracta Parochus hortetur infirmum ad morbi dolores patienter ferendos, & vt omnem spem suam in salutiferæ Passionis Dominicæ meritis collocet, & Sanctissimi Iesu Nomen, si ore nequiuert, corde tamen nunquam desinat inuocare; moneatque eos, qui ægroti curam gerunt, vt laborantem in extremis, orationibus Deo commendent. Gossipium, quo eius membra detergantur, non in domo infirmi, sed in Ecclesia concremetur, eiusque cineres in Sacrarium reponantur.

8. Caueant denique Parochi, vt in hoc Sacramento administrando omnem diligentiam adhibeant, ne vlli grauitæ ægrotantes quocunque tempore, aut loco, absque Sacramento hoc, eorum culpa, aut negligentia decedant, sub pœnis à Sacris Canonibus impositis, alijsque arbitrio nostro imponendis.



## C A P V T VIII.

## De Sacramento Ordinis.

I. **Q** Vi sacris Ministerijs mancipari voluerint, & ad Sacerdotalis Dignitatis fastigium per multiplices Ordinum gradus ascendere, vocatos à Deo tanquam Aaron, sanctos moribus, & mundos opere, tanquam Dei dispensatores, oportet esse: ac propterea qui ad quoscunque Ordines Sacros promoueri optauerint, per mensem ante Ordinationem Nos, aut Vicarium nostrum Generalem adeant pro commissione, inquisitionis, vt eorum nominibus, & desiderijs publicè in Ecclesia inter Missarum solemnias à Parocho propositis, de ipsorum ordinandorum natalibus, ætate, moribus, ac vita, necnon patrimoniij titulo, exactam, certamque cognitionem habere possimus.

*Ad Hab. 5.  
Ad Tit. 1.*

*Con. Trid.  
sess. 23. c. 5.  
de reform.*

2. Prima Clericali tonsura initiandi sacro Chrismate confirmati sint, Fidei rudimenta, legendi, & scribendi peritiam habeant, non metu, & vi parentum, aut secularis iudicij fugiendi causa, vlloue alio terreno affectu impulsī, sed spontè, ac cultus diuini zelo moti, cum proposito perseuerandi, hoc vitæ genus eligant.

*Con. Trid.  
sess. 23. c. 4.  
de reform.*

Qui

3. Qui minores Ordines recipere cupiunt, sciant linguam latinam, literas testimoniales primæ tonsuræ, vel vltimi Ordinis suscepti, & bonum testimonium à Parocho de moribus, gestatione habitus clericalis, frequentatione Sacræ Comunione, ac de præstito seruitio Ecclesiæ, cui adscripti sunt, deferant, & à Magistro Scholæ de morum probitate, progressuque in studijs; vt habiles, & digni ad Ordines recipiendos dignoscantur.

4. Ad Sacros verò promouendi sint versati in minoribus, & instructi in ijs, quæ pertinent ad Ordinis suscipiendi exercitium; benè linguam latinam intelligant, & Deo adiuuante, se continere posse sperent.

*Con. Trid.  
sess. 23. c. 13  
de reform.*

5. Ad Sacerdotalis dignitatis gradum, ascensuri sciant quæ necessaria sunt tam ad salutem animarum, quàm ad Missæ celebrationem, & Sacramentorum administrationem; aliqualem insuper habeant peritiā Musicæ, seu cantus Gregoriani.

*Ibid. c. 14.*

6. Insuper titulum habeant vnde sufficienter viuere possint, qui non sit minor scutis annuis triginta monetæ Siculæ de tar. duodecim pro scuto, qui sit vel Ecclesiasticum Beneficium, vel pensio, vel patrimonium, quod verè sit proprium, & pacificè possessum, non commune cum alijs, aut litigiosum, nec commentitium, aut simulatum;

quem,

quem titulū, nec resignare, nec extinguere, nec grauare, nec permutare, nec alienare possunt absq. nostra speciali licentia, & legitimè constituto, quod ordinatus ad illum aliundè habeat, quo se honestè sustentare valeat. Quod si aliquod patrimonium in censu bullali consistat, & hoc restitui contigerit, decreto Synodali fel. record. Fratris Michaelis Balaguer Prædecessoris nostri inhærentes, mandamus, restitutionem prædictam non nisi præsentem nostro Vicario Generali fieri posse, & pecuniam penès arcam depositorum nostræ Magnæ Curix conseruari, donec in emptione similis census, cum interuentu eiusdem nostri Vicarij Generalis, inuestiri possit; declarantes nullum, & irritum quidquid in contrarium fiet. Qui autem ad Sacros Ordines dolosè confecto titulo promoueri curauerint, nouerint se esse ipso iure suspensos.

*Urb. 8. in  
Bulla, Secretis æterna  
11. Decembris 1614.*

7. Et vt fraudes, quæ præcipuè in patrimoniorum titulis constituendis committi solent, ab hac nostra Dioecesi arceamus; huiusmodi patrimonium constituentes iurare in actis nostræ Mag. Curix Ecclesiasticæ volumus, constitutiones, quas faciunt, esse veras, & reales, nullamque inter ipsos, & ordinandum collusionem intercedere; poenam insuper excommunicationis ipsq. facto incurrendæ contra peierantes decernimus.

Alie-

8. Alienæ Dioecesis ad Ordines nouerint Nos non esse admissuros, nisi dimissoriales literas, per sex ad summum menses ante subscriptas, atque authentico sigillo munitas, à suo Ordinario attulerint; nec absentibus laicis, seu Clericis originaliter Nobis subiectis dimissorias literas concessuros, nisi de eorum vitæ honestate per literas Episcopi domicilij (cæterisque conditionibus interuenientibus circa patrimonium) Nobis constituerit.

*Trid. sess.  
23. de re-  
form. c. 8.*

9. Tandem, vt ad singulos maiores Ordines assumendi seriò recogitare valeant, quantæ virtutis esse debeant qui diuinis his mysterijs initiantur, propriamque vocationem ad tam excellentem statum sedulò examinare; per decem, vel octo ad minùs dies in secessum ante ordinationem apud Patres Congregationis Oratorij Sancti Philippi Nerij, vel ad alium Religiosum locum à Nobis designandum, sese conferant, vt salutaribus meditationibus, Sacrarumque Coeremoniarum exercitationibus ad hoc Sacramentum suscipiendum, & ritè exercendum, diligenter instrui possint.

## CAPVT IX.

## De Sacramento Matrimonij.

1. **M**atrimonij reuerentiam, ac religionem Christus Dominus commendauit, illud Sacramenti dignitate decorando, & vt manifestum suæ cum Ecclesia desponsationis, ac indiuisibilis coniunctionis signum, & documentum, relinquendo; hinc meritò ab Apostolo magnum in Christo, & in Ecclesia Sacramentum nuncupatur.

*Ad Ephes.  
cap. 5.*

2. Vt igitur tantum Sacramentum piè, ac religiosè tractetur, sedulò curent Parochi, vt fideles à se matrimonio iungendos, ad huius Sacramenti fructus assequendos religiosa animi preparatione se disponant.

*Trid. sess.  
24. cap. 1.  
de reform.*

3. Et vt futuri matrimonij impedimenta, si quæ fuerint, faciliùs patefieri, & deferri possint, publicæ denunciationes, à Sacro Tridentino Concilio præscriptæ, tribus continuis diebus festiuis de præcepto inter Missarum solemnia, inter quos matrimonium sit contrahendum, in Ecclesia etiã vtriusque (si diuersæ Parochiæ sint Contrahentes) à Parocho fiant: nec quauis ex causâ, quantumuis grauissima, absque nostra dispensatione in scriptis

ptis concedenda, omittantur, siue minuantur. Quod si matrimonium celebretur non absolute, remissis omnibus, aut aliquibus denunciationibus, publicare tamen debeant immediatè subsequentibus diebus festiuis, præmonitis Coniugibus, vt interim à copula omninò abstineant.

4. Numquàm autem nuptijs celebrandis Parochi intersint, si in diuersis Parochijs Contrahentes inhabitent, quin priùs denunciationes ab altero etiam Parocho ritè factas fuisse, nullumque inde detectum impedimentum, sibi ipsis per attestationem ab illo subscriptam constiterit.

5. Antequam ad præfatas denunciationes Parochi deueniant, diligenti examine contrahentium qualitates explorent; an scilicet legitimæ sint ætatis, vt vir saltem decimum quartum, mulier verò duodecimum annum expleuerit; an in mysteriis Fidei sint sufficienter instructi; an inter eos aliquod intercedat canonicum impedimentum, quominùs matrimonium contrahere, valeant: insuper exquirent, an spontè, ac liberè, nullisq. parentum, vel aliorū minis, siue seductionibus coacti assenserint; & ab ipsismet Sponsis seorsim faciendarum denunciationum assensum excipient.

6. Vt canonica impedimenta, quæ matrimonium contrahendum impediunt, & contractum dirimunt, à populis denunciari possint,

curent Parochi bis saltem in anno, in festo scilicet Epiphaniæ Domini, & Dominica in Albis, infra Missarum solemnia prædicta impedimenta populo explicare.

7. Si autem in publicatione denunciationū, vel post, aliquod impedimentum detegatur, siue illud sit manifestum, siue dubium, siue verum, siue falsum, ad vltiores denunciations, & matrimonij celebrationem, Nobis inconsultis, non procedant. Verum qui falsum aliquod impedimentum malitiosè detulerint, præter poenas falsi à legibus inflictas, excommunicationis sententiam eò ipsò incurrant, quam etiam extendimus contra eos, qui vera scientes impedimenta, post denunciations in Ecclesia factas, illa non reuelauerint.

8. Præmissis denunciationibus, ad matrimonij celebrationem non deueniatur statim vltima denunciatione peracta, sed saltem duorum dierum interiecto spatio, vt detur vnicuique, aditus de impedimentis cogitandi, illaque detegendi, nec vltra duos menses differatur; quibus elapsis, & matrimonio in faciem Ecclesiæ non celebrato, trinæ denunciations, nisi aliter Nobis visum fuerit, denuò repetantur.

9. Quoniam ex frequenti sponсорum consuetudine, ante solemnem matrimonij contractum, ex deprauatis hominum moribus sæpè  
ican-



scandala, quin imò etiam, quod pessimum est; copula inter sponfos emanare consuevit; propterea antequam sponsi matrimonium per verba de præsentì contraxerint, ab huiusmodi frequentioribus visitationibus abstineant: vt autem modestè vrbauitatis officium explere possint, ad modicum tempus conuersari permittimus, parentibus tamen, aut duobus eorum consanguineis semper præsentibus, sub poena vnc. viginti p. g. & in subsidium, excommunicationis, per quemlibet contrauentientium incurrendæ; quod si ante matrimonij celebrationem se carnaliter cognoscere, aut licentia pene maritali cum scandalo cohabitare, vel sub eodem tecto pernoctare ausi fuerint, poena vnc. quadraginta, & in subsidium, excommunicationis, punientur.

10. Nullo detecto impedimento, à proprio Parocho, seu alio Sacerdote de ipsius licentia, *Clem. vlt. § si de clandestin. despo.* procedatur ad matrimonij celebrationem ad formam Sac. Concil. Trid. & Ritualis Romani, non in priuatis ædibus, sed in ipsa Ecclesia, neque à prandio, sed manè, duobus, aut tribus testibus adhibitis, & eodem tempore Sacrum proprium de Sponsis ex Missali Romano celebretur, cui intersint, & sacramentali priùs Confessione expiati, ac Sacra Communione refecti, Sacerdotalem benedictionem Sponsi recipient, quæ tamen est deneganda transeuntibus ad secunda vota, nisi spon-



sponsa aliud matrimonium non contraxerit.  
Quoad vagos autem seruetur instructio Sancti  
Officij.

C. nō oportet,  
et trib. seq. 33. q. 4.  
Trid. sess. 24. c. 10.

11. Nuptiarum solemnitates ab Aduentu Domini vsque ad diem Epiphaniæ, & à die Cinerum vsque ad Octauam Paschatis inclusiue, sub poena interdicti ab ingressu Ecclesiæ ipso facto incurrendi, minimè celebrentur: Cætera verò omnia, quæ ad legitimam matrimonij celebrationem pertinent, ab Oecumenica Tridentina Synodo præscripta, exactissimè expleantur.

12. Peracta Sacramenti administratione, immediatè Parochi omnes referant in libro, ad hunc effectū dumtaxat compaginato, nomina, & cognomina Coniugum, & testium, cum mentione denunciationum, siue legitimæ facultatis obtentæ si omissæ fuerint, ipsiusque matrimonij celebrationis dies, locus, mensis, & annus; insuper substitutio alterius Sacerdotis, qui de Parochi licentia matrimonio interfuit.

13. Coniuges, qui absque legitima causa, à Sacris Canonibus permessa, ac coram Nobis probata, ab indiuidua maritalis vitæ consuetudine, & à communi cohabitatione discesserint, aut se à coniugali thoro separauerint, curent Parochi, vt ad pristinam vitæ societatem reuertantur; quod

quod si contumaces fuerint, ad Nos deferant, vt pro excessus grauitate puniri possint.

14. Vt detestandum adulterij crimen, diuinæ indignationis flagella prouocans, è nostra Dioecesi euellatur, coniuges, qui impudicam vitam duxerint, grauissimis poenis carceris, fustigationis, exilij, alijsque Nobis arbitrarijs, pro delicti grauitate punientur; eisdemque poenis afficietur vir, qui propriam vxorem in prædam alienæ libidinis tradiderit, & re ipsa prostituerit, seù induxerit ad palàm adulteria exercenda; & concubinarij omnes, cuiuscunque status, dignitatis, & conditionis existant; qui si à Nobis tèr admoniti non resipuerint, excommunicatione ferientur, à qua, donec re ipsa admonitioni factæ non paruerint, non absoluentur.

PARS TERTIA.  
DE CVLTV DIVINO.  
CAPVT PRIMVM.

*De Sacrosanctis Ecclesijs, Cæmeterijs, eorumque  
cultu, & immunitate.*

1.



OMVM Dei, in qua  
Diuina Maiestas, quam  
Coeli capere non possunt,  
cum hominibus inhabi-  
tans liberaliùs cælestia be-  
neficia fidelibus largitur,

non solum decet sanctitudo, sed etiam decore; ideo  
omni cultu, ornatuque, ac decore, sicut Sponsa or-  
nata viro suo, enitere debet, & ne deprauatis con-  
suetudinibus, perditisque hominum moribus ef-  
ficiatur spelunca latronum, inuigilandum est.

2. Propterea nullæ construantur de nouo

*C. nemo, &  
C. placuit  
de consecr.  
d. 1.*

Ecclesiæ, Oratoria, Capellæ, vel Altaria, nisi  
congrua assignata dote pro illarum manutentione,  
& ac Rectoris sustentatione, obtenta priùs à  
Nobis facultate in scriptis concedenda. In Eccle-  
sijs verò, Oratorijs, seu Cappellis iam extructis,  
& nostræ iurisdictioni subiectis, nihil magni mo-  
menti

menti, sine nostra expressa licentia destrui, reedificari, innouari, aut impendi pro eorum seruitio vltra scuta quinque currentis monetæ, mandamus, exceptis tamen expensis solitis, & consuetis, sub poena vnc. quinque, aliisque arbitrio nostro imponendis.

3. Ecclesiæ, quæ temporum iniuria aliqua ex parte collapsæ fuerint, iuxta competentes facultates infra annum à præsentis Constitutionis publicatione, reparentur; aliàs contra earumdem Ecclesiarum Rectores, prout iuris est, exactissimè procedetur; si tamen ita dirutæ, & derelictæ sint, nec facultates suppetant, vt reparari possint, profanis vsibus nunquam deferuiant, sed ad perpetuam Ecclesiæ iam ibi ædificatæ memoriam, nostro præuio consensu, Crucis signum colloce-  
tur.

*Trid. sess. 7.  
c. 8. sess.  
22. de re-  
form. c. 7.*

4. In Ecclesijs, vt veræ Domus orationis dicantur, seditiones, clamores, tumultus, & violentiæ non committantur; risus immoderatus, vana, foeda, & profana colloquia non introducantur, præcipuè dum celebrantur diuina Officia, & verbum Dei prædicatur; inhonesti actus, turpiaque signa cum mulieribus impudicis non emittantur, sed omni religionis cultu debitus deferatur honos, & reuerentia. Quicunque verso tergo ad Sanctissimum Eucharistiæ Sacramentum irreuerenter sedere, aut aliquod, quod

*B. Pij V.* facere præsumpserint, poenis à Constit. B. Pij V. sancitis, alijsque Nobis arbitrarijs, pro personarum ratione, & delicti grauitate, punientur.

5. Ecclesiarum Rectores sedulò studeant, vt tam foris, quàm intus, parietes, omnesque aliæ Ecclesiæ partes ab omnibus immunditijs expurgatæ, atque emundatæ conseruentur, octauo quolibet die diligenter verrantur, & in solemnioribus festis, ac semel in mense ab araneorum telis expurgentur. Pariter curent, vt tota ecclesiastica suppellex, vasa, & ornamenta armarijs congruentibus dispertita, diligenter in Sacristia asseruentur, ac mundissimè custodiantur, & cum opus fuerit instaurentur, aut renouentur: quod si in hoc negligentes fuerint, poenis arbitrio nostro infligendis punientur.

6. Commessiones, cum irreuerentia loci sacri, nullo vnquam tempore sub quouis prætextu, in ipsis Ecclesijs, seu Oratorijs habeantur.

*Ead. Const.  
B. Pij V.*

*C. Epif. 13.  
Iul. 1603.*

7. Pauperes mendicantes ad quæstum diuagari per Ecclesiam, maximè tempore Missarum, Concionum, aliorumque diuinorum Officiorum, interdicimus: sed eos in foribus Ecclesiæ permanere volumus: Infideles pariter Ecclesiam ingredi omninò vetamus.

8. Ecclesiarum fores sub occasum Solis omninò

ninò claudantur, & sub auroram aperiantur, nec vnquam de nocte referentur, nisi pro Sacramentis administrandis vrgente necessitate.

9. Altaria lapidea sint, nullum habeant vacuum, vt quid minimum sub illis recondi possit, & si tota consecrata non fuerint, ponatur ara, siue altariolum paruum lapideum, capax continendi non solum Calicem cum patena, sed etiam Pixidem, ità cum Altaris planitie peraptatum, vt nulla rimula intercedat, aliquantulum tamen emineat supra mensam, vt tactu à Celebrante dignosci possit; sintque benè prouisa de suis necessarijs, scilicet mappis, candelabris, Cruce, etiam si in Icone sit Imago Sanctissimi Crucifixi, tabella secretarum orationum, Euangelio Sancti Ioannis, pallijs diuerforum colorum pro temporum varietatibus, tela stragula ad operiendam mensam post Missæ celebrationem, vt à puluere, & sordibus faciliùs defendantur; necnon & sub pedaneo ligneo, vel lapideo, & à latere Epistolæ cuiuslibet Altaris, candelabrum grandius, siue ligneum, ornatè depictum, siue ex auricalco extractum, locetur, cui intorticium in eleuatione, Sanctissimi Sacramenti imponatur; quæ omnia infra duos menses, à præsentium Constitutionum publicatione computandos, fiant, sub poena priuationis patronatus Altarium, si patronata fuerint, alijsq. Nobis arbitrarijs, à contumacibus incurrèdis.

*C. Immunit. 1. Majj 1629.*

10. Occisorum cadauera sine nostra licentia non exhumentur, nec intus Ecclesiam recognoscantur.

11. Coemeteria religiosè custodiantur, sintque muro circumdata, & occlusa, ut animalibus non pateat ingressus, in quorum medio Crux decentis magnitudinis erigatur, nec in ea bestiae pro foeno, & herba depascenda introducantur sub poena vnc. vnius, beneficio Ecclesiae applicandae.

*Tot. tit. de Immunit. Eccles.*

12. Immunitas denique Ecclesiae, ac locis Sacris debita, inuiolatè seruetur, Reique ad illa. confugientes, quamuis grauius delicta commiserint, nec directè, nec indirectè, siue per vim expulsiuam, siue compulsiuam, nec subdolis, vel blandis verbis ab eisdem extrahi possint; & si de facto extrahantur, de facto restitui debeant, sub poena excommunicationis statim incurrendae Summo Pontifici reseruatae, à qua absolutio haberi nequeat, nisi reintegrata Ecclesia, & resectis damnis, & interesse, vltra alias poenas à Sacris Canonibus, alijsque Generalium Conciliorum, Summorumque Pontificum Constitutionibus hactenus promulgatas; nisi tamen delinquentes ex ijs fuerint, quibus ex Const. Greg. XV. immunitas Ecclesiae non suffragetur.

*Greg. XV. Constit. 7. §. 8.*



## C A P V T II.

*De rebus Ecclesiæ conseruandis, earumque recta administratione.*

1. **N**E sacrilego ambitiosæ cupiditatis ausu bona Ecclesiarum, lura, res, & actiones illicitis medijs vsurpentur, indebitaque occupatione retineantur, nouerint omnes, cuiuscumque status, gradus, & conditionis existant, qui Ecclesiastica, & piorum locorum bona vsurpare, retinere, in proprios vsus conuertere, vel ne percipiantur ab ijs, ad quos de iure pertinent, impedire ausi fuerint, poenam excommunicationis Sanctæ Sedi reseruata incurrere.

*Conc. Trid.  
sess. 22. cap.  
11.*

*Bulla in  
Can. Dom.  
§. 17.*

2. Ad euitandum igitur, ne in posterum bona Ecclesiastica, eiusque redditus vsurpentur, statuimus, vt Capitulum nostræ Cathedralis Ecclesiæ, omniumque aliarum Ecclesiarum, Hospitalium, Monialium, Confraternitatum, aliorumque locorum piorum regimen, & administrationem habentes, necnon & singuli Dignitates, Canonicatus, & Ecclesiastica beneficia, etiã de Iure patronatus, possidentes, vt infra menses sex à præsentis Constitutionis publicatione, & post adeptam possessionem, & alij, qui in luturum



rum beneficia obtinebunt, omnium bonorum, immobilium, cum suis confinijs, lurium, actionum, annuorum censuum, reddituum, decimarum, nominum debitorum, & aliorum quorumcumque ad eorum Ecclesias, loca pia, ac beneficia pertinentium, Catalogum conficere, & infra idem tempus publicum exemplar in Cancellaria nostra ad perpetuā rei memoriam exhibere, aliudque pro Ecclesia propria conseruare, teneatur, sub poena vnciarū decem à contrauentoribus soluenda, alijsque arbitrio nostro infligendis.

3. Domos, & quæuis alia Ecclesiæ ædificia, in totum, vel in partem destruere nemo audeat; imò illa corruentia, vel reparatione egentia, reparari, restaurari, & secundum necessitatem reparata conseruari, mandamus, & iubemus: Negligentes verò, siue delinquentes, per fructuum subtractionem ad iustam, necessariamque restorationem, se à Nobis legitimè compellendos sciant.

*Extranambitios. de reb. Eccles. non alien.*

4. Bona Ecclesiæ, & locorum piorum sine, causis, & solemnitatibus à iure requisitis, & sine Sedis Apostolicæ beneplacito legitimè obtento, debitæq. executioni mandato, nemo vendere, alienare, permutare, aut ad emphyteusim concedere audeat, præterquàm in casibus à iure permissis, sub poena excommunicationis ipso facto incurrendæ, Sanctæ Sedi referuatæ, ac nullitatis contractus:

Ter.

5. Terrulas verò exigui valoris Ecclesiæ inu-  
tiles, causa à Nobis priùs cognita, euidentique,  
Ecclesiæ vtilitate comperta, & facultate in scri-  
ptis à Nobis obtenta, alienari permittimus: loca-  
tiones anticipatis solutionibus non celebrentur,  
& in præiudicium successorum ità inualidè re-  
maneant, vt tractu temporis conualidari ne-  
queant, nisi notoria Ecclesiæ necessitate urgente  
à Nobis permissum fuerit.

6. Nulli conductori piorum locorum bona  
locentur, nisi idoneum fideiussorem dederit, qui  
se insolidum obliget, & si is inueniri nequeat, ad  
Nos habeatur recursus, vt indemnitati Ecclesiæ  
consulere possimus.

7. Bona, quæ perpetuum Missarum onus  
annexum habent, alienari, permutari, seu sub-  
rogari in alia stabilia non possint, nisi cum eius-  
dem oneris expressione, ac repetitione, sub pœ-  
na interdicti ab ingressu Ecclesiæ ipso facto in-  
currendi.

*C. Concilij  
decret. de  
celeb. Mis-  
sar. 21. l. u-  
nij 1625.*

8. Imminente alicuius Rectoris, aut Páro-  
chi obitu, nemo Ecclesiæ suppellectilem, bona, lura,  
aut scripturas quomodocunque subripere, occupa-  
re, occultare, vsurpare, aut asportare præsumat, sub  
pœna excommunicationis ipso facto incurrendæ.

9. Omnes, & singuli Administratores Eccle-  
siarum, & quorumcunque piorum locorum, &  
Oeconomi legatorum ad pias causas, iuxta Sacri

*Con. Trid.  
sess. 22. c. 9.*

Con-

Concilij Tridentini præscriptum, singulis annis eorum administrationis rationē Nobis reddant, sub poena vnc. quinque, piis operibus applican; & sub fine cuiuslibet mensis impensas, pro seruitio dictorum piorum locorum factas, in libro, ad hunc specialem effectum præparatum adnotare, teneantur, quas cum approbauerit Parochus, in calce se subscribat.

10. Eleemosynæ, & alia quæcunque Ecclesiis oblata, statim ipsa die, sin minùs quam primum fieri poterit, cum nota qualitatis, & quantitatis, ac nominis, & cognominis offerentis, ab administratoribus adnotentur, sub poena vnc. duarum, aliisque Nobis arbitrariis.

11. Quæcunque pecuniarum summæ Ecclesiis, beneficiis, aut aliis locis piis, & legatis ad pias causas, cum onere reinuestiendi, spectantes, curent administratores, & Oeconomi omnem diligentiam adhibere, præuio nostro, aut Parochi consensu, vt in bonis stabilibus, aut censibus securis, & exigibilibus, cum sufficiente cautione, aliisque cautelis necessariis, inuestiantur. Si quis verò huiusmodi pecunias in proprios vsus conuerterit, aut in euident, seu verisimile Ecclesiæ, lociue pij, & pii legati periculum reinuestiendas curauerit, de euictione teneatur, & in excommunicationem ipso facto incurrat.

12. Vt piæ Testatorum mentes debitæ executioni demandentur, volumus, & districtè præcipimus omnibus, & singulis Notarijs, vt infra duos menses à die obitus Testatoris, omnia pia legata pro celebratione Missarum, seù Ecclesijs, alijsque pijs locis relicta, nostræ Curix Episcopali denuncient, sub poena excommunicationis incurrendæ.

## C A P V T III.

### *De Celebratione Diuinorum Officiorum.*

1. **D**iuina Officia maxima animi pietate, deuoto cordis affectu, ac mentis intentione, ad promerenda Dei beneficia, iustumque Dei iudicium vitandum, persoluenda 1. ad Cor.  
14.v.15.  
sunt: psallere enim spiritu, & mente, & non tantùm labijs, ad debitum Deo honorem præstandum oportet.

2. Omnes igitur, qui Ecclesiastico Iure ratione Sacrorum Ordinum, siue Beneficiorum, quibus prouisi reperiuntur, ad diuinum Officium recitandum tenentur, iuxtà Breuiarij Romani rubricas Canonicas Horas studiosè, ac deuotè per-

L

sol-

*G. quia per  
ambitiosam  
de rescript.  
in 6.*

soluere curent; nulla præterea ritus mutatio introducatur, sed forma in Bullis Breuiarij Beati Pij V. & Vrbanī VIII. præscripta, omnino seruetur.

3. Beneficia Ecclesiastica possidentes, legitimè non impediti, si Diuinum Officiū recitare neglexerint, ultra reatum lethalis culpæ, pro rata temporis, & omissionis Officij fructus suos non faciant, sed eos, tanquàm iniuste perceptos, restituere, seu in pauperum eleemosynam, aut Ecclesiæ fabricam erogare teneantur, ex decretis Concilij Lateranensis, & Beati Pij V. Ad huiusmodi restitutionem tenentur pariter, qui pensiones, aut fructus ex Beneficijs Ecclesiasticis percipiunt, licet Officiū paruum B. M. Virginis tantum ex eadem Beati Pij V. Constitutione recitare teneantur.

*Conc. Lateran. sess. 9. de reformat. §. statumimus sub Julio II. & Leone X. B. Pius V. Const. 135.*

4. Officia à Sancta Sede non approbata non recitentur, cum per illarum recitationem muneri Diuinum Officiū recitandi non satisfiat; nec festa Kalendarij Romani ad nobiliorem ritum, ut à semiduplici ad duplicem, sine licentia Sedis Apostolicæ eleuentur.

5. In Choro, dum Diuina Officia celebrantur, Sacerdotes omnes, & Clerici superpelliceo induti ad sint, à vanis colloquiis abstineant, literas non legant, nec quid aliud ad Diuinum Officiū non pertinens peragant, & Laicis Chorum ingredi

di non permittant; sed omnes ea, qua decet gravitate, attentione, ac deuotione psallant, precesque, pausa decenti in medio versiculi psalmorum interiecta, modulantes, pensum suæ seruitutis piè, ac religiosè persoluant.

6. Sacerdotes omnes, & Clerici in Sacris, seu in minoribus constituti, quolibet die festo in propria Parochia ad Missam, & Vesperas decantandas conuenire teneantur; si quis autem in Sacris, aut minoribus constitutus, à seruitio Ecclesiæ, cui reperitur adscriptus, defecerit, nec se in Ordinem suscepto exercuerit, ad superiorem Ordinem nouerit se à Nobis non esse promouendum.

7. Vt in omnibus Ecclesijs nostræ Dioecesis idem ab omnibus Ordo seruetur, & iuxta Kalendarium Horæ Canonice recitentur, mandamus singulis annis imprimi Kalendarium expensis nostræ Cathedralis Ecclesiæ, impressumque omnes à Coeremoniarum Magistro, vel ab alia persona à Nobis deputanda, teneantur accipere, certa mercede pro eius impressione persoluta.

## CAPVT IV.

*De Funeribus, & Sepulturis.*

*1. ad Corin.  
6. 15. v. 53.*

1. **F**Vneris, & Sepulturæ officio, quo ex antiquissima traditione, & Summorum Pontificum sanctionibus pia Mater Ecclesia vti solet, nedum corruptibile, & mortale corpus, incorruptibilitate, ac inmortalitate induendum, in solatium viuorum honoratur, sed tanquàm Christianæ pietatis, ac Religionis suffragio, salubritè defunctorum animæ adiuuantur. Vt igitur pristina Catholicæ disciplinæ ratione funera persoluantur, ritus, ac Sacras coëremonias à Rituali Romano præscriptas, Parochi summo studio seruent.

*C. Episc. 5.  
Maij, & 17  
Sept. 1617.*

2. Mortuorum corpora ante Solis ortum, & post occasum, sine nostra speciali licentia, ad Ecclesiam non efferantur, nec sub quouis prætextu, etiam Iuris sepulturæ, compositionis quartæ funeralis, seù cuiusuis alterius controuersia, humari retardentur, & nonnisi duodecima elapsa hora, & vigesima quarta quoad illos, qui repentino morbo decesserint, sepulturæ tradantur; præuia tamen nostra, seù nostri Vicarij Generalis



lis licentia in scriptis concedenda , si sine Sacramentis decessisse contigerit.

3. Pauperum , & miserabilium cadauera , *Eadem 5. Maij 1617 in Cassani.*  
qui exequiarum expensas vnde faciant non habent , gratis , imò suis sumptibus à Parochis sepeliantur , nisi ab aliqua pia Sodalitate huiusmodi Christianæ pietatis officium consueverit exerceri ; & cum æquum sit charitatis officia in illos magis ostendere , fidelium eleemosynis , ac Miserarum suffragijs prosequi curent.

4. Noua sepultura , sine speciali nostra , aut nostri Vicarij Generalis licentia , non ædificetur , neque propè , aut sub Altaribus extruatur ; si quæ tamen præfatis locis extructa iam fuerit , amotis priùs ossibus , ac cineribus , repleatur ; & interim donec aliò prædicta ossa , & cineres non transferantur , in prædictis Altaribus non celebretur . *C. præcipiendum 13. q. 2.*

5. In omnibus Ecclesijs Parochialibus , in quibus non adsunt sepulchrum seorsim pro Ecclesiasticis , aliudque pro paruulis ante septennium cum baptismo decedentibus , ab alijs separata extruantur.

6. Sepultura ab omnibus eligi possit , etiam in Ecclesijs Regularium , reseruatis Iuribus Parochialibus ; & cum eius electio sit libera , caueant quicumque Clerici , siue Seculares , siue Regulares , ne quemquam vllò modo inducant ad eligendam *Cap. 1. De sepult. in 6.*



gendam sepulturam in eorum Ecclesia, vel iam electam immutandam, sub poenis in sacra Sanctione contentis; quod si secus factum fuerit, electio ipsa irrita erit, & eligentis cadauer in ea Ecclesia erit humandum, in qua de iure, si sepulturam non elegerit. Propterea ne reddatur electio suggestiva, infirmus, in genere, & non in specie, in qua Ecclesia sepeliri maluerit, interrogetur.

7. Ad funus accersiti, omnes Ecclesiastici, siue Seculares, siue Regulares, aliæquæ Laicorum Confraternitates, ad Parochialem defuncti conveniant, non tamen expectent per viam, vel ad domum defuncti, à qua ad Ecclesiam, ubi sepeliendus est, per viam à Parocho declarandam, ea, qua decet deuotione, & modestia, progrediantur.

8. Quoad quartam funeralem Nobis, & Capitulo nostræ Cathedralis Ecclesiæ debitam, mandamus seruari antiquam consuetudinem huius nostræ Dioecesis, & Constitutionem Synodalem fel. record. Fratris Lucae Boni nostri Prædecessoris; videlicet, spectare candelas, & faces non solum diei funeris, sed quas etiam sequenti, vel alio die pro maiori exequiarum pompa deferri contigerit.

9. Ne inutilibus expensis bona Confraternitatum

tatum Agonizantium , in omnibus ferè Parochialibus Ecclesijs nostræ Dioecesis existentium , dissipentur , in funere , & exequijs Sodalium plura , quàm quatuor intortitia accendi prohibemus.

10. Nullus in locis nostræ Iurisdictioni subiectis Vespillonis officio fungatur , absque nostra , aut nostri Vicarij Generalis licentia.

11. Nemo siuè Secularis , siuè Regularis audeat in sua Ecclesia , siuè Coemeterio , sepelire aliquem ex ijs , quibus à Sacris Canonibus , & Summorum Pontificum Constitutionibus est deneganda sepultura , sub poenis in eisdem contentis .

Huiusmodi autem sunt .

Excommunicati notoriè , & denunciati , nisi in articulo mortis poenitentiae signa dedissent , & similiter notoriè interdicti , & denunciati .

Publici , & manifesti Vsurarij , nisi alienum , restituerint , vel idoneam cautionem de restituendo præstiterint .

Infideles , Pagani , Iudæi , Hæretici , etiamsi post mortem appareret de hæresi .

Manifesti raptores , nisi restitutione secuta , vel alius velit pro illis restituere .

Decedentes in torneamentis , seu duello , etiamsi poenitentiae signa dederint ; si verò delictum  
non

non sit notorium, sed tantùm eos in duello mortuos fuisse publicè constet, res ad Nos deferatur, vt peropportunè quid expediat declarari valeat.

Qui semel in anno confiteri, & Eucharistiæ Sacramentum in Paschate sumere notoriè intermiserint, nisi de consilio Sacerdotis prorogassent.

Religiosi viriusque sexus proprietarij, si moniti à Superiore, absque emendatione, & poenitentia decesserint.

Quilibet peccator notorius in ipso peccato mortali decedens impoenitens, nullo dato signo contritionis.

Occidens seipsum ex industria, non tamen si ex furore, aut insania.

Blasphemantes publicè Deum, si poenitentiam eis iniunctam non egerint.

Clerici notoriè concubinarij, perseverantes vsque ad mortem sine poenitentia.

Non restituentes decimas Ecclesiæ.

## C A P V T V.

*De Processionibus, & ad eas  
obligatis.*

1. **P**rocessionum vsus, à Catholica Ecclesia à primævis vsque temporibus receptus, & in hunc vsque diem laudabiliter retentus, cum ad Diuini Iudicis iram placandam, cælestiaque beneficia obtinenda Christi fidelibus sit valdè proficiuus; propterea solemnes processiones in hac nostra Dioecesi ex antiqua incolarum pietate institutas, qua decet deuotione, ac modestia, celebrari sedulò curare debemus.

2. Adeuitanda igitur scandala, quæ ex morum deprauatione suboriri possunt, prohibemus, & omninò interdicimus, ne processiones vllę fiant nocturno tempore, sub poena interdicti, alijsque Nobis arbitrarijs.

3. Nouas processiones, siue publicas, siue priuatas, absque nostra, seu Vicarij nostri Generalis licentia, institui vetamus.

4. Ad processiones publicas generales consuetas, aut pro bono publico, aut alia emergenti necessitate indictas, accedere teneantur Clerici omnes tam in minoribus, quàm in Sacris Ordini-

M

nibus

*Con. Trid.  
sess. 25. c. 13  
de Regul.  
S. Con. Con-  
cil. in Inte-  
ramnen. 18.  
Ang. 1663.*

nibus constituti, talari veste, mundisque superpelliceis induti, cum bireto in capite, (quo tamen uti non debent in associatione, & processione Sanctissimi Sacramenti) sub poena vnc. duarum pro qualibet vice, alijsque arbitrio nostro pro modo contumaciæ irrogandis. Eisdem interesse pariter debent, iuxta Sacri Concilij Tridentini, & Sacræ Congregationis decreta, Regulares omnes, & quarumcunque Societatum, seu Confraternitatum Sodales, talaribus Saccis induti, cum suis Crucibus, & vexillis: Omnes autem incedant bini, & bini, magna cum modestia, grauitate, ac pietatis exemplo, psalmos, hymnos, litanias, aliasque consuetas preces alternatim concinentes.

*Conc. Trid.  
lor. cit.*

5. Si quæ autem de præcedentia controuersia, quæ persæpè scandalum pariunt, intempestiue exoriantur, eas omnes statim ad Nos deferant, ut ad præscriptum S. Concil. Trident. illas componere valeamus.

6. Ecclesiastici omnes, tam Seculares, quam Regulares extra Vrbes degentes, ex Constitutione Synodali fel. record. Fratris Michaelis Balaguer, aliorumque nostrorum Prædecessorum, meminerint se ad interessendum teneri in processione Sanctissimi Corporis Christi in nostra Cathedrali Ecclesia: In processione verò, quæ eodem die fit in Ciuitate Victoriosa, & die Dominico

minico infra octauam in Parochiali Ecclesia Sancti Pauli Ciuitatis Vallettæ, Clerici omnes, & Sacerdotes earundem Ciuitatum in suis Ecclesijs respectiuè conueniant, sub poena vnciæ vnus à contumacibus soluendæ, sub qua etiam poena adesse teneantur Clerici omnes totius Insulæ, tam in maioribus, quàm in minoribus constituti, in processione, quæ in Festo Sanctorum Apostolorum Petri, & Pauli in nostra Cathedrali Ecclesia post primam peragitur; qui etiam & in Festo Conuersionis Sancti Pauli conueniant, exceptis ijs, qui Ecclesijs Ciuitatum Vallettæ, Victoriolæ, Sengleæ, ac Burmulæ reperiuntur adscripti.

7. Vt generalis processio, quæ ex perantiquo nostræ Diœcesis voto die duodecimo Martij in Festo Sancti Gregorij Pagi Zeitun fuit instituta, qua decet modestia, & ordine, tam à Clero, quàm à Populo nostræ curæ commissis, peragatur: omnes, qui eidem interesse tenentur, in Casali Paula conueniant, & ibi expectato nostræ Cathedralis Capitulo, ad præfatam Ecclesiam, nonnisi lecto, promulgatoque solito edicto, & vocatis singularum Parochialium processionibus, dirigantur; Curent autem Parochi, vt omnes Clerici, & Sacerdotes eorum curæ subiecti intersint, & quos nouerint contumaces ad Nos deferant; moneantque populos, vt deuotè, ac reli-

giosè processionem comitentur , & ab intemperantiæ illecebris , comestationibus , & ebrietatibus , ex hominum deprauata consuetudine introductis , quibus nedùm diuina beneficia retardantur , sed ira Dei prouocatur , omninò abstineant .

8. Feria quinta in Coena Domini Clerici omnes in maioribus Ordinibus constituti , & Sacerdotes extrà Vrbes degentes , exceptis Parochis , & ijs , qui sunt à Confessionibus , ad nostram Cathedralē Ecclesiam , Sacram Communionem de manibus nostris percepturi , conueniant , sub pœna vnc. vnius pijs operibus applican. Qui autem legitimè impediti accedere non valent , illam de manu Parochi in Missa solemni percipiant .

4. Ad conseruandam , augendamque laudabilem consuetudinem , in Parochialibus nostræ Dioecesis introductam , processionem faciendi tertia Dominica cuiuslibet mensis cum Sanctissimo Eucharistiæ Sacramento , præcipimus omnibus & singulis Clericis cuiuslibet Parochiæ , tam in maioribus , quàm in minoribus Ordinibus constitutis , sub pœna tar. duodecim , vt ad illam talari habitu , & superpellicco induti conueniant .

## CAPUT VI.

*De pauperum Puellarum  
maritagijs.*

1. **N**ostri pastoralis officij ratio postulat ,  
vt nihil, quod ad debitam executio-  
nem piarum dispositionum ad Dei cultum, pau-  
perumque puellarum maritagia pertinere possit,  
prætermittamus , ne piæ fidelium voluntates  
aliena malitia , aut incuria debito frustrentur ef-  
fectu , pauperumque puellarum dotes lit igijs, ac  
inutilibus expensis dissipentur .

2. Propterea omnibus Oeconomis , admi-  
nistratores , & quibuscumque alijs dictorum,  
piorum legatorum executoribus præcipimus , &  
mandamus , sub poena vnc. decem , alijsque No-  
bis arbitrarijs , vt adamussim fundatorum dispo-  
sitiones obseruent .

3. Et cum ex intempestiua electione , ac  
nominatione puellarum ad talia legata aspiran-  
tium , pias dispositiones defraudari sæpè contin-  
gat, decernimus , & mandamus , vt dicta ele-  
ctio, & nominatio ab ijs , ad quos spectat, dein-  
ceps non fiat , nisi præijs denunciationibus in  
Parochiali Ecclesia , & in nostra Curia Episco-  
pali



pali gratis faciendis, præscripto in ijs vnus mensis termino, vt in notitiam omnium in prædictis legatis interesse habentium, & concurrere volentium deleniri possit, & per quadrimestre ante præscriptum desponsationis diem. Quod si plures ad idem legatum maritagij concurrere, reperiantur, nisi aliter in limine foundationis legati fuerit cautum, Curiam nostram adeant, vt de opportuno Iuris remedio prouideri possit.

4. Prædictas pariter electiones, & nominationes in legatis annuis, vel alternis, & alijs similibus ante inceptum cursum reddituum puellæ electæ competentium, fieri omninò interdici-mus, nisi aliter fuerit à Testatoribus præscriptum; declarantes nullius roboris, & inualidas electiones, & nominationes pauperum puellarum ad prædicta legata, si aliter, quàm in hac nostra Synodali Constitutione disponitur, fiant.

5. Benedictio nuptiarum in Ecclesia, & Altari, ac die à Testatoribus præscriptis, omninò fiat, sub poena amissionis legati, nisi aliter iustis interuenientibus causis à Nobis dispensatum fuerit.

# PARS QUARTA.

DE ECCLESIASTIGIS PERSONIS,  
Earumque varijs Officijs , &  
obligationibus .

## CAPVT PRIMVM.

*De vita , & honestate Cle-  
ricorum .*

I.



Clericorum probata vita , ac  
laudabile exemplum, tam-  
quàm lucerna super cande-  
labrum posita , ità cæteris  
fidelibus præluceat , vt ad  
pietatem , & Dei cultum

*Matth. 5.*

viam ostendat , ac perfectam viuendi normam  
instituat; Ideoque decet omninò Clericos , in  
beatissimam Domini sortem vocatos, sic vitam,  
moresque suos componere, vt in omnibus graui-  
tatem , modestiam , ac Religionem præferant,  
& tanquam Dei ministros sese exhibeant, ac ab  
indecenti proximorum offensione , ne vitupere-  
tur ministerium nostrum, se abstineant; quod vt  
faciliùs consequi valeant, hæc præcipuè obserua-  
re teneantur.

*2<sup>a</sup> ad Co-  
rin. 6.*

Sacra-

2. Sacrarum Scripturarum, Cathedismi, Ritualis Romani, ac Rubricarum lectioni, & casuum Conscientiæ studio, maximè si in Sacris Ordinibus constituti reperiantur, diligenter incumbant, & Clericalium functionum peritiam, iuxta Ordinum, quibus sunt initiati exigentiam, habeant; Ecclesijs, quibus sunt adscripti, etiam Clerici coniugati, diligenter inseruiant, & festis præsertim diebus Missis solemnioribus, ac Vesperarum decantationi, & processionibus intersint.

*G. Clericus  
de vit. &  
bonest Cler.*

3. Coronam, pro ut ratio cuiuscunque Ordinis expostulat, deferant, comam non nutrant, nec candentibus ferris affectato methodo barbam componant, Sacerdotes verò in superiori labro ita recidant, ut in Corporis, & Sanguinis Domini sumptione nullum afferat impedimentum, sub pœna vnciar. quatuor pijs operibus applican. à contumacibus incurrenda.

*Triden. sess.  
14-cap. 6. de  
reform.*

4. Clericorum habitus sit honestus, ac decens propriæ vocationi correspondens, qui venerationem afferat, & modestiam ostendat, non tamen nimium sordidus, aut lacer, ne Clericalis dignitas vilescat; In Missæ celebratione, & quocunque sacra alia functio peraganda fuerit, talaris esse debet, sub pœna vnc. quatuor, alijsque arbitrio nostro irrogandis, etiam suspensionis ab Ordinibus, & priuationis officiorum, & beneficiorum.

Bre-

5. Breuiores vestes vsque ad genua promi-  
nentes iter agentibus, & ruri habitantibus, ac mi-  
noribus initiatis non interdiciamus, dummodò  
illis induti incedant, non verò super brachio,  
aut humeris gestent, sub eisdem poenis vnc. qua-  
tuor, suspensionis, & priuationis.

6. Clerici omnes, & præcipuè Ordinibus  
sacris insigniti, vilioribus se exercitijs immisce-  
re, & Laicorum obsequijs, seruitijsque, quæ  
Ecclesiasticam dignitatem non decent, se subij-  
cere non audeant; ab armorum delatione, siue  
ad offensam, siue ad defensam omninò absti-  
neant, sub poena amissionis eorumdem, ac vnc.  
ciarum decem irremissibiliter exigenda. Illicitæ  
venationi non vacent; profanis spectaculis, &  
præcipuè Comædijs de rebus lasciujs, & amori-  
bus mundanis ad malum, & libidinem prouo-  
cantibus, non intersint.

7. Comestationes, & ebrietates, & in-  
honestæ extraneorum conuiuia declinent; Cau-  
ponas, & tabernas, vti loca intemperantiæ, nisi  
longi itineris causa, non frequentent; nuptiali-  
bus, laicalibusque conuiujs interesse, cantilenas  
emittere, fides pulsare, sonos perfundere, cho-  
reas ducere, personatos, laruosque incedere,  
non audeant, sub poena carceris, alijsque Nobis  
arbitrarijs; Alearum, ac taxillorum ludo, quo  
interdum ludentium animi à diuinis auocantur,

*C. Episc. 18.  
Offic. 1589.*

*C. Clerici,  
ut ab In-  
dig. 14. 9. 4.*

*C. Clerici  
arma de  
vit. & ho-  
nest. Cleric.*

*C. 2. in fine  
de Cler. Ver-  
nas.*

*C. Episc. 34.  
dist.*

*C. Prasby-  
teri 19. dist.*

*C. pro reue-  
rentia 54.  
dist.*

*C. Clér. de  
vit. & ho-  
nest. Cler.*

ac redditus Ecclesiastici nefariè profunduntur , non vacant , nec alios in proprijs domibus vacare permittant, sub poena vnciarum duarum pro qualibet vice à contrauentoribus soluen. alijsque arbitrio nostro irrogandis .

*C. 1. de vit.  
& honest.  
Cleric.*

*C. interdi-  
xit 32. dist.*

8. Cum Clericis per Sacros Canones omnino interdicatur, mulieres, etiam non suspectas, præterquam vsque ad secundum consanguinitatis, vel affinitatis gradum coniunctas, secum retinere; propterea districtè præcipimus, ne vllam mulierem in eorum habitatione sub quouis prætextu, & quocunque titulo, etiam ancillæ, seu famulæ nomine, retineant, nisi tamen prouectæ sit ætatis, & ex qua scandalum suboriri nequeat, sub poena suspensionis incurrendæ: multòque minùs cum suspectis foeminis consortium, & familiaritatem habeant; nec puellas, aut mulieres legere, scribere, canere, fides pulsare doceant, sub poena vnc. duarum.

*Tot. tit. ne  
Clerici, vel  
Monaci.*

*C. negotia-  
tio.*

*C. Confe-  
quens.*

*C. eiiciens  
dist. 88.*

*C. Clericus  
dist. 84.*

*C. Canonii  
14. q. 4. & 6.*

9. Mercaturis, alijsque quibuscunque negotiationibus illicitis nullo modo dent operam; vsuris non incumbant; secularia officia, & negotia abijciant; à sordido quæstu, vilique artificio abstineant; aliena prædia, etiam per interpositam personam, ne conducant; operas suas ad arandum, fodiendum, nauigandum, & ad huiusmodi sordida locare nō audeant, sub poenis arbitrio nostro infligendis. Honestam verò nego-

tia-

tiationem necessitatis gratia, non verò lucri cupiditate, dum modò diuinus Ecclesiæ cultus non negligatur, permittimus.

Con. Episc.  
15. Nouē-  
bris 1616.

10. In causis criminalibus in foro seculari nullum Clerici ferant testimonium, nec in ciuilibus absque nostra licentia; multòque minùs querelas, etiam citrà pœnam sanguinis, prosequantur, nec Procuratoris, Causidici, aut Aduocati officium in foro seculari absque nostra licentia exerceant.

Cap. neque  
dist. 88.  
S. Cyprian  
11. q. 3.

11. Absque nostra licentia à Dioecesi nemo ex Sacerdotibus discedere audeat, sub pœna suspensionis, alijsque Nobis arbitrarijs.

12. Vt exteriori corporis cultui, & decori correspondeat interior cordis munditia, & affectus, curent Sacerdotes omnes in nostra Dioecesi existentes, saltem diebus Dominicis, ac festis solemnioribus, Sacrum deuotè peragere; cæteris verò diebus pro cuiusque dispositione. Qui ad diuinum Officium recitandum, siue ratione Ordinis suscepti, siue Beneficij tenentur, competentibus horis studiosè, ac deuotè id faciant, & orationibus, & obsecrationibus Deum placare, propitiumque populo reddere nitantur.

Con. Trid.  
sess. 23. c. 14

## CAPVT II.

## De Officio Parochi.

*S. Chriſtoſt.  
hom. 13. in  
Geneſ.*

*2. ad Cor.  
cap. 3.*

*16. cap. 10.*

1. **C**VM nihil ità gratum Deo ſit , vti animarum ſalus; ideò illarum curæ Præpoſiti mentis aciem ad crediti ſibi gregis regimen affiduè eleuent, & ad exemplum Chriſti ſupremi Paſtorum Principis , qui pro omnibus mortuus eſt , vt omnes ſaluos faceret , ſuas oues , tam verbi doctrina , quàm operum exemplo paſcant , & pro eiſdem proprias animas ponere , quoties paſtoralis officij ratio exigit , non dedignentur , ne eorum incuria à via Domini aberrantes deperdi contingat . Quamuis enim penè omnia , quæ in hac noſtra Synodo decreuiſmus , ad munus Parochi ritè , & debitè obeundum , ſpectare videantur , quædam tamen hìc ſpeciatiũ animarum Rectoribus inculcare exiſtĩmauiſmus .

2. Cum non modò damnosa , ſed & dam-  
nabilis ſit Parochi imperitia , & tot obſit ,  
quot præeſt ouibus , qui eas paſcere , & re-  
gere ignorat ; propterea curam animarum ha-  
bentes probè teneant quæ ſint leges , & obliga-  
tiones



tionem ipsis ab Ecclesia impositæ, ut illis plenè satisfacere, & omnes proprii ministerij partes implere possint; ac propriam conscientiam ab omni peccati labe mundam cōseruare studeant, ut conuenienti puritate, ac sanctitate ad Mysteriorum diuina pertractanda sint semper, & ubique parati: quæ ad Sacramentorum administrationem pertinent, exactissimè calleant; libros ad proprium munus fructuosè obeundum apud se retineant, & assiduo studio reuoluant; Vitam, ac mores ita instituant, ut quod verbis populum docent, opere confirmant.

3. Diebus Dominicis, & festis de præcepto non omittant Parochi sacrosanctum Missæ Sacrificium celebrare in propria Parochia, & pro populo orare: Quolibet die Lunæ pro defunctis Sacrum faciant, prout hætenus consueuerunt.

*Trid. sess.  
23. cap. 14.*

4: Iuxta Parochiam habitent, & resideant, nec ab ea ultra biduum absfuturi, absque nostra licentia, & relicto prius idoneo Sacerdote à Nobis approbando, qui eorum vices gerat, quouis prætextu discedere præsumant, sub poena suspensionis ab officio, alijsque iuxta S. Conc. Trid. decreta infligendis.

*Trid. sess.  
6. cap. 1. de  
reform.  
¶ sess. 23.  
de reform.  
cap. 1.*

5. In Ecclesijs, in quibus numerosa est populi frequentia, tot Confessarios ex approbatis esse curent, quot ad confessiones suarum ouium commodè excipiendas sufficere cognoscant. In

Pa-



Pagis tempore Quadragesimæ, & Aduentus, necnon & Iubilæi, vt liberiùs fideles propriam conscientiam Confessarijs pandere possint, duos, vel plures ex approbatis à Nobis ad confessiones audiendas ex alienis Parochijs euocent, sub poena suspensionis ab officio.

*Trid. sess.  
27. de re-  
form.*

6. Erga pauperes, pupillos, orphanos, aliasque miserabiles personas spiritali, ac temporali miseratione indigentes, curam paternam gerant. Aegrotos, præcipuè in vitæ discrimine constitutos, frequenter visitent, & morti proximos maiori studio; nam si aliquem absque Sacramentis ob eorum negligentiam decedere contigerit, vltra diuinam indignationem, grauissimis poenis pro modo culpæ à Nobis punientur.

7. Exorcismum ad expellendos Dæmones à corporibus obsessis, aut ad veneficia soluenda, cum conscientia ab omni criminis macula purgata, magna cum humilitate, & fide, orationes, & ieiunia adhibendo, exerceant; Alios exorcismos, præterquàm ab Ecclesia Catholica approbatos, nō adhibeant, nec alio in loco, quàm in Ecclesia, nisi obsessus ægritudine grauetur, exorcizent, præsentibus tantum honestis, & grauibus personis: gratis autem hoc charitatis officium exerceant. Alijs autem, quàm Parochis, absque nostrâ speciali licentia exorcizare, aut  
su-

super infirmos legere, sub pœna suspensionis omnino interdiciamus.

8. Discordias, & dissidia inter eos, qui in eorum Parochijs degunt, omni prudentia componere curent; vitia, corruptelas, abusus, irrationabiles consuetudines, sedulo euellere studeant; & si hoc præstare se non posse nouerint, ad Nos deferant, vt opportunis remedijs, Deo adiuuante, tanto malo occurrere valeamus.

9. Super greges suos inuigilent, & diligentissimè inquirent, an intrà limites suæ Parochiæ degant concubinarij, illicitas mercaturas exercentes, vsurarij, simoniaci, alijque salutis æternæ immemores, aut in excommunicatione vltra annum inforDESCENTES, Ecclesiasticorum bonorum vsurpatores, & detentores, Virginum raptores, stupratores, adulteri, Coniuges, qui separato thoro absque Ecclesiæ iudicio indiuiduam vitæ consuetudinem non retinent; & quos tales nouerint, ad bonam frugem, & per se ipsos, & Nobis admonitis, reducere curent.

10. Singulis mensibus statum suarum Ecclesiarum Nobis fideliter referant, & scandala, quæ in eorum Parochijs vigent, eleemosynas, quæ à fidelibus offeruntur, ac expensas, quæ à procuratoribus suarum Ecclesiarum fiunt, & fidelium nomina, quos sine Sacramentis decessisse nouerint, eorumque pias dispositiones fir-  
cerè

cerè enarrent, sub poenis arbitrio nostro infligendis.

*Conc. Trid.  
sess. 5. de  
reformat. 2.*

11. Eleemosynarum quoscunque quæstores, sine speciali licentia à Nobis, seu Vicario nostro Generali in scriptis obtenta, in eorum Parochijs non admittant, nec eis vllatenùs Indulgentias publicare, Reliquias ostendere, & sermones facere permittant.

*C. in Sabbatho de cōsecr. dist. 4.*

12. Benedictiones domorum ad præscriptum Ritualis Romani cum aqua in benedictione fontis baptismalis sanctificata, & priusquàm illi sacra olea misceantur seposita, per solos Parochos, vel alios Sacerdotes ab eisdē approbatos, semel tantum quolibet anno, nō tamen ante Sabbathum Sanctum, fieri volumus, & mandamus; Cæteris verò Clericis, tam Secularibus, quàm Regularibus, sub poena suspensionis incurrendæ, ac alijs arbitrio nostro infligendis, id omninò interdiciamus.

13. Attestationes pro causis pietatem concernentibus gratis præstent; In adscribendo pios fideles alicui Sodalitati, vel Confraternitati eorum curæ subiectos, aut in interueniendo processionibus, quæ ab iisdem Confraternitatibus fiunt, nihil petant, aut accipiant, sub poena suspensionis ab officio.

14. Singulis mensibus die ipsis Parochis beneuifa, præmonitis omnibus Sacerdotibus, &

alijs

alijs in sacris Ordinibus constitutis, conferentiam Casuum Conscientiæ fieri curent, in qua discussis tribus casibus in priori conferentia propositis, alij tres casus in proxima futura conferentia discutiendi ab eisdem proponantur.

## C A P V T III.

### *De Canonicis, & Capitulo.*

1. **C** Anonici, cum ad conseruandam, *Ad tit. c. 2.*  
 augendamque Ecclesiasticam disciplinam præ cæteris teneantur, omni studio curare debent, vt pietate, ac morum integritate, in omnibus se ipsos præbeant exemplum bonorum operum, & superiùs à Nobis præscripta de vita, & honestate Clericorum, ipsi potissimùm, qui sunt in altiore, ac sublimiorem officij, ac honoris gradum assumpti, diligenter exequantur.

2. Horas canonicas, aliaque diuina Officia, ad quæ pro munere tenentur, studiosè, ac deuotè persoluant, & in diuinis laudibus concelebrandis nedum corpus decenter, & religiosè componant, sed & animum ab exterioribus *Cassian. col- lat. 23. c. 7.*  
 auocent, & se coram Deo sistant, vt id versetur

O in

in corde, quod profertur in ore. In Choro nemo priuatè, & submissa voce Officiū recitet, sed omnes vno ore laudent nomen Domini.

3. Memores Diuinæ præsentiae caueant à colloquijs, ac verbis inutilibus, sed si quid dicere, vel respondere oportebit, citò, ac breuiter expediant, ac omnia diligenter, debitaq. veneratione expleant.

4. Cœremoniarum Magistro in ijs, quæ ad cœremonias pertinent, absque vlla contradictione pareant, & Cœremoniale Romanum in omnibus diligenter obseruent.

5. Et cum omnes Canonici, tam nostræ Cathedralis Ecclesiæ, quàm etiam Ecclesiarum Collegiatarum huius nostræ Diœcesis, ad residentiam teneantur; idcirco apud easdem assidue relideant: absentes verò sine legitima causa à Nobis approbanda, ad formam Sacrorum Canonum, & Concilij Tridentini à Nobis puniuntur.

*Sess. 24. de  
rescr. c. 12.*

*Sess. eadem  
C. unico de  
Cler. non  
resident.*

6. Præterea omnes prædictos Canonicos absentes, quibuscunque remissionibus, & collusionibus exclusis, solita prouentuum, ac distributionum portione mulctari mandamus. Quod si dolosè dictam portionem perceperint, aut non soluerint, sciant se ad restitutionem teneri.

*Sess. 24. de  
rescr. c. 12.*

7. Punctatores fidelitè, & diligentè munus suum exequantur, ac sine vlla personarum

acce-

acceptatione singulorum absentiam obseruent, & punctis notent, & antequam prædictum munus exercere incipiant, iuramentum in manibus nostris, seu Vicarij nostri Generalis præstent se legitimè illud executuros. Alioquin si deliquerint in officio, vltra obligationem restituendi quod eorum culpa præsentibus non accreuit, vel iniuste notatis decreuit, poenis perijurij, alijsque Nobis arbitrarijs punientur.

8. Vt autem Punctatorum æquitas, aut dolus pateat, teneantur ipsimet singulis mensibus notam punctationum ad Capituli Camerarium afferre, vt illam exequi, & prouentus ex absentium punctis inter præsentibus distribuere valeat, aut Nos certiores reddere.

9. In Capitulo res deliberandas modestè proponant; vanis, aut obstinatis disceptationibus ne contendant; iurgia, & iniuriosa verba procul ablegent, sed miti sermone in utilitatem Ecclesiæ, quam vnicè præ oculis habeant, propriam sententiã proferant. Quod si quis contumelijs, aut alio quouis modo alium offendere ausus fuerit, pro modo culpæ seuerè à Nobis punietur.

## CAPVT IV.

*De Regularibus.**Ad Coloss.**cap.1.**1. Ad Tim.**cap.4.**Ad Coloss.**cap.1.*

1. **R**egularis vitæ profeſſores, quos in partem ſortis Sanctorum vocauit Deus, ita vitam inſtituere, moreſque componere ſtudeant, vt exemplum ſint cæteris fidelibus in verbo, in conuerſatione, in fide, in omni opere bono fructificantes, vt Nos eorum miniſterio adiuti, concreditum Nobis gregem ſalubriùs. regere valeamus.

*Seſs. 23. decret. de obſeruan.*

2. Singuli è Conuentibus non exeant, nec incedant; habitum, qui religioſam paupertatem, ac modeſtiam redoleat, gerant; ſecularibus negotijs non ſe immiſceant, & in omnibus, quantum humana fragilitas patitur, irreprehenſibiles eſſe curent. Munus Confeſſarij, niſi à Nobis approbati, non exercent, nec ſuper ægrotos legant, ac omnia in hac noſtra Diœceſana Synodo ſancita, quantum ad ipſos attinet, exequi non omitant: Exteros Sacerdotes, ſine noſtra, aut noſtri Vicarij Generalis licentia, in eorum Eccleſijs Miſſas celebrare non ſinant. In Monaſterijs, ſeu Conuentibus, ad præſcriptum S. Concil. Trid. vbi

com-



commodè fieri queat, lectio Sacrae Scripturae habeatur.

*Trid. sess. 5.  
de refor. c. 1.*

3. Extra claustra degentes si deliquerint, ex ipsius Concilij Tridentini decreto, quocunque sui Ordinis priuilegio non obstante, nouerint se à Nobis secundum Canonicas sanctiones puniendos; In claustris verò degentes, si extra illa ità notoriè deliquerint, vt populo scandalo sint, ab eodem Superiore intra tempus à Nobis præfigendum puniantur, & de punitione Nos certiores reddant, sin minùs delinquentes pro delicti grauitate à Nobis punientur.

*Sess. 6. de  
reform. c. 3.*

*Sess. 25. c.  
14. de Reg.*

4. Censuras, & interdicta à Nobis promulgata, quotiescunque requisiti fuerint, in eorum Ecclesijs promulgent. Ad publicas processiones vocati, accedere teneantur. In die Sabbathi Sancti campanas haud pulsant antequàm pulsauerit Cathedralis Ecclesia, sub pæna interdicti incurrendi. Corpora defunctorum efferre nō audeant, nisi præsens sit proprius defuncti Parochus.

*Sess. eadem  
cap. 12. de  
Regul.*

*Ibid. c. 13.  
de Regul.*

5. Moniales, absque expressa licentia Sacrae Congregationis, iuxta Decreta eiusdem S. Congregationis per Sixtum V. & Urbanum VIII. approbata, alloqui non audeant. Ad quorum præscriptum quater quidem in anno, sed extra tempus Aduentus, Quadragesimæ, Vigiliarum, feriarum sextarum, Sabbathi, ac festorum de præcepto & præuia nostra in scriptis licentia, eas dumtaxat

*Con. Conc.  
1590. sub  
Sixto V. 1597.  
1623. sub  
Vrb. 8.*

xat.



*Eadem sub  
Clem. IX.  
de an. 1669.  
die 11. Maij.* xat, quæ in primo, vel secundo consanguini-  
tatis gradu sibi coniunctæ fuerint, alloqui per-  
mittimus; alioquin contra huiusmodi formam  
decreti alloquentes, nouerint se, præter poenas  
priuationis officiorum, culpam etiam læthalem  
incurrere, etiam si per quodcunque modicum  
temporis spatium cum eisdem loquantur.

*Decr. Sac.  
Cong. super  
stat. Regul.  
approbat. ab  
Innocen. X.  
editum 10.  
Feb. 1654.  
Declaratio-  
nes eiusdem  
S. Congr. ab  
Alex. VII.  
approbatæ.* 6. In paruis Conuentibus degentes, in qui-  
bus ob exiguum numerum Religiosorum per-  
fecta claustralium institutionum obseruantia  
esse nequit, cum ex Apostolicis decretis nostræ  
Iurisdictioni omninò subiecti sint, præscripta  
in eisdem decretis, ac pluribus responsis Sacræ  
Congregationis super Statu Regularium ad il-  
lorum interpretationem emanatis, diligenter ob-  
seruent. In eisdem Conuentibus enixè man-  
damus, vt sex saltem Religiosi probatæ vitæ, ex  
quibus quatuor ad minùs Sacerdotes sint matu-  
ræ ætatis, re ipsa alantur, sub poenis in eisdem  
decretis contentis.

# C A P V T V.

## De Monialibus.

1. **V**T Sanctimonialès , quæ abdicato seculo castitatem Deo vouerunt , dignè ambulare valeant vocatione , qua vocatæ sunt , ac omnia amoueantur impedimenta , quæ sanctum ipsarum propositum à spiritualium rerum cogitatione auertere possunt , quin ea , quæ debent sanctitate Christo Sponso inseruire possint , ultra ea , quæ in Prædecessorum nostrorum Synodis , & in actu nostræ visitationis pro vnius cuiusque Monasterij Monialibus sancita fuere , infrascripta districte obseruari mandamus.

*Ad Ephes.  
cap. 4.*

2. Constitutiones , dispositiones , ac decreta de Sanctimonialium clausura seruanda , conseruanda , ac restituenda , hætenùs à Summis Pontificibus promulgata , & à Sacro Concilio Tridentino præscripta , inuiolabiliter obseruent . Nulla Monialis temerario ausu , Diabolicoque spiritu ducta , clausuram violare præsumat , nec quispiam intra Monasterij septa absque nostra in scriptis licentia introire audeat , sub pœna excommunicationis ipso facto incurrendæ Summo Pontifici reseruatæ , alijsque pœnis arbitrio

*Trid. sess.  
25. de Re-  
gul. c. 5.*

*Ibidem B.  
Pius V. C8.  
sit. que in-  
cipit Circa  
Pastoralis .  
& Constit.  
que incipit  
Decori.*

nostro rigorosissimè infligendis . Pueros etiam, vel puellas, cuiuscunque sint ætatis, intra clausuram admitti strictissimè interdiciamus.

3. Obtinentes licentiam ingrediendi claustra Monialium ex causa necessaria, nonnisi de die ingredi permittimus, ac semper duabus ex senioribus Monialibus associatibus, recto tramite ad locum destinatum pergant, & eadem via reuertantur, nec per Monasterium diuagentur.

4. Nemo, cuiuscunque gradus, status, & conditionis sit, sine nostra licentia in scriptis concedenda, ad Monasterij Collocutoria, crates, & rotas, Moniales allocuturus, sub quouis prætextu accedere præsumat, sub poena excommunicationis, alijsque arbitrio nostro iniungendis; exceptis tamen in primo, & secundo consanguinitatis gradu coniunctis, temporibus tamen non prohibitis, dummodò cum alijs, quàm cum consanguineis non loquantur.

*S. Congreg.  
Regul. 15.  
Jan. & 15.  
Mar. 1656.*

5. Clausuræ ianua pro ijs introducendis, siue educendis, quæ per rotas educi, seù introduci possunt, non aperiatur, nec ex ea vlla ex Monialibus alloqui audeat. Duabus seris, & clauibus diuersis, altera quidem interiùs, alia verò exteriùs, eadem ianua claudatur, quæ de nocte penès Abbatissam asseruentur.

6. In fenestris collocatorijs crates sint ita spissæ, & strictæ, vt nec puellæ manus per foramina transmitti possint.

7. Ad fenestellam Confessionis affixæ sint duæ laminæ ferreæ minutis foraminibus perforatæ, vt in actu Confessionis solùm audiantur, non tamen aspiciantur Moniales. Clauis custodia Sanctissimi Sacramenti, & fenestellæ, per quam Sacramentum Monialibus dispensatur, à Sacerdote, seu Confessario, ad quem spectat huius Sacramenti ministratio, non verò à Monialibus retineatur.

*Con. Episc. 1592.*

*Con. Episc. in Vallisletana 12. Iann. 1604.*

8. Nulla Monialis priuatas Missas, etiam proprijs expensis, absque nostra licentia ex legitima tantùm causa concedenda, celebrare facere, audeat ex Constit. Clem. VIII.

*Cle. VIII. apud Cau. in addit. ad Manual.*

9. Confessarius Monialium nunquàm Monasterij septe ingrediatur, nisi ad Sacramenta infirmis administrandam, & tunc semper superpelliceo, & stola indutus, associatus à duabus ex senioribus deputatis, recto tramite ad infirmæ cubiculum pergat, nec ad aliam Monasterij partem se conferat; Confessiones è consueta Sede in loco Ecclesiæ conspicuo collocata semper excipiat.

*Ale. VII. const. Felici Sac. Vi g. §. 3. in ord. Bull. 153.*

10. Bis, vel tèr in anno ad præscriptum Sac. Concil. Trid. Abbatissa Monasterij Nos, vel nostrum Vicarium Generalem requirere teneatur

*Trid. sess. 25. de Regul. & Monial. c. 10.*

*Con. Regul.*  
2. Iul. 1589  
decr. 35.

pro Confessarij extraordinarij deputatione, coram quo omnes accedere teneantur, saltem ad suscipiendam benedictionem, si confiteri noluerint. Tempore, quo extraordinarius Confessor fungitur officio suo, se abstineat ordinarius ad confessiones audiendas accedere.

*Greg. XV.*  
*Constit. quæ*  
*incipit In*  
*scrutabili in*  
*ord. Bul. 18.*

11. Administratores, & Oeconomi bonorum Monasterij, ea, qua decet fide, & diligentia huiusmodi munus exercere curent, & singulis annis rationes administrationis coram Nobis reddant, iuxta Const. Greg. XV.

*Con. Regul.*  
2. Iul. 1585  
dist. 18.

12. Quodcunque negotium, aut particulare interesse cuiusvis Monialis non pertractetur cum alijs Aduocatis, Procuratoribus, Sollicitatoribus, Exactoribus, alijsque negotiorum gestoribus, quàm cum solitis pro communibus negocijs Monasterij deputatis.

*Seff. 25 cap*  
*18. de Re-*  
*gul.*

13. Nouerint denique omnes, poenam excommunicationis ipso facto incurrere ex Concil. Trid. sanctione quascunque personas, cuiuscunque qualitatē, & conditionis fuerint, etiam clericali, & regulari dignitate fulgentes, si quomodocunque coegerint aliquam Virginem, vel Viduam, aut aliam quamcumque mulierem ad ingrediendum Monasterium, vel Religionis habitum suscipiendum, aut professionem emitendam. Vltērius omnes alij, qui auxilium, fauorem, præsentiam, consensum, & auctoritatem

tatem interposuerint; siue è contra sanctam Virginum, aut aliarum mulierum voluntatem habitum regularem suscipiendi, seu voti emit-  
tendi, quoquomodo sine iusta causa impederint. Ideo ad regularem habitum non recipiantur, nec ad professionem admittantur, nisi priùs per Nos, aut per nostrum Vicarium Generalem, vel alium à Nobis deputatum, illarum voluntas diligenter exploretur.

*Trid. sess.  
25. cap. 17.  
de Regul.  
& Monial.*

## C A P V T VI.

*De Bizzochis, seu Tertiarijs.*

1. **M**ulieres extra clausuram degentes, quæ habitum Religionis gestare cupiunt, vulgò Tertiariæ, seu Bizzochæ nuncupatæ, vt in proposito cordis permanere in Domino possint, & ne quis eas seducat vllò modo, qualitates in Constit. Concil. Lateranen. sub Leone X. ac decretis Sac. Congreg. Cardinalium negocijs Episcoporum, & Regulariũ præpositorũ habeant; videlicet, sint probatæ vitæ, ac bonis moribus præditæ, in ætate saltem quadraginta annorum constitutæ, quæ de proprio habeant vndè sufficienter viuere possint: cum alijs viris, quàm cum consanguineis, vel affinibus in pri-

*Aff. c. 11.  
Ad Thes.  
cap. 2.  
Con. Lateranen. sub  
Leone X.  
sess. 21.  
C. Episc. &  
Regul. die  
20. Decem.  
1616.*

mo tantum gradu sibi coniunctis, non inhabitent, præuia tamen nostra, seu nostri Vicarij Generalis licentia, postquam de prædictis omnibus per diligens examen constiterit, in scriptis concedenda.

2. Huiusmodi habitum de licentia nostra deferentes emissa professione, omninò à velo super caput, quod Superiectum vocant, & à pectorali, quod vulgò dicitur Sotto gola, & à Patientia abstineant, sub poena excommunicationis, alijsque arbitrio nostro infligendis.

## C A P V T VII.

*De Confraternitatibus, &  
Sodalitjs.*

*Ad Rom.  
cap 11.*

1. **C**VM Laicorum Sodalitates ad populi mores componendos, & pietatis religionem eorum animis suauiter insinuandam fuerint sanctè, & laudabiliter institutæ, cuiuslibet Sodalitatis Confratres charitate, fraternitatis inuicem diligentes, honore præuenientes, spiritu feruentes, orationi instantes, misericordiæ operibus, ac Sacramentorum frequentia in viam Domini proficientes, Deo placere,



cere , ac vberrimos æternæ salutis fructus parere studeant.

2. Constitutiones, & Statuta nulla habeant, aut condant, nisi priùs à Nobis examinata, atque approbata fuerint. Quæ alijs Sodalitatibus non sunt aggregatæ, aggregari curent, vt concessas primarijs Archiconfraternitatibus Indulgentias participare possint.

*Const. Clement. VIII. qua incipit Quacunque*

3. Nouæ Confraternitates cum vsu sacrorum etiam à Regularibus, sine nostra expressa licentia, & antequam à Nobis eorum Statuta, comprobentur, minimè instituantur.

*C. Episc. 6. Dec. 1616.*

4. Officiales Statuta, & Constitutiones Sodalitatis cuilibet ostendant, antequam quis in Sodalium numerum recipiatur, & de omnibus ad Sodales spectantibus plenè instruant, vt quilibet muneri suo satisfacere possit.

5. In Confratrum numerum non recipiantur qui Doctrinam Christianam ignorant, facinorosi, publici peccatores, vsurarij, concubinarij, & infames, imò si tales efficiantur, postquam adscripti fuerint, à Sodalitate arceantur.

6. Officialium electio, omni humana ratione postposita, quotannis secretis suffragijs coram Parocho, seu alio à Nobis deputando, fiat.

7. In processionibus Confratres, talaribus faccis induti, bini, ac modesti incedant, præ cæteris



cæteris verò silentiū, deuotionem, ac debitum ordinem seruent.

8. In ipsorum Oratorijs, seu Cappellis profana non habeantur colloquia; nugæ, & scurrilia non peragantur, sed orationibus, & pietatis exercitijs sine strepitu attentè, & reuerentè vacent. In festiuitatum celebrationibus, Confraternitatis bona inutilibus expensis non dissipentur, sub poena soluendi de proprio.

*Conc. Trid.  
sess. 22. de  
reſor. c. 9.*

9. Rationem eorum administrationis Oeconomi omnium Confraternitatum, & Sodalitatum, etiam in Ecclesijs Regularium existentium, quotannis Nobis reddant, & qui debitores remanserint, infra duos menses soluere, & omninò satisfacere teneantur, sub poena vnc. quinque eidem Sodalitati applican. & inhabilitatis ad officia, & dignitates in eadem Sodalitate obtinendas:

10. Pia legata cum onere celebrationis Missarum, desponsationis puellarum, seu quocunque alio, sine nostra expressa licentia non recipiant, sub poena interdicti, alijsque Nobis arbitrarijs.

11. Eleemosynæ Confraternitatibus, & Sodalitatibus, siue per suos quæstores de nostra licentia quæsitæ, siue à pijs fidelibus oblatae, diligenter coram Parocho, seu alio à Nobis deputando, adnotentur.

12. Vt autem bona, & redditus Confraternitatum conseruentur, quælibet Confraternitas habeat librum, in quo distinctè bona omnia, redditus, legata pia, & onera omnia describantur; necnon habeant inuentarium omnium iocalium Confraternitatis in eorum Archiuio diligenter asseruan. Coeterum omnia de rebus Ecclesiæ conseruandis, earumque recta administratione à Nobis præscripta, diligenter, & inuiolabiliter obseruent.

## C A P V T VIII.

### *De Examinatoribus Synodalibus.*

1. **N**E ad curam animarum, quas Christus acquisiuit Sanguine suo, admittantur indigni, sed solummodò doctrinæ, scientiarumque habentes necessaria requisita, vt potentes sint in doctrina sana exhortari, & eos, qui contradicunt redarguere, Sacrosanctum Tridentinum Concilium decreuit, vt in Dioecesana Synodo Examinatores Synodales ab Ordinario proponantur, ab eaque probentur, ex quibus saltem tres, cum eodem, ad Parochiales Ecclesias concurrentium examen diligenter perficiant.

Pro-

*Aff. cap. 20*

*Ad Tit. c. 1*

*Trid. sess.  
24. de re-  
form. c. 13.*

2. Propterea infraſcriptos Examinatores pro concuſſu Parochialium eligimus, & deputamus, qui ex eiufdem Concilij præſcripto curare teneantur, ſe, quacunq; humana affectione poſtpoſita, fideliter munus iniunctum executuros; quod idem præſtent quoties ad examinandum accedunt.

3. Examinandos ante examen quid ſit reſpondendum nullatenus doceant, ſub poena periurij; Nec quidquam prorsus occasione huius examinis, nec antea, nec poſtea accipere audeant; alioquin vitium ſimoniae tam ipſi, quam alij dantes incurrunt.

4. Inutilibus, ac implicatis quaëſtionibus examinandos non vexent, ſed quæ ad munus Parochi ritè exercendum ſpectant, clarè, & diſtinctè proponant, ac de eorum vita, & moribus, virtutibus Chriſtianis, quibus pollere debent, diligenter inquirent. Peraçto examine, ſecretis ſuffragijs quos idoneos reppererint approbent, ex quibus quem magis aptum, & idoneum duxerimus, eligere, quantum in Nobis erit, curabimus.

## Examinatores Synodales sunt.

Admod.Reu. D.Ludouicus Famucellus S.T. &  
I.V.D. Canonicus, Sanctiss. Inquisitionis Af-  
fessor, Vicarius Generalis.

Adm.Reu.D.Michael Bonicius I.V.D. Archi-  
diaconus.

Adm.Reu.D.Ioannes Antonius Cauchius S. T.  
& I.V.D. Decanus.

Adm.Reu.D.Alexander Bologna I.V.D. Ca-  
nonicus.

Adm.Reu.D.Dominicus Attard S.T.& I.V.D.  
Canonicus.

Adm.Reu.D.Petrus Gurgiun I. V. D. Cano-  
nicus.

Adm.Reu.D.Saluator Teuma I. V. D. Cano-  
nicus.

Adm.Reu.D.Thomas Vella S.T. D.Coadiutor  
Canonici D.Petri Ristri.

Adm.Reu.D.Marianus Haxac I.V.D. Coadiu-  
tor Thesaurarij.

Adm.Reu.Abb.D.Ignatius Constantius I.V.D.  
Coadiutor Canonici D. Antonini Testafer-  
rata .

-A

Q

Reu.

Reu.D.Io. Maria Barbara S.T.D.Parochus Bur-  
mulæ .

Reu.D.Simon Schembri S.T.D. Præpositus O-  
ratorij Ciuitatis Sengleæ

Adm.Reu.Fr.Abbas Daud Coccus de Palmerijs  
Prothon.Apost.I.V.D. Ordinis S.Io.Hieroso-  
lymitani Frater Cappellanus, Commendata-  
rius S Petri Castellani.

Reu.Fr.Ioseph Sola S. T. D. Ordinis prædicti  
Fr.Cappellanus.

Reu.Fr.Franciscus Attardus S. T. Magister, Or-  
dinis Prædicatorum.

Reu.Fr.Petrus Hagius S.T.D, Baccalaureus Or-  
dinis Prædicatorum.

Adm.Reu.Fr.Carolus Zirafa S.T. Magister, Or-  
dinis Minorum Conuentualium, Prouincialis  
Siciliæ.

Reu.Fr.Augustinus Sapiamus S. T. M. Ordinis  
Eremitarum Sancti Augustini.

Reu.Fr.Ioannes Petrus Grec S. T. M. Ordinis  
Carmelitani.

Reu.P.Ioannes Maria Vella S. T. P. Societatis  
Iesu .

# C A P V T IX.

## De Iudicibus Synodalibus.

1. **C**VM ex Sacri Concilij Tridentini sanctione teneamur in præfenti Synodo nominare, & deputare personas aptas, & idoneas in Iudices, quibus causæ Ecclesiasticæ, ac spirituales, & ad Forum Ecclesiasticum pertinentes delegentur (ex quibus etiam Regulares, iuxta Const. Gregorij XV., pro suis privilegijs tuendis Conseruatores eligere teneantur, quorum electionem canonicè, & legitimè factam Nobis intrà duos menses à dicta electione significare, curent): Ideò in Iudices Synodales eligimus, & nominamus,  
 Adm. Reu. D. Ludouicum Famucellum S. T. & I. V. D. Canonicum, Sanctissimæ Inquisitionis Assessorum, Vicarium Generalem.  
 Adm. Reu. D. Michaellem Bonicium I. V. D. Archidiaconum.  
 Adm. Reu. D. Ioannem Antonium Cauchium S. T. & I. V. D. Decanum.  
 Adm. Reu. D. Ioannem Mariam Zahram I. V. D. Cantorem, & nostrum Prouicarium.

*Sess. 25. de refor. c. 10.*

*Constit. de conseru. qua incipit Sanctissimis de anno 1621.*

Adm. Reu. D. Ioannem Franciscum Xeberras  
I. V. D. Thesaurarium.

Adm. Reu. D. Ioannem Baptistam Desayn,  
I. V. D. Archipræbyterum.

Adm. Reu. D. Paulum Antonium Borgium,  
I. V. D. Canonicum.

Adm. Reu. D. Alexandrum Bologna I. V. D. Ca-  
nonicum.

Adm. Reu. D. Hieronymum Piscopum I. V. D.  
Canonicum.

Adm. Reu. D. Philippum Muscatum I. V. D.  
Canonicum.

Adm. Reu. D. Iosephum Desayn I. V. D. Cano-  
nicum.

Adm. Reu. D. Ioannem Antonium Cangialan-  
za I. V. D. Canonicum.

## C A P V T X.

### *De Testibus Synodalibus.*

1. **C** V M ex Nobis ipsis boni Pastoris  
munus explere non sumus sufficien-  
tes, sed sufficientia nostra ex Deo sit; quæ per  
tot loca diuersa nostræ Diœcesis intueri non  
possumus, per vigilantes saltem oculos piorum,  
pru-

prudendum, ac Ecclesiasticæ disciplinæ conseruandæ studiosorum hominum inuestigare debemus. Idcirco Innocentij Tertij decretis in Concilio Lateranen. editis inhærentes, infrascriptos Testes Synodales constituimus, qui non ordine iudiciali, sed discretè procedendo, diligenter inquirant quæ correctione, vel reformatione indigeant, & ea fideliter ad Nos perferant, vt opportunis remedijs occurrere valeamus.

Cap. Sicut  
olim de  
accusat.

2. Et vt laudabilius commisso fungantur officio, omni diligentia inuigilent, ac inquirant:

An piæ fidelium dispositiones ritè ad præscriptam testatorum mentem adimpleantur.

An Capitula Horas Canonicas, aliaque diuina Officia sanctè, & deuotè persoluant.

An Parochi, & alij curam animarum habentes Dominicis, & festis diebus populum in Fidei mysterijs, & necessarijs ad salutem instruant, ac Sacramenta ritè, & diligentèr omnibus administrent, & an eorum incuria aliquis sine Sacramentis decesserit.

An Clerici Constitutiones vitam, & honestatem Clericorum concernentes exactè obseruent.

An in hac nostra Diocesi adsint publici sacrilegi, blasphemij, cōcubinarij, adulteri, incestuosi, vsu-



vsurarij, vel Coniuges separatim commorantes,  
alijque cum scandalo viuentes.

Denique an hæ nostræ Constitutiones Syn-  
nodales, vt par est, inuiolatè seruentur.

## Testes autem Synoda- les sunt.

Adm.Reu.Saluator Teuma I. V. D. Canonicus  
Cathedralis Ecclesiæ.

D.Franciscus Vella de Rabato.

D.Maximilianus Balsanus de Valletta.

D.Carolus Colonia de Valletta.

D.Lucas Ciantar de Victoriosa.

D.Michael Haxiac de Burmula.

D.Marcus Parmisciano de Senglea.

D.Ioseph Hasciscia de Curmi.

D.Lucas Mifsud de Nasciaro.

D.Sebastianus Farmosa de Zurrico.

D.Ioannes Maria Paci de Zebugi.

D.Paschalis Zahra de Zeitun.

D.Lazarus Camillerius de Insula Gauli.

Formula Iuramenti in mani-  
bus Illustris. & Reuerendis.  
D. Episcopi per suprascriptos  
Testes Synodales in Sy-  
nodo præstiti.

Ego N. Testis Synodalis, ab Illustris. & Re-  
uerendis. D. Episcopo nominatus, promitto,  
spondeo, & iuro, quod à modò in antea quic-  
quid noui aut audiui, aut postmodum inqui-  
siturus sum, quod contra voluntatem Dei, &  
rectam Christianitatem in Diœcesi, vel Re-  
gione mihi commissâ factum sit, vel faciendum  
erit, si in diebus meis euenerit tantum, vt ad  
meam cognitionem quocunque modo deueniat,  
si sciuerò, aut indicatum fuerit mihi Synoda-  
lem Causam esse, & ad ministerium Illustris. &  
Reuerendis. D. Episcopi pertinere; quod ego nec  
propter timorem, nec propter præmium, nec  
propter parentelam vllatenus celabo Illustris.  
Episcopum, aut eius Missum, cui hoc inquirere  
iusserit. Sic me Deus adiuuet, & hæ Sanctorum  
Reliquiæ.

*Ex Maso-  
br. de Synod  
& ex Bar-  
bos. de offic.  
& potestat.  
Episc. p. 3.  
in Formul.  
Episc.*

## CAPVT XI.

*De Foro Ecclesiastico, eiusque  
Officialibus.*

1. **V**T Forum nostrum Iudiciale quã-  
decet integritate, & æquitate rega-  
*Ad Tim. 4.* tur, eiulque Officiales ministerium suum im-  
pleant, controuersias omnes, quantũ possunt,  
amicabiliter componere studeant: quod si id as-  
sequi nequiuert, quanta fieri poterit breuita-  
te, re tamen benè, & maturè discussa, termina-  
re curent. Causas leues, quæ summam vnc.  
quatuor non excedunt, sine strepitu, & figura iu-  
dicij, sola facti veritate inspecta, dirimant. Nulla  
personarum habita ratione iustitiam admini-  
strent: pauperibus, & miserabilibus gratis ius  
reddant, & à muneribus, ac donis, quæ à recto  
iudicandi tramite deuiare faciunt, abstineant.
- Trid. sess.*  
*25. de re-*  
*form. c. 3.* 2. Ne Ecclesiasticæ Censuræ à fidelibus con-  
temnantur, & perniciem potiùs afferant, quàm  
salutem, Excommunicationes illæ, quæ literis  
monitorialibus ad effectum reuelationis commi-  
nantur, non nisi re, vti pergraui, maturè conside-  
rata, decernantur.

3. Absolutionis à iuramento ad effectum  
tan-

tantum agendi , non verò excipiendi concedantur .

4. Sequestra , empara , eleuationes , & impedimenta, non nisi inspectis publicis documentis , illisque exhibitis, relaxentur.

5. Notarij, seu Actuarij , cæterique alij Officiales, à litigantibus, seu causas quascunque, in nostra Curia habentibus, nihil exigant , petant, & recipiant ultra mercedem statutam in Taxa , quam in Tabella in Archiuio nostro appensa in loco omnibus conspicuo detineri mandamus, sub poena exacti , seu recepti duplum soluendi , alijsque arbitrio nostro infligendis.

6. Informationes, processus, instrumenta, & quascunque alias scripturas ad Curiam nostram spectantes, delere , comburere, suppressere, seu quavis alia ratione occultare non audeant , nec minus scripturas , siue processus originales, sine nostra , aut nostri Vicarij Generalis licentia, extrahere, aut alijs tradere audeant, sub poena excommunicationis , alijsque arbitrio nostro infligendis.

7. Omnium scripturarum, processuum , & actorum , quæ in Archiuio nostro conseruantur, distinctum, & exactum Inuentarium infra sex menses confici mandamus , in quo quolibet bimestri adnotentur processus , & scripturæ , quæ in dies fiunt.

R

Ne-

8. Nemo Iurisdictionem Ecclesiasticam ,  
vel Officiales nostros , & nostræ Curie infer-  
uientes, directè, vel indirectè, sub quouis prætex-  
tu, in exequendis mandatis ad prædictam Iurif-  
dictionem spectantibus impedire audeat, sub  
pœna excommunicationis ipso facto incurren-  
dæ, Sanctæ Sedi referuatæ.

## C A P V T XII.

*De diebus Ferialibus, in qui-  
bus Curie vacant.*

### I A N V A R I O.

17. S. Antonij Abbatis, & Confessoris.
20. SS. Fabiani, & Sebastiani Mart.
21. S. Publij Episc. & Mart. Insulæ Patroni, ac  
Principis.

### F E B R V A R I O.

3. S. Blasij Episc. & Mart.
4. S. Agathæ Virginis, & Martyris, Pa-  
tronæ.
10. S. Scholasticæ Virginis.
22. Cathedræ Sancti Petri Apostoli.

*MAR-*

*M A R T I O.*

7. S. Thomæ Aquinatis Confess. & Ecclesiæ  
Doct.  
12. S. Gregorij Papæ , & Confess. & Ecclesiæ  
Doct.  
20. S. Ioachim Patris B.M.V.  
21. S. Benedicti Abbatis.  
Omnes Feriæ sextæ dicti mensis.

*A P R I L I.*

23. S. Georgij Martyris.  
25. S. Marci Euangelistæ.

*M A I O.*

6. S. Ioannis ante Portam Latinam.  
8. Apparitionis Sancti Michaelis Archangeli.  
12. S. Philippi Argiriensis Confessoris.

*I V N I O.*

12. S. Barnabæ Apostoli.  
13. S. Antonij de Padua Conf.  
Octaua Sanctorum Apostolorum Petri,  
& Pauli.  
Feriæ Messium, ab octaua die mensis Maij,  
vsque ad Vigiliam Sanctorum Apo-  
stolorum Petri, & Pauli inclusiue, qui-

bus tamen, vtpotē introductis in hominum vtilitatem, renunciari potest.

*I V L I O.*

2. Visitationis B. Mariæ Virginis.
14. S. Bonaventuræ Episc. & Confess. & Eccles. Doct.
16. S. Mariæ de Monte Carmelo.
31. S. Ignatij Loyolæ Confess. Societatis Iesu Fundatoris.

*A V G V S T O.*

1. S. Petri ad Vincula.
2. S. Mariæ ad Portiunculam.
4. S. Dominici Confessoris.
5. S. Mariæ ad Nives.
6. Transfigurationis Christi Domini.
16. S. Rocchi Confessoris.
28. S. Augustini Episc. & Confess. & Ecclesiæ Doct.
29. Decollationis S. Ioannis Baptistæ.

*S E P T E M B R I.*

4. S. Rosaliæ Virginis Panorm.
10. S. Nicolai de Tolentino.
14. Exaltationis Sanctæ Crucis.
27. SS. Cosmæ, & Damiani Mart.
30. S. Hieronymi Confess. & Eccl. Doct.

*O C T O.*

*OCTOBRI.*

- 2. SS. Angelorum Custodum.
- 4. S. Francisci Confessoris.
- 15. S. Theresiæ Virginis.
- 18. S. Lucæ Euangelistæ.
- 21. S. Ursulæ Virg. & Martyris.

*NOVEMBRI.*

- 2. Dies Commemorationis omnium Defunctorum.
- 6. S. Leonardi Confessoris.
- 11. S. Martini Episcopi, & Confessoris.
- 21. Præsentationis B Mariæ Virginis.
- 25. S. Catharinæ Virginis, & Martyris.

*DECEMBRI.*

- 3. S. Francisci Xaverij Confessoris.
- 4. S. Barbaræ Virginis, & Mart.
- 6. S. Nicolai Episcopi, & Confessoris.
- 7. S. Ambrosij Episc. & Confess. & Ecclesiæ Doct.
- 13. S. Luciæ Virginis, & Martyris.

**A** Vigilia Natiuitatis Domini inclusiue, vsque ad festum Epiphaniæ, cum duobus sequentibus.

Item à feria quinta Carnispruij ante Dominicam



134 *Constitutionum Synodaliū.*

cam Quinquagesimæ , vsque ad diem Cinerum inclusiue .

Item à feria secunda maioris hebdomadæ , vsque ad feriam secundam post Dominicam in Albis inclusiue .

Item per tres dies Rogationum.

Item per octauam Corporis Christi.

## C A P V T XIII.

*De diebus , in quibus Canonici hebdomadarij  
à primis Vesperis in Cathedrali nostra  
agere tenentur .*

Obseruetur sequens Tabella ,  
incipiendo à die 1. Iulij  
huius anni 1680.

1. Feria secunda Don Xauerus Balsanus.
2. Feria tertia Don Alexander Bologna.
3. Feria quarta Don Hieronymus Pilcipo.
4. Feria quinta Don Ioseph Desayn.
5. Feria sexta Don Saluator Theuma.
6. Sabbatho Don Paulus Mallia.

Fe-

8. Feria secunda Don Ioannes Maria Zahra Cantor.
9. Feria tertia Don Petrus Ristrius.
10. Feria quarta Don Antoninus Testaferata.
11. Feria quinta Don Ludouicus Famucellus.
12. Feria sexta Don Dominicus Attardus.
13. Sabbatho Don Petrus Gorgion.
15. Feria secunda Don Matthæolus Xeberas.
16. Feria tertia Don Antonius Cangialanza.
17. Feria quarta Don Franciscus Xeberras Thesaurarius.
18. Feria quinta Don Philippus Muscat.
19. Feria sexta Don Michael Bonicius Archidiaconus.
20. Sabbatho Don Ioannes Antonius Cauchius Decanus.

Et ita proseguatur, reassumendo ordinem.

In singulis autem Dominicis diebus quilibet Canonicus hebdomadariū agat iuxta antianitatis seriem, prout hactenus obseruatum est.

Don

Don Ioannes Baptista Defayn , & Don Paulus  
Antonius Borg ab hebdomada eximuntur  
ob suas speciales obligationes.

## Taxa Generalis Iurium Paro- chialium pro Exequijs, Mis- sis , Diuinis Officijs , ac alijs , de quibus infra .

Pro Missa cantata cum primis , & secundis  
Vesperis , tar. octo.

Pro primis Vesperis , & Missa cantata intra  
Parochialem , & in Ecclesijs habitationis tar.  
sex .

Pro primis Vesperis , & Missa lecta intra  
Ecclesiam Parochialem , & in Ecclesijs habita-  
tionis tar. quatuor.

In Ecclesijs autem Ruralibus , nisi fuerit cun-  
suetudo plus percipiendi , & soluendi , pro primis  
Vesperis , & Missa cantata tar. octo.

Pro primis Vesperis , & Missa lecta in Eccle-  
sijs

sijs Ruralibus, salua consuetudine prædicta, tar. septem.

Pro Missa cantata simplici, pro Celebrante, tar. duos; pro aspersorio, si erit, tar. vnum; pro quolibet assistente, & cantante gra. decem.

Pro denunciationibus faciendis tar. vnum pro qualibet denunciatione, ita vt nihil accipiatur ratione fidei denunciationum huiusmodi, vbi ea opus fuerit.

Pro assistentia matrimonij contracti tar. sex; ita tamen, vt pro vino, & candelis non allatis, vel altero eorum non oblato, vel pro linteolo, quod à nonnullis dari consuevit, nihil accipiat.

Pro qualibet publicatione literarum monitorialium tar. vnum; quæ si excefferint paginam vnā, habeant præterea gr. decem pro qualibet vltiori pagina; & idem pro publicatione fulminatoria, ita tamen, vt quælibet publicatio tar. duos nunquam excedat.

Pro qualibet fide Baptismi, vel Matrimonij, vel obitus tar. vnum; pro iuribus verò perquisitionum partitarum huiusmodi gr. tria pro quolibet anno, dempto eo anno, in quo partita inuenta fuerit.

Pro mortuis efferendis, cum vniuerso labore, etiam sepulturæ, tar. quatuordecim; pro infantibus biennium ætatis non excedentibus sepeliendis, tar. quatuor; pro infantibus verò biennium excedentibus, nondum tamen habentibus vsum discretionis, tar. sex.

Pro copia Missarum ex libro originali extractenda, scilicet pro quocunque iure scripturæ, & extractionis illarum, tarenū vnum pro singulis centum Missis.

Nemo præsentem taxam alterare audeat, sub poena vnciarum decem pijs operibus applican. alijsque Nobis arbitrarijs, etiam suspensionis. Quæ quidem taxa seruanda imponitur, nisi aliter disponetur per Sanctissimum Dominum Nostrium Papam.

# C A P V T VLT.

## *De Constitutionum Synodaliū observantiā.*

**C**V M vanum sit leges condere, nisi debi-  
tæ executioni demandentur; ideò quæ à  
Nobis in præfenti Synòdo secundum Sacrorum  
Canonum, & Sacri Concilij Tridentini dispo-  
sitionem, Summorum Pontificum Constitu-  
tiones, & Sacrarum Congregationum sanctio-  
nes, acta, & decreta sunt, ab omnibus inuiolabi-  
liter, sub poenis in ipsis Decretis, ac Constitutio-  
nibus contentis, observari volumus, ac stricte  
mandamus; facultatem Nobis referuantes tam  
ipsa Decreta interpretandi, moderandi, & etiam  
in partem, vel in totum derogandi, quàm poe-  
nas in eisdem contentas pariter augendi, vel di-  
minuendi, vel in partem, vel in totum tollen-  
di: & sanè vbi transgressioni poena pecuniaria  
infligitur, ad pios vsus applicanda semper esse  
censeatur. Vbi verò pro illorum observantiā  
nulla fuit adiecta poena contra transgressores, &  
inobedientes, poenis à Sacris Canonibus, Sum-  
morumque Pontificum Constitutionibus statu-  
tis,

tis , alijsque arbitrio nostro pro delictorum grauitate,afficientur. Non tamen intendimus Prædecessorum nostrorum Constitutionibus,& Decretis Synodalibus derogare in ijs , quæ his nostris non contradicunt ; Imò, quatenus opus sit , innouamus , ac obseruari mandamus . Denique has easdem Constitutiones nostras , qua decet obedientia,ac reuerentia,Romano Pontifici,eiufque Sanctæ Sedis Apostolicæ iudicio , & correctioni libentissimè subijcimus.

## Laus Deo , & Deiparæ Immaculatæ.



# APPENDIX

A D

## PRAECEDENTEM SYNODVM.





APPENDIX  
AD  
PRÆCEDENTEM  
SYNODUM



## BULLA GREGORII XV.

De Exemptorum priuilegijs circa animarum,  
curam, & Sacramentorum administratio-  
nem, Sanctimonialium Monasteria,  
& prædicationem Verbi Dei.

*Gregorius Episcopus Seruus Seruorum Dei,  
Ad perpetuam rei memoriam.*

**I**nscrutabili Dei prouidentia vniuersalis Ec-  
clesiæ regimini, meritis licet imparibus,  
præsidentes, pastoralis nostræ solitudinis par-  
tes esse dignoscimus, in eam curam præcipuè  
incumbere, vt à dignis, & probatis tantum Sa-  
cerdotibus sanctè administrentur Ecclesiastica  
Sacramenta, & vt Virginum Deo sacrarum  
Monasteria diligentissimè custodiantur, & viri  
assumantur idonei ad prædicationis officium sa-  
lubriter exequendum.

*Edita anno  
Dom. 1621*

§. 1. Sanè Tridentinæ Synodi decretis pro-  
uidè cautum est, nullum Presbyterum, etiam  
Regularem, posse confessiones Secularium,  
etiam Sacerdotum, audire, nec ad id idoneum  
reputari, nisi aut parochiale beneficium habeat,  
aut ab Episcopis per examen, si illis videbitur  
esse necessarium, aut alias idoneus iudicetur, &  
approbationem, quæ gratis detur, obtineat.

*Con. Trid.  
sess. 23. de  
refor. c. 15.*

§. 2. Nec non vt in Monasterijs, seu domi-  
bus

*ſeſſ. 25.  
de Regul.  
cap. 11.*

*ſeſſ. 25.  
de Regul.  
cap. 5.*

*ſeſſ. 24.  
de reform.  
cap. 4.*

bus virorum, ſeu mulierum, quibus imminet animarum cura perſonarum Secularium præter eas, quæ ſunt de illorum Monafterio, ſeu locorum familia, perſonæ tam regulares, quàm ſeculares eiufmodi curam exercentes ſubſint immediatè in ijs, quæ ad dictam Curam, & Sacramentorum adminiſtrationem pertinent, iuriſdictioni, viſitationi, & correctioni Episcoporum; in cuius Dioceſi ſunt ſita; Itemque vt Episcoporum vniuerſi ſub obteſtatione Diuini iudicij, & interminatione maledictionis æternæ in omnibus Monafterijs ſibi ſubiectis ordinaria, in alijs verò Sedis Apoſtolicæ, authoritate, clauſuram Sanctimonialium, vbi violata fuerit, diligenter reſtitui, & vbi inuiolata eſt, conſeruari maximè procurent, inobedientes, atque contradictores per cenſuras eccleſiaſticas, aliasque poenas, quacunque appellatione poſt poſita, compellentes.

§.3. Atque vt Regulares in Eccleſijs ſuorum Ordinū prædicare volentes ſe coram Episcopis præſentare, & ab eis benedictionem petere teneantur; in Eccleſijs verò, quæ ſuorum, Ordinum non ſunt, nullo modo prædicare poſſint ſine Episcoporum licentia: contradicente autem Episcopo, nulli, etiam in ſuorum Ordinum, Eccleſijs, prædicare præſumant.

§.4. Verùm quia experientia compertum eſt, Eccleſiaſtici regiminis rationes poſtulare,

vt decretis eiusmodi aliquid adiungatur ; matu-  
ra deliberatione nostra , & ex certa scientia , ac  
de Apostolicæ potestatis plenitudine, hac gene-  
rali , ac perpetuò valitura Constitutione decer-  
nimus, statuimus , & declaramus , vt deinceps  
tàm Regulares , quàm Seculares, quomodolibet  
exempti, siue animarum curam personarū secu-  
lariū Monasterijs , seu domibus regularibus, aut  
quibusuis alijs Ecclesijs, vel beneficijs, siue regu-  
laribus, siue secularibus incumbentē exerceant ,  
siue aliàs ecclesiastica Sacramenta , aut vnum  
ex illis ministrent præuia Episcopi licentia , &  
approbatione , siue quoquo modo in dictæ curæ  
exercitio , aut in eorundem Sacramentorum ,  
vel alicuius ex illis administratione de facto ,  
absque vlla auctoritate se ingerant, in his , quæ  
eiusmodi curam , seu administrationem con-  
cernunt, omnimodæ iurisdictioni, visitationi,  
& correctioni Dioecesani Episcopi , tanquam  
Sedis Apostolicæ delegati, plenè in omnibus  
subijciantur. Ad hæc tàm Regulares, quàm  
Seculares huiusmodi nullis privilegijs, aut exem-  
ptionibus tueri se possint , quo minùs , si deli-  
querint circa personas intra septa degentes , aut  
circa clausuram , vel circa bonorum admini-  
strationem Monasteriorum Monialium , etiam  
Regularibus subiectarum , ab Episcopo loci, si-  
militer tanquam ad hoc Sedis Apostolicæ dele-

T

gato,

gato, quoties, & quando opus fuerit, puniri, & corrigi valeant.

§. 5. Confessores verò siue Regulares, siue Seculares, quomodocunque exempti, tam ordinarij, quàm extraordinarij, ad confessiones Monialium, etiam Regularibus subiectarum, audiendas, nullatenus deputari valeant, nisi priùs ab Episcopo Diocesano idonei iudicentur, & a probationem, quæ gratis concedatur, obtineant, sed & administrantes bona ad eiusmodi Monasteria Sanctimonialium, vt præfertur, etiam Regularibus subiectarum, pertinentia, siue Regulares extiterint, siue Seculares quomodolibet exempti, Episcopo loci, adhibitis etiam Superioribus Regularibus, singulis annis rationes administrationis, gratis tamen exigendas, reddere teneantur, ad idque iuris remedijs cogi, & compelli queant. Liceatque Episcopo ex rationabili causa Superiores Regulares admonere, vt eiusmodi Confessores, atque Administratores amoueant, ijsque Superioribus id facere detrectantibus, aut negligentibus, habeat Episcopus facultatem prædictos Confessores, & Administratores amouendi, quoties, & quando opus esse iudicauerit. Ac similiter possit Episcopus, vnà cum Superioribus Regularibus, quarumcunque Abbatissarum, Priorissarum, Præfectarum, vel Præpositarum eorundem Monaste-

naſteriorum , quocunque nomine appellentur , electionibus per ſe , vel per alium intereſſe , ac præſidere , abſque vlla tamen ipſorum Monaſteriorum impenſa .

§.6. Ac demum habeat Epiſcopus , tanquã dictæ Sedis Delegatus , auctoritatem coercendi , ac puniendi quoscuque exemptos tam Seculares , quàm Regulares , qui in alienis Eccleſijs , aut quæ ſuorum Ordinum non ſunt , abſque Epiſcopi licentia , & in Eccleſijs ſuis , aut ſuorum Ordinum , non petita illius benediſtione , aut ipſo contradicente , prædicare præſumpſerint , ita ut Epiſcopi in ſupraſcriptis caſibus in prænomi-  
natas perſonas in præmiſſis omnibus , & ſingulis , aut circa ea quoquo modo delinquentes , quoties , & quando opus fuerit , etiam extra viſitationem , per cenſuras , aliasque poenas , uti eiufdem Sedis Delegati , procedere , omnemque Iuriſdiſtioneſ exercere liberè , & licitè valeant .

Decernentes &c.

# CONSTITVTIO GREGORII XV.

*In qua confirmatur, & ampliatur Constitutio  
Pij IV. contra ad turpia sollicitantes in  
Confessionibus Sacramentalibus.*

**V**Niuerſi Domini gregis curam, quam immeriti, Cæleſti diſpoſitione gerentes, ſedulo inuigilare tenemur, vt ab omnibus prauis contagijs conſeruetur immunis, multoque maiori ſtudio providere, vt omnis peſtis ab ijs auertatur, quibus alios ſanandi officium eſt commiſſum, ne quod Euangelica ſcripta nos admonent, ſale infatuato, non ſit, in quo ſaliatur, & ad nihilum proſit vltra, niſi vt mitatur foras, & conculcetur ab hominibus.

Quoniam autem à Romanis Pontificibus Prædeceſſoribus noſtris, quibuſdam in locis prouiſum fuit, vt impium, ac nefandum ſcelus, quod non ſolum inter Chriſti fideles non eſſe, ſed nec etiam nominari debet, procul ab ijs arceatur, videlicet, vt aliquis Sacerdos ad Sacras audiendas Confeſſiones deputatus, Sacroſancto Poenitentię Sacramento, ſolicitando poenitentes ad turpia, abutatur; ac pro medicina venenum, pro pane aſpidem porrigat, & ex Coeſti Medico infernalis veneficus, ex Patre ſpiritu-  
tuali

tuali proditor execrabilis Animarum reddatur : Idcirco Nos ea, quæ his perniciosissimis Diaboli insidijs arcendis certis locis salubriter constituta sunt, vt nullibi desiderentur , quantum ex alto conceditur, prouidendum duximus.

Aliàs siquidem à fel. record. Pio Papa IV. Prædecessore nostro emanarunt literæ tenoris subsequæ, videlicet. Pius Papa IV. Ven. Fratri Archiepiscopo Hispalensi in Regnis Hispaniarum hæreticæ prauitatis Inquisitori Generali. Cum sicut nuper, non sine animi nostri molestia accepimus, diuersi Sacerdotes in Regnis Hispaniarum, atque etiam in eorum Ciuitatibus, & Dioecesibus curam animarum habentes, siue eam pro alijs exercentes, aut aliàs audiendis confessionibus poenitentium deputati, in tantam proruperint iniquitatem, vt Sacramento poenitentiae in actu audiendi confessiones abutantur, nec illi, &, qui id instituit, Domino Deo, & Saluatori nostro Iesu Christo iniuriam facere vereantur, Mulieres videlicet poenitentes ad actus inhonestos, dum earum audiunt confessiones, alliciendo, & prouocando, seu allicere, & prouocare tentando, & procurando, ac loco earum per Sacramentū huiusmodi Creatori nostro reconciliationis, grauiori peccatorum mole eas onerando, & in manibus Diaboli tradendo, in Diuinæ Maiestatis offensam, & Ani-  
marum



marum perniciem, Christi fidelium scandalum non modicum; Nos in animum inducere nequeunt, quod, qui de Fide Catholica rectè sentiunt, Sacramentis in Ecclesia Dei institutis abutantur, aut illis iniuriam faciant, Fraternitati tuæ, de cuius eximia pietate, virtute, atque doctrina plurimùm in Domino confidimus, per præsentem committimus, & mandamus, quatenus per te, vel per alium, seu alios à te deputandum, seu deputandos, contra omnes, & singulos Sacerdotes dictorum Regnorum, ac illarum Ciuitatum, & Dioecesum, de præmissis quomodolibet diffamatos tam Seculares, quàm quorumuis etiam exemptorum, ac Sedi Apostolicæ immediatè subiectorum Ordinum Regulares, cuiuscumque dignitatis, status, gradus, ordinis, conditionis, & præeminentiæ existant, tam super præmissis, quàm super Fide Catholica, & quid de ea sentiant, diligenter inquiras, & iuxta facultatum tibi contra Hæreticos, aut de hæresi quouis modo suspectos, à Sede Apostolica concessarum continentiam, & tenorem procedas, ac culpabiles repertos iuxta excessuum suorum qualitates, prout iuris fuerit, punias, eos etiam si, & prout de iure fuerit faciendum, debita præcedente degradatione, secularis iudicij arbitrio puniendos tradas. Non obstantibus Cōstitutionibus, & Ordinationibus Apostolicis,

ac

ac Ecclesiarum, & Monasteriorum, necnon  
Ordinum quorumlibet, quorum ipsi Sacerdo-  
tes fuerint, etiam iuramento, confirmatione,  
Apostolica, vel quauis firmitate alia roboratis,  
statutis, & consuetudinibus, priuilegijs quoque,  
indultis, & literis Apostolicis, sub quibuscun-  
que tenoribus, & formis, ac cum quibuscun-  
que clau-  
sulis, & decretis, etiam motu proprio, aut alijs  
quomodolibet cōcessis, etiam iteratis vicibus ap-  
probatis, & innouatis. Quibus omnibus, eorum  
tenores præsentibus pro expressis habentes, hac  
vice dumtaxat specialiter, & expresse deroga-  
mus, cæterisque contrarijs quibuscumque. Dat.  
Romæ apud S. Petrum sub Annulo Piscatoris  
die 16. Aprilis 1561. Pontificatus nostri anno  
secundo. Igitur vt literæ prædictæ perpetuis  
futuris temporibus, & vbique locorum inuiola-  
biliter obseruentur, motu proprio, & ex certa  
scientia, ac matura deliberatione nostra, ac de  
consilio Venerabilium Fratrum nostrorū S.R.E.  
Cardinalium contra hæreticam prauitatem Ge-  
neralium Inquisitorum, præinsertas literas hu-  
iusmodi, ac omnia, & singula in eis contenta  
Apostolica auctoritate tenore præsentium ap-  
probamus, & confirmamus, illisque omnibus,  
& singulis inuiolabilis Apostolicæ firmitatis ro-  
bur adiicimus: illasque non solum in prædictis  
Regnis Hispaniarum, sed in quibuscun-  
que Christiana-

ni Orbis partibus firmiter , & inuiolabiliter obseruari præcipimus , & mandamus .

Ac præterea , ne in futurum de poena his delinquentibus imponenda , & de modo contra eosdem procedendi , ab aliquo dubitari possit , statuimus ; decernimus , & declaramus , quod omnis , & singuli Sacerdotes tam Seculares , quàm quorumuis etiam quomodolibet exemptorum , ac Sedi Apostolicæ immediatè subiectorum Ordinum , Institutorum , Societatum , & Congregationum Regulares , cuiuscumque dignitatis , & præminentie , aut quouis priuilegio muniti existant , qui personas , quæcunque illæ sint , ad inhonesta , siue inter se , siue cum alijs quomodolibet perpetranda , in actu Sacramentalis Confessionis , siue ante , vel post , immediatè , seu occasione , vel prætextu confessionis huiusmodi , etiam ipsa confessione non secuta , siue extra occasionem confessionis in Confessionario , aut in loco quocumque , ubi confessiones Sacramentales audiantur , seu ad confessionem audiendam electo , simulantes ibidem confessiones audire , sollicitare , vel prouocare tentaauerint , aut cum eis illicitos , & inhonestos sermones , siue tractatus habuerint , in Officio Sanctæ Inquisitionis seuerissimè , vt infra , puniantur . Et præterea omnes hæreticæ prauitatis Inquisitores , & locorum Ordinarios omnium Regnorum ,

Pro-

Prouinciarum, Ciuitatum, Dominiorum, & locorum Vniuersi Orbis Christiani, in suis quemque Dioecesibus, & Territorijs, per has nostras literas, etiam priuatiuè quoad omnes alios, specialiter, ac perpetuò Iudices delegamus, vt supra his, contra prædictos simul, vel separatim in omnibus, prout in causis Fidei, iuxta Sacrorum Canonum formam, necnon Officij Inquisitionis huiusmodi, Constitutiones, priuilegia, consuetudines, & decreta diligenter inquireant, & procedant, & quos in aliquo ex huiusmodi nefarijs excessibus culpabiles repere- rint, in eos pro criminum qualitate, & circum- stantijs, suspensionis ab executione Ordinis, pri- uationis beneficiorum, dignitatum, & officio- rum quorumcumque, ac perpetuæ inhabilita- tis ad illa, nec non vocis actiue, & passiuæ, si legulares fuerint, exilij, damnationis ad trire- mes, & carceres etiam in perpetuùm, absque vlla spe gratiæ, aliasque poenas decernant. Eos quoque, si pro delicti enormitate grauiores poe- nas meruerint, debita præcedente degradatione, Curiae seculari puniendos tradant.

Dantes etiam facultatem Venerabilibus Fratribus nostris Sanctæ Romanæ Ecclesiæ Cardinalibus Generalibus Inquisitoribus, ne delictum tam enorme, & Ecclesiæ Dei tam perniciosum remaneat ob probationum defe-

ctum impunitum , cum difficilis sit probationis , testibus , etiam singularibus , concurrentibus præsumptionibus , indicijs , & alijs adminiculis , delictum probatum esse arbitrio suo iudicandi , & Curiaæ seculari , vt præfertur , reum tradendum esse pronunciandi.

Non obstantibus omnibus , quæ dictus Prædecessor in suis literis prædictis voluit non ob stare , cæterisque contrarijs quibuscumque : Mandantes omnibus Confessarijs , vt suos Pœnitentes , quos nouerint fuisse ab alijs , vt supra , sollicitatos , moneant de obligatione denunciandi sollicitantes , seu vt præfertur , tractantes , Inquisitoribus , seu locorum Ordinarijs prædictis . Quod si hoc officium prætermiserint , vel Pœnitentes docuerint non teneri ad denunciandum Confessarios sollicitantes , seu tractantes , vt supra , iidem locorum Ordinarij , & Inquisitores illos pro modo culpæ punire non negligant .

Volumus autem , vt præsentium transumptis , etiam impressis , manu alicuius Notarij publici subscriptis , & sigillo alicuius personæ in dignitate Ecclesiastica constitutæ munitis , eadem prorsus fides in iudicio , & extra vbique habeatur , quæ præsentibus haberetur , si forent exhibitæ , vel ostensæ : quodque eadem

dem præsentēs literæ, siue illarum exempla  
ad valuas Basilicarum Sancti Ioannis Latera-  
nensis, ac Principis Apostolorum de Vrbe, &  
in Acie Campi Floræ affixæ, omnes ita arctent,  
& afficiant, ac si vnicuique personaliter inti-  
mata fuissent.

Datum Romæ apud Sanctam Mariam  
Maiorem sub Annulo Piscatoris die 30. Au-  
gusti 1622. Pontificatus Nostri Anno secun-  
do.

*S. Card. S. Susanna.*

# DECRETA SAC. CONGREGATIONIS CONCILII

*Sanctiss. D. N. Urbani Divina providentia  
Pape Octavi Autoritate edita de  
celebratione Missarum.*

**C**V M sæpè contingat, in quibusdam Ecclesijs tam magnum Missarum celebrandarum numerum ex varijs defunctorum relictis, aut piorum eleemosynis impositum esse, ut illis pro singulis diebus præscriptis nequeat satisfieri; & tamen nova onera Missarum indies suscipiantur; indeque fiat, ut depereant piæ testantium voluntates, obstricta benefactoribus fides violetur, defunctorum animæ suffragari priuentur, Ecclesijs debitus subtrahatur cultus ac Christi fideles graui scandalo affecti plerumque à similibus charitatis operibus retrahantur: Cumque his malis maximum inter cætera fomentum præbeat, aut quòd ij, qui Missas supra vires celebrandas suscipiunt, sperent illas breui ad pauciores numerum à Superioribus reductum iri; aut quòd Ecclesijs, sorte pecuniarum absumpta, plerumque nuda remaneant onera Missarum absque ullo emolumento; aut quòd eleemosyna pro illis celebrandis sit adeo tenuis, ut non facile inueniantur, qui velint huic se-  
mu-



muneri subijcere, & redditus Ecclesiæ, aut Monasterij adeò exigui, vt Sacerdotes pro necessaria sua sustentatione nouis se oneribus obstringere compellantur: Sacra Congregatio Cardinalium Concilij Tridentini Interpretum animaduertens, facturam se rem Deo gratissimam, charitatique, ac iustitiæ maximè consentaneam, si pro viribus satagat hunc teterrimum abusum è Christiana Republica conuellere, atque eradicare, Sanctiss. D.N. Urbani Diuina prouidentia Papæ Octauæ autoritate sibi specialiter attributa, infra scripta Decreta edidit.

Ac primò districtè prohibet, atque interdicat, nè Episcopi in Dioecesana Synodo, aut Generales in Capitulis Generalibus, vel aliàs quoquo modo reducant onera vlla Missarum celebrandarum, aut post idem Concilium imposita, aut in limine foundationis; sed pro his omnibus reducendis, aut moderandis, vel commutandis ad Apostolicam Sedem recurratur, quæ, re diligenter perspecta, id statuet, quod magis in Domino expedire arbitrabitur; alioquin reductiones, moderationes, & commutationes huiusmodi, si quas contra huius prohibitionis formam fieri contigerit, omninò nullas, atque inanes decernit.

Deinde, vbi pro pluribus Missis, etiam eiusdem qualitatis celebrandis, plura stipendia, quan-



quantumcunque incongrua, & exigua; siue, ab vna, siue à pluribus personis collata fuerint, aut conferentur in futurum, Sacerdotibus, Ecclesijs, Capitulis, Collegijs, Hospitalibus, Societatibus, Monasterijs, Conuentibus, Congregationibus, Domibus, ac locis pijs quibuscunque, tam secularibus, quàm regularibus, Sacra Congregatio, sub obtestatione Diuini iudicij, mandat, ac præcipit, vt absolutè tot Missæ celebrentur, quot ad rationem attributæ elemosynæ præscriptæ fuerint; ita vt alioquin ij, ad quos pertinet, suæ obligationi non satisfaciant; quinimò grauiter peccent, & ad restitutionem teneantur.

Id verò, vt deinceps obseruetur exactiùs, Sacra Congregatio eadem authoritate reuocat priuilegia, & indulta omnia quibusuis personis Ecclesijs, ac locis pijs tam secularibus, quàm regularibus cuiuscunque Ordinis, Congregationis, & Instituti, quamcunque ob causam, concessa, quibus indulgetur, vt certarum Missarum, vel Anniuersariorum celebratione, aut aliquibus collectis, seu orationibus, plurium, Missarum oneribus in futurum suscipiendis satisfiat.

Ac similiter, omne damnabile lucrum ab Ecclesia remouere volens, prohibet Sacerdoti, qui Missam suscepit celebrandam cum certa  
 elee-

eleemofyna , ne eandem Miffam alteri , parte eiufdem eleemofynæ fibi retenta , celebrandam committat.

Præterea, ne in Ecclefijs, in quibus onera Miffarum in perpetuùm impofita funt , Sacerdotes in eis , vt par eft , adimplendis eò tepidiores , ac fegniores reddantur , quòd onera huiufmodi cum nulla , aut parua fint vtilitate coniuncta , ftatuit , atque decernit , vt pecuniæ , ac bonæ mobilia Ecclefijs , Capitulis , Collegijs , Hofpitalibus , Societatibus , Congregationibus , Monafterijs , Conuentibus , ac locis omnibus , tam fecularibus , quàm regularibus , atque illorum perfonis in futurũ simpliciter acquirenda cum onere perpetuo Miffarum celebrandarum , ab illis , ad quos pertinet , fub poena Interdicti ab in-  
effu Ecclefiæ ipfo facto incurrenda à die realis acquisitionis , ftatim deponi debeant penes eandem Sacram , vel perfonam fide , & facultatibus idoneam , ad effectum illa , feù illorum pretium quamprimùm inueftiendi in bonis immobilibus fructiferis , cum expreffa , & indiuidua mentione oneris , quod illis annexum reperitur ; ac fi eadem bona immobilia auctoritate Apostolica deinceps alienari contigerit , eorundem pretium fub eadem poena , vt fupra , deponi , atque in alijs bonis ftabilibus itidem fru-

fructiferis, cum eiusdem oneris repetitione, atque annexione, conuerti debeat.

Ad hæc Sacra Congregatio quibuscumque Capitulis, Collegijs, Societatibus, & Congregationibus, necnon omnibus, & singulis Ecclesiarum, ac piorum locorum tam secularium, quam regularium Superioribus, vel alijs, ad quos pertinet, districte prohibet, ne in posterum onera perpetua suscipiant Missarum celebrandarum, Seculares quidem sine Episcopi, vel eius Generalis Vicarij, Regulares verò sine Generalis, vel Prouincialis consensu, & licentia inscriptis, & gratis concedenda: alioquin Secularis, qui huius prohibitionis transgressor extiterit, ab ingressu Ecclesiæ interdictus sit eo ipso; Regularis verò poenam priuationis omnium officiorum, quæ tunc obtinebit, ac perpetuæ inhabilitatis ad alia de cætero obtinenda, vocisquæ actiuæ, ac passiuæ, absque alia declaratione incurrat. Eleemosynas verò manuales, & quotidianas pro Missis celebrandis ita demum ijdem accipere possint, si oneribus antea impositis ita satisfecerint, vt noua quoque onera suscipere valeant: alioquin omnino abstineant ab huiusmodi eleemosynis, etiam spontè oblati, in futurum recipiendis, & capsulas auferant ab Ecclesijs cum inscriptione illa, *Eleemosyna pro Missis*,  
vel

vel alia simili, sub ipsdem poenis ipso facto incurrendis, ne fideles hac ratione frustrentur. Episcopus verò, seu eius Vicarius, aut Generalis, vel Prouincialis, vbi de licentia pro perpetuis oneribus fuerint requisiti, in singulis casibus diligenter inquirent de singulis Missarum celebrandarum obligationibus cuique Ecclesiæ, Monasterio, aut loco pio incumbentibus: nec antea assensum huiusmodi, aut licentiam præbeant, quàm eis legitimè constiterit, illius Sacerdotes tam nouo oneri suscipiendo, quàm antiquis iam susceptis satisfacere posse: præcipuamque rationem habeant, vt redditus, qui Ecclesijs, & locis pijs relinquuntur, omninò respondeant oneribus adiunctis, secundum morem cuiusque Ciuitatis, vel Prouinciæ, intelligantque, si in re tanti momenti desides, aut negligentes fuerint, in Nouissimo die se huius prætermissi muneris rationem esse reddituros.

Postremò Illustrissimi Patres, non sine graui animi dolore intelligentes, mala ferè omnia, quæ regularem disciplinam euertunt, ac præcipuè nimiam hanc facilitatem fouent in oneribus Missarum supra vires suscipiendis, veluti ex infecta radice, pullulare ex maiori Regularium numero, quàm ferant redditus, & eleemosynæ cuiusque Monasterij, inhærentes Summorum Pontificum, ac Sac. Trid. Concil. Decretis hac de

re editis, Sanctiss. D.N. autoritate præcipiunt, ac mandant omnibus, & singulis Generalibus, Prouincialibus, Commissarijs, Ministris, Præfidentibus, Abbatibus, Prioribus, Præpositis, Guardianis, Vicarijs, & quibuscunque alijs Superioribus Monasteriorum, Conuentuum, ac Domorum regularium bona immobilia possidentium, vel non possidentium, cuiuscunque Ordinis, Congregationis, & Instituti existentium intra fines Italiæ, & Insularum adiacentium, vt singuli, ad quos pertinet, in qualibet Prouincia, adhibitis duobus, aut tribus Regularibus sui Ordinis, vel Congregationis probatoribus, & rerum vsu peritioribus, bona immobilia, census, redditus, & prouentus omnes, consuetas item eleemosynas, & obuentiones, tam communes Monasteriorum, Conuentuum, & Domorum eiusdem Prouinciæ, quàm etiam, singularibus personis religiosis assignatas, seu permissas, in communem vsu deinceps conferendas, decem annorum immediatè præcedentium habita ratione, diligenter, & maturè recognoscant, ijs omnibus detractis, quæ reparationes, præstationes, grandines, sterilitates, aliaue cuiuslibet generis onera consueuerunt absorbere, eaque omnia scripto fideliter exarata, idem Superior, cuius interest, in proximo Capitulo, seu Congregatione generali, vel prouinciali

ciali, coram tribus Iudicibus ab ipsomet Capitulo, seu Congregatione deligendis, proponat; qui computatis huiusmodi redditibus, eleemosynis, & obuentionibus vniuersis, & oneribus, vt supra, detractis, sedulò examinent quot religiosi homines, connumeratis etiam laicis, alijsque necessarijs seruientibus, in vnoquoque Monasterio, Conuentu, & Domo regulari, iuxta regionis, & proprii instituti morem, victum, & vestitum, & medicinalia in communi habentes, competenter valeant sustentari. Tum eorundem bonorum, reddituum, eleemosynarum, & onerum præcisam notam ipsimet Capitulo, seu Congregationi exhibeant, vt in illo diligenter omnibus discussis, cuiusque Familiæ, Monasterij, Conuentus, ac Domus regularis in singula quaque Prouincia certus earum tantum personarum numerus, Patrum capitularium voto præfigatur, quæ redditibus, eleemosynis, & obuentionibus, vt superius, sufficienter ali possint. Ne verò Superiores, qui id præstare debent, seriùs, aut remissiùs, quàm par est, suo muneri satisfaciant; mandat Sacra Congregatio, vt infra annum post proximum Capitulum generale, vel prouinciale computandum, omnia hoc de genere particulariter gesta in authenticam formam redacta ad Sacram ipsam Congregationem Concilij singuli

mittant, numerumque familiæ, singulorumque Conuentuum, Monasteriorum, & Domorum huiusmodi regularium, Capituli, seu Congregationis generalis, vel prouincialis sententia, & auctoritate præfinitum, iisdem Superiores, tam Generales, & Prouinciales omnes, quàm locales, perpetuò seruare omninò teneantur, nec possint illum quoquo modo augere, etiam prætextu augmenti reddituum, absque Sacræ ipsius Congregationis licentia. Superiores autem huiusmodi, qui prædicta omnia in præfixo termino non præstiterint, vel numerum, vt supra præscriptum quouis modo augere præsumperint, priuationis omnium officiorum, quæ tunc temporis obtinebunt, vocisque actiuæ, ac passiuæ, & ad omnia suæ Religionis officia, & gradus inhabilitatis, perpetuam poenam eo ipso incurrere, atque alijs etiam grauioribus à Sede Apostolica infligendis poenis Sacra Congregatio subiacere voluit, & declarauit.

Deinceps verò Monasterium, Conuentus, Domus, Congregatio, vel Societas Religiosorum, seu Regularium nullibi recipiatur, nisi, præter alia ad id requisita, in singulis eiusmodi locis duodecim saltem Fratres, aut Monachi, seu Religiosi degere, & ex redditibus, & consuetis eleemosynis, detractis omnibus, vt supra detrahendis, competententer sustentari valeant,

ad



ad præscriptum decreti fel. record. Gregorij XV. hac de re editi. Alioquin Monasteria, & loca huiusmodi posthac recipienda, in quibus duodecim Religiosi, vt supra, sustentari, atque inhabitare non poterunt, & actu non inhabitauerint, Ordinarij loci visitationi, correctioni, atque omnimodæ iurisdictioni subiecta esse intelligantur.

Porro, ne vllò vnquam tempore hæc in oblivionem, seu defuetudinem abeant, Superiores locales cuiusque Monasterij, Conuentus, ac Domus regularis curare, atque efficere teneantur, sub poena priuationis officij, vocisque actiuae, & passivæ ipso facto incurrenda, vt in perpetuum, sexto quoque mense, idest feria secunda post primam Dominicam Aduentus, & feria sexta post Octauam Corporis Christi, præsentibus ordinationes in publica mensa perlegantur. Omnibus tam Ecclesiasticis personis, cuiuscunque sint Ordinis, conditionis, & gradus, quàm Laicis quocunque honore, ac potestate præditis, præsentia Decreta declarandi, vel interpretandi facultate penitus interdicta.

Non obstantibus, quoad suprascripta omnia, & singula in præsentibus Decretis contenta, Constitutionibus, & Ordinationibus Apostolicis in fauorem quarumcunque personarum, atque Ordinum, tam Mendicantiùm, quàm non Mendican-



dicantium , Militiarum , etiam Sancti Ioannis Hierosolymitani , Congregationum , Societatum , ac cuiuslibet alterius Instituti , etiam necessario , & in indiuiduo exprimendi , Ecclesiarum , Monasteriorum , Conuentuum , Collegiorum , Capitulorum , Hospitalium , Confraternitatum , & aliorum quorumcunque tam Secularium , quàm Regularium locorum , necnon illorum , etiam iuramento , confirmatione Apostolica , vel quauis firmitate alia roboratis , statutis , & consuetudinibus , etiam immemorabilibus , priuilegijs quoque , indultis , & literis Apostolicis , etiam Mari magno , seu Bulla Aurea , aut aliàs nuncupatis , sub quibuscunque tenoribus , & formis , ac cum quibuscunque etiam derogatarum derogatorijs , alijsque efficacioribus , & insolitis clausulis , necnon irritantibus Decretis , etiam motu proprio , & ex certa scientia , ac de Apostolicæ potestatis plenitudine , aut aliàs quomodolibet , etiam per viam communicationis , seu extensionis concessis , & iteratis vicibus approbatis , & innouatis , etiam si pro illorum sufficienti derogatione de illis , eorumque totis tenoribus , & formis specialis , & indiuidua , ac de verbo ad verbum , non autem per clausulas generales , mentio , seu quæuis alia expressio habenda , aut aliqua alia exquisita forma seruanda esset , tenores huiusmodi

modi, ac si de verbo ad verbum, nihil penitus  
omisso, & forma in illis tradita observata, in-  
serti forent, præsentibus pro expressis habens,  
quibus, quoad ea, quæ præsentibus aduersan-  
tur, illis aliàs in suo robore permansuris, Sacra  
Congregatio, Sanctitatis Suæ autoritate, spe-  
cialiter, & expressè derogat, cæterisque contra-  
rijs quibuscumque.

Et ne præmissorum ignorantia à quoquam  
prætendi possit &c.

Datum Romæ die 21. Iunij 1625.

DECLARATIONES ALIQUOT SAC.  
CONGR.EG. CONCILII.

*Sanctiss. D.N. Urbani Papæ Octavi auctoritate edita  
super Decretis eiusdem Congregationis de  
Celebratione Missarum.*

**S**Vper primo Sacræ Congregationis Decreto de celebratione Missarum, quo prohibetur, ne Episcopi in Dioecesana Synodo, aut Generales in Capitulis Generalibus, vel aliàs quoquomodo, reducant onera vlla Missarum, celebrandarum, aut post idem Concilium imposita, aut in limine foundationis.

Quæritur, quid si legatum sit ita tenue, vt non sit, qui velit onus illi iniunctum subire, & si recurrendum sit ad Sedem Apostolicam pro moderatione oneris, totum, aut ferè totum insu-  
mendum sit pro expensis ad id necessarijs?

Et quid, si permittatur Episcopo in fundatione, vt possit huiusmodi onera moderari?

Secundò, super secundo eiusdem Congregationis Decreto, quo cauetur, vt celebrentur tot Missæ, quot ad rationem tributæ eleemosynæ præscriptæ fuerint;

Quæritur, an verba illa ( præscriptæ fuerint ) intelligenda sint de præscriptione facta ab offerre, vel ab Ordinario.

Ter.

Tertio, an, cum Ordinarius præscripserit eleemosynam congruam iuxta qualitatem loci, personarum, ac temporum, Sacerdotes accipientes stipendium minus congruo teneantur Missas illis ab offerente præscriptas celebrare?

Quarto, an Sacerdotes, qui tenentur Missas celebrare ratione Beneficij, seu Cappellæ, Legati, aut salarij, possint etiam manualementem eleemosynam pro Missis votiujs, aut Defunctorum, recipere, & vnico Missæ sacrificio vtrique oneri satisfacere?

Quinto, posito, quod Testator relinquat, vt celebrentur pro eius anima centum Missæ, absque vlla præscriptione eleemosynæ: Quæritur, an liberum sit hæredibus eleemosynam, sibi bene visam præscribere, an verò eadem eleemosyna præscribenda sit ab Ordinario?

Sexto, super tertio Congregationis Decreto, in quo eadem Congregatio reuocat Priuilegia, quibus indulgetur, vt certarum Missarum, vel anniuersariorum celebratione, aut aliquibus collectis, seu orationibus, plurium Missarum oneribus in futurum suscipiendis satisfiat:

Quæritur, An verba (in futurum suscipiendis) intelligenda sint de oneribus suscipiendis post Priuilegium?

Septimo, super quarto eiusdem Congregationis Decreto, quo prohibetur Sacerdoti, qui

Missam suscepit celebrandam cum certa eleemosyna, ne eandem Missam alteri, parte eiusdem eleemosynæ sibi retenta, celebrandum committat:

Quæritur, An permittendum sit administratoribus Ecclesiarum, ut retineant aliquam eleemosynarum portionem pro expensis sustentationis Ecclesiæ, Altarium, inferuentium, paramentorum, luminum, vini, hostiæ, & similibus?

Octauò, An hoc Decretum habeat locum in beneficijs, quæ conferuntur in titulum, idest, An Rector Beneficij, qui potest per alium celebrare, teneatur Sacerdoti celebranti dare stipendium ad rationem reddituum Beneficij?

Decimò, An Sacerdotes, quibus aliquando offertur eleemosyna maior solita pro celebratione Missæ, debeant dare eandem integram eleemosynam ijs, quibus Missas celebrandas committunt: An verò satis sit, ut dent celebrantibus eleemosynam consuetam?

Vndecimò, super quinto eiusdem Congregationis Decreto, quo inter cætera statuitur in hæc verba ( eleemosynas verò manuales, & quotidianas pro Missis celebrandis, ita demum iidem accipere possint, si oneribus antea impositis ita satisfecerint, ut noua quoque onera obire valeant; Alioquin omninò abstineant ab huius-

huiusmodi eleemosynis, etiam spontè oblati, in futurum recipiendis, & capsulas auferant, &c.)

Quæritur, An hoc Decretum prohibeat absolutè, quò minùs accipiant nouas eleemosynas ij, qui acceptis non satisfecerunt, & quid si congruo tempore possint omnibus satisfacere?

Duodecimò, quid, si offerens eleemosynas, audito impedimento, consentiat, vt Sacerdos Missam celebret cum primùm poterit?

Decimo tertio, An poena interdicti, & aliæ appositæ in eodem Decreto afficiant, tam eos, qui accipiunt eleemosynas contra formam ibi præscriptam, quàm eos, qui non auferunt capsulas ab Ecclesijs, vt ibidem præcipitur?

Decimo quarto, An in hoc Decreto comprehendantur illæ capsulæ, quæ apponi solent in Ecclesijs in die Commemorationis omnium Defunctorum, & vulgò dicuntur *Casse de' Morti*?

Decimo quinto, An Administratores Ecclesiæ magnæ deuotionis, & concursus possint eleemosynas pro Missis celebrandis accipere, si iisdem Missis nonnisi post longum tempus satisfacere valeant, ne aliàs cultus Ecclesiæ, & deuotio, ac concursus fidelium, vt aiunt, minuantur?

Decimo sexto, quia prohibitio dicti Decreti videtur aliquibus directæ solis Capitulis, Colle-

gijs, Societatibus, Congregationibus, necnon omnibus, & singulis Ecclesiarum, & piorum locorum, tam Secularium, quam Regularium Superioribus, de quibus fit expressa mentio, non autem priuatis Sacerdotibus, qui tamen comprehendendi videntur sub clausula generali (& alijs ad quos pertinet) supplicatur pro opportuna declaratione.

Decimoseptimo, super septimò eiusdem Sacrae Congregationis Decreto, quo cauetur, vt in singulis Monasterijs Religiosorum præfigatur numerus, qui ex consuetis redditibus, aut eleemosynis commodè possit sustentari:

Quæritur, An vbi hæc præfixio facta iam fuit in vim similis Decreti sac. me. Pauli V. absq; tamen computatione reddituum cuiusque Religiosi, sit denuò facienda necne?

Decimo octauò, An Nouitij àd habitum Regularem admissi, possint admitti ad professionem in Monasterijs, in quibus, habita vt supra præfixione numeri, commodè ali non possunt?

Decimo nonò, super vltimo, quo cauetur, vt nullibi recipiantur Conuentus Regularium, nisi, præter alia ad id requisita, duodecim saltem Fratres in eis degere, & competenter sustentari valeant; ita vt alioquin subsint Iurisdictioni Ordinariæ:

Quæ-



Quæritur, an hoc Decretum, quod videtur editum in ordine ad celebrationem Missarum, comprehendat eas Religiones, quæ non consueverunt onera Missarum recipere, vt sunt Religiones Capuccinorum, ac Societatis Iesu?

Vltimò, An idem Decretum, vbi disponit, vt nullibi recipiantur Monasteria, nisi &c. habeat locum in Italia dumtaxat, ad quam est restrictum Decretum proximè antecedens, an verò etiam extra Italiam?

**S**acra Congregatio Cardinalium Concilij Tridentini Interpretum, autoritate sibi à Sanctiss. D.N. attributa, ad singula dubia superius proposita ad hunc modum respondit, videlicet.

Ad primum, etsi legatum sit adeò tenue, nihilominus pro reductione oneris, vt supra, impositi, ab ijs, ad quos pertinet, Sedem Apostolicam esse adeundam, quæ absque vlla impensa id statuet, quod magis in Domino è recte iudicauerit; Veruntamen si in ipsa benefici erectione expressè cautum fuerit, vt liceat Episcopo iniunctum onus reducere, ac moderari, legem hanc foundationis, quam Decreta hac de re edita non sustulerunt, esse validam, & obseruandam.

Ad secundum, esse intelligenda de præscri-



scriptione facta ab eo, qui eleemosynam tribuit, non autem ab Ordinario. Quod si tribuens eleemosynam numerum Missarum celebrandarum non præscripserit, tunc tot Missas celebrari debere, quot præscripserit Ordinarius secundum morem suæ Ciuitatis, vel Prouinciæ.

Ad tertium, teneri.

Ad quartum, Sacerdotes quibus diebus tenentur Missas celebrare ratione Beneficij, seu Cappellæ, Legati, aut salarij, si eleemosynas pro alijs etiam Missis celebrandis susceperint, non posse eadem Missa vtrique obligationi satisfacere.

Ad quintum, censuit, vbi nullam certam eleemosynam testator reliquit, esse ab Episcopo præscribendam eleemosynam congruam, quæ respondeat oneribus Missarum celebrandarum, secundum morem Ciuitatis, vel Prouinciæ.

Ad sextum, ita esse intelligenda.

Ad septimum respondit, permittendum non esse, vt Ecclesiæ, ac loca pia, seu illorum Administratores, ex eleemosynis Missarum celebrandarum vllam vtcunque minimam portionem retineant ratione expensarum, quas subeunt in Missarum celebratione, nisi cum Ecclesiis, & loca ipsa alios non habent redditus, quos in vsum earundem expensarum erogare licitè possint, & tunc quam portionem retinebunt, nulla.

nulatenus debere excedere valorem expensarum, quæ pro ipsomet tantum Missæ sacrificio necessariò sunt subeundæ, & nihilominus eo etiam casu curandum esse, ut ex pecunijs, quæ supersunt, expensis, ut supra, deductis, absolute tot Missæ celebrentur, quot præscriptæ fuerint ab offerentibus eleemosynas.

Ad octauum, non habere locum, sed satis esse, ut Rector beneficij, qui potest Missam per aliū celebrare, tribuat Sacerdoti celebranti eleemosynam congruam, secundum morem Ciuitatis, vel Prouinciæ, nisi in fundatione ipsius beneficij aliud cautum fuerit.

Ad decimum, debere absolute integram eleemosynam tribuere Sacerdoti celebranti, nec ullam illius partem sibi retinere posse.

Ad vndecimum respondit, non prohibere absolute: Ac propterea, etsi oneribus iam susceptis non satisfecerint, posse tamen noua etiam onera suscipere Missarum celebrandarum, dummodò infra modicum tempus possint omnibus satisfacere.

Ad duodecimum, quamuis onera suscepta infra modicum tempus adimpleri nequeant, si tamen tribuens eleemosynam pro aliarum Missarum celebratione id sciat, & consentiat, ut illæ tunc demum celebrentur, cum susceptis oneribus satisfactum fuerit, Decretum non prohibere,

re, quo minùs eo casu eleemosyna accipiat<sup>ur</sup> pro iisdem Missis iuxta Benefactoris consensum celebrandis.

Ad decimum tertium, has poenas non habere locum, nisi in suscipientibus onera perpetua Missarum celebrandarum sine licentia Episcopi, vel eius Generalis Vicarij, aut Generalis, vel Prouincialis.

Ad decimum quartum, comprehendi.

Ad decimum quintum, non posse, nisi de consensu eorum, qui eleemosynas tribuunt, vt supra in responsione ad duodecimum.

Ad decimum sextum, comprehendi etiam priuatos Sacerdotes.

Ad decimum septimum, numeri præfixionem esse iterum faciendam, seruata forma vltimi Decreti hac de re editi.

Ad decimum octauum, esse admittendos ad professionem, si aliàs habiles existant, ac deinde in aliquo alio Monasterio eiusdem Religionis esse collocandos, vbi commodè ali possint.

Ad decimum nonum, censuit comprehendere.

Ad Vltimum, habere locum etiam extra Italiam.

ALIA DECLARATIO SACRÆ  
CONGREGATIONIS

*Super Eleemosyna Missarum.*

CVM Auctores nonnulli scriptis suis typis editis asseruerint, Sacerdoti pro alio Missam, recepta eleemosyna, celebranti licitum esse aliam eleemosynam quoque accipere ab altero, cui partem illam fructus, seu valoris eiusdem Sacrificij ipsimet celebranti debitam (specialem nuncupatam) applicet, ac proinde hunc casum sub decreto Sacræ Congregationis Concilij, prohibente duplex pro vnica Missa stipendium, seu eleemosynam recipi, non esse comprehensum :

Propterea Sacra Congregatio &c. sub die 25. Ianuarij 1659. censuit, nulli Sacerdoti licitum esse præfata ratione, siue prætextu, aliam eleemosynam accipere, præter illam, quam accipit ab eo, pro quo Missam offerre tenetur; Ac proinde eundem hunc esse comprehensum in decretis alijs per eandem Sac. Congregationem Concilij editis, quibus prohibetur, ne duplex stipendium pro vnica Missa recipiatur.

## DECRETVM DE CONFICIENDA

*Tabella oriturum perpetuorum Missarum, contentum in Epistola circulari de ordine.*

*Sacra Congregationis locorum Ordinarijs scripta.*

REVERENDISSIME DOMINE.

**C**VM Sacra Congregatio Eminentissimorum, & Reuerendissimorum S.R.E. Cardinalium Concilij Tridentini Interpretum, non infrequentibus Christi fidelium querimonijs edocta, intelligat, quamplura onera Missarum ab illis, siue ab eorum maioribus titulo Beneficij fundata, aut pijs donationibus, seu conuentionibus constituta, aut vltima voluntate relicta, à Rectoribus beneficiorum, vel ab Ecclesiarum, locorumuè piorum Administris, vel etiam à priuatis Sacerdotibus negligi, ita vt earundem Missarum celebrationi nullatenùs, aut diminutè, vel serò satisfiat; Eminentissimi Patres animaduertentes ad huiusmodi incuriam, siue potiùs fraudem eliminandam, qua piæ testantium voluntates depereunt, obstricta benefactoribus fides violatur, & diuinus cultus imminuitur, aliàs sub die 21. Iunij 1625. Decreta Generalia de celebratione Missarum iussu san. mem. Vrbanì Octauì à se edita, ac typis impressa

pressâ fuisse, eorundem obseruantiam, atque custodiam in præsens magis, magisque vrgendam, atque inculcandam censuerunt: Vtpotè quòd in ipsis decretis huic deterrimo abusui eradican-  
do, qui plerumque ex damnabilis lucri cupiditate, aut ex faciliiori onerum acceptatione suboritur, prouidè consultum est. Quapropter Sacra Congregatio, quamuis persuadeat sibi Amplitudinem tuam partes suas circa onerum Missarum adimplementum studiosè procurandum diligenter obire, nihilominùs quia tanti momenti res nouum quotidie, atque exuberans studium, & sollicitudinem exposcit; Eadem Sacra Congregatio, speciali auctoritate per Sanctiss. D. N. sibi attributa, Amplitudini tuæ iniungit, vt ipsorum Decretorum custodiam, atque obseruantiam in sua Dioecesi accuratè, & seriò procuret, atque aduersus eorundem Violatores animaduertat, & quò faciliùs illorum negligentia, aut fraus detegatur, sedulò perspectis Testamentis, conuentionibus, alijsque scripturarum documentis, quibus onera Missarum vniciue Ecclesiæ, siue loco Pio, aut priuatis Sacerdotibus incumbentia continentur, vocatis etiam omnibus illis, quorum interfit, Tabella conficiatur, in qua prædicta onera dilucidè, & distinctè adnotata sint, & publicè in Sacristia eiusdem Ecclesiæ exponatur; Atque ibidem liber quoti-

diano vsui paratus sit, in quo singuli Sacerdotes, qui in ea Ecclesia Sacrificium obtulerint, Missam à se tali die celebratam adnotent, & cuius oneris ratione celebrauerint, propriæ manus subscriptione testentur.

Quæ omnia ita diligenter ab Amplitudinis tuæ vigili prouidentia perficienda sperant Eminentissimi Patres, vt ipsa, quod huiusmodi graue Ministerium tepidè, ac perfunctoriè peregerit, coram Supremo Iudice Christo Domino redargui minimè possit; & Amplitudini tuæ copiosa diuinorum Charismatum incrementa ex animo precamur. Romæ 15. Decembris 1663.

S.D.N.

SANCTISSIMI D. N. CLEMENTIS

Diuina Prouidentia Papæ X.

Constitutio, in qua Regularium priuilegia quo-  
ad prædicationem Verbi Dei, & Sa-  
cramenti Poenitentiae admini-  
strationem declaran-  
tur.

*Clemens Episcopus Seruus Seruorum Dei,  
Ad perpetuam rei memoriam.*

**S**Vperna magni Patris familias præordina-  
tione creditum Nobis vniuersalis Ecclesiæ  
misticum agrum circumspecta prouidentia cu-  
stodire, atque excolere (quantum ex alto con-  
ceditur) satagentes, animum in eas curas liben-  
ter intendimus, quibus valeant dissidia inter  
villicos, & operarios componi, iurgia tolli, scan-  
dalis, atque offensionibus aditus præcludi; vt  
quibus vna Fides, vna Mater Ecclesia, & vnus  
Dominus, qui charitas est, & pacis cogitans co-  
gitationes; Fiat etiam cor vnum, atque anima  
vna; sic etenim euulsis opportunè zizanijs, dum  
plantamus, & rigamus, incrementum dabit  
Deus; quo benedicente, messis multa fructu cen-  
tesimo coeleste in horreum congregabitur.

Sanè



Sanè cum Sacri Concilij Tridentini decretis providè statutum, fuerit, vt Regulares cuiuscunque Ordinis, nisi à suis Superioribus de vita, moribus, & scientia examinati, & approbati fuerint, ac de eorum licentia, etiam in Ecclesijs suorum Ordinum prædicare non possint; cum qua licentia personaliter se coram Episcopis præsentare, & ab eis benedictionem petere teneantur antequam prædicare incipiant; In Ecclesijs verò, quæ suorum Ordinum non sunt, vltra licentiam suorum Superiorum, etiam Episcopi licentiam, gratis ab eo dandam, habere teneantur, sine qua in ipsis Ecclesijs non suorum Ordinum nullo modo prædicare possint; Atque vt nullus Secularis, siue Regularis, etiam in Ecclesijs suorum Ordinum, contradicente Episcopo, prædicare præsumat; Itidemque cum nullus Sacerdos Regularis possit Confessiones secularium, etiam Sacerdotum, audire, nec ad id idoneus reputari, nisi aut Parochiale beneficium obtineat, aut ab Episcopis per examen, si illis videbitur necessarium esse, aut aliàs idoneus iudicetur; Et approbationem, quæ gratis detur, obtineat, privilegijs, & consuetudine quacunque non obstantibus: Innotuit Nobis dubitationes nonnullas circa benedictionem, licentiam, contradictionem, examen, & approbationem eiusmodi in aliquibus Diocesibus excitatas fuisse; ex quibus

con-

controuersiæ, & dissentiones permultæ in diem subsequi possent occasione priuilegiorum, quæ per Sedem Apostolicam religiosis Ordinibus concessa fuerunt.

Nos attendentes, quod alias diuersis temporibus prædictæ dubitationes, & controuersiæ nonnullis Prædecessorum nostrorum Summorum Pontificum constitutionibus, earumque declarationibus definitæ fuerint: eiusmodi definitiones in vnum collectas, vt magis, magisque dissentionum tollantur semina, & in posterum firmior in agro Dominico pax Christi floreat, pro summo, quo fungimur Apostolatus officio, nouis Apostolicis literis muniendas duximus, & roborandas. Itaque de consilio nonnullorum Venerabilium Fratrum nostrorum S.R.E. Cardinalium, & dilectorum filiorum Romanæ Curia Prælatorum, pietate, doctrina, & prudentia præstantium, & matura deliberatione nostra, atque ex certa scientia: hac generali, & perpetuò valitura constitutione decernimus, ac declaramus.

Regulares, qui in Ecclesijs sui Ordinis prædicare voluerint, teneri ab Episcopo Diocesano benedictionem petere, prædicare tamen posse, quamuis illam non obtinuerint: Quod si Episcopus benedictionem nedùm non concesserit, sed etiam contradixerit, nec in prædictis quidem

dem Ecclesijs licere Regularibus prædicare ;  
Eosque contravenientes ab illo , tanquàm Sedis  
Apostolicæ delegato , censuris , alijsque poenis  
ecclesiasticis in vim Constitutionis fel. record.  
Gregorij XV. Prædecessoris nostri , incipientis ,  
*Inscrutabili Dei providentia* , coerceri , & puniri  
posse : Episcopum tamen absque iusta , & ratio-  
nabili causa contradicere non debere , & huius-  
modi benedictionem teneri etiam Regulares  
petere , si in quibuscunque Oratorijs sui Ordinis  
sermonem coram populo , vel in Ecclesijs , aut  
ad Crates Monasteriorum Sanctimonialium ,  
eorum Iurisdictioni subiectarum , licet clausis  
ianuis , & nullus secularis ibi intersit , habere  
voluerint ; Posse autem Episcopum licentiam  
concessurum Regularibus , in Ecclesijs , quæ suo-  
rum Ordinum non sunt , prædicare volentibus ,  
illos , quamvis ab Vniuersitatibus , aut à Magi-  
stratibus Laicis nominatos , etiamsi Episcopi  
Antecessores per tempus immemorabile hanc  
licentiam absque examine concedere consueue-  
rint ; quoad doctrinam examinare ; si ita ipsius  
arbitrio , quod moderatum , & discretum esse  
debet , visum fuerit : & licentiam prædicandi  
semel iisdem concessam , ob rationabiles causas ,  
licet occultas , prædicationem tamen concernen-  
tes , suspendere : Non posse tamen Episcopum  
gene-

generatim prohibere Regularibus, quin in Ecclesijs suorum Ordinum prædicent:

Ad hæc Religiosos ab Episcopo ad Confessiones Secularium in sua Dioecesi audiendas approbatos, non posse in alia Dioecesi eas absque Episcopi Dioecesani approbatione audire, quantum poenitentes subditi sint eius Episcopi, à quo ipsi Religiosi iam fuerant approbati, & generaliter approbatos ab Episcopo ad personarum, secularium confessiones audiendas, nequaquam censerì approbatos ad audiendas Confessiones Monialium sibi subiectarum, sed egere quoad hoc speciali Episcopi approbatione; Atque approbatos pro audiendis Confessionibus Monialium vnius Monasterij minimè posse audire Confessiones Monialium alterius Monasterij, itidemque Confessores extraordinarios semel deputatos, atque approbatos ab Episcopo ad Monialium Confessiones pro vna vice audiendas, haud posse, expleta deputatione, in vim approbationis huiusmodi illarum Confessiones audire: Sed toties ab Episcopo esse approbandos, quoties casus deputationis contigerit: Cæterum in Monasterijs, ac etiam Collegijs, vbi iuxta regularia instituta viuitur, posse tam Prælatos Regulares, quàm Confessores Regularium eorundem Monasteriorum, seu Collegiorum, audire Confessiones illorum secularium, qui inibi

sunt verè de familia , & continui commensales , non autem illorum , qui tantùm ipsis deseruiunt : Illos autem Religiosos , qui ad Confessiones audiendas idonei generaliter reperti fuerint , ab Episcopis generaliter quoque , & indistinctè, absque aliqua limitatione temporis , certorumque locorum , aut generis personarum, in Dioecesi propria admittendos : Quo ad cæteros verò , qui non adèd idonei reperientur , si petierint se admitti , arbitrio Ordinariorum relinqui ipsos cum limitata facultate , prout eisdem Ordinarijs magis expedire videbitur , probare , & admittere ; semel autem simpliciter approbatos posse in Dioecesi Episcopi approbantis quouis anni tempore etiam Paschali , & quorumcunque etiam Infirmorū confessiones audire, absque vlla Parochorum, vel ipsius Episcopi licentia : De qua tamen confessione teneri dictos Religiosos eorundem Infirmorum Parochum illicò certiore reddere, & hoc posse illis ab Episcopo, sub poena suspensionis à facultate audiendi confessiones, præcipi : sufficere tamen , vt certioratio huiusmodi fiat saltem per scripturam apud ipsum Infirmum relinquendam.

Et eos , qui dictis Religiosis simpliciter approbatis Paschali tempore confessi fuerint, Constitutioni, quæ incipit , *Omnis utriusque sexus*, quoad confessionem , dumtaxat satisfecisse censendos

sendos: Regulares verò ad cuiusmodi confessiones audiendas, prævio examine, simpliciter, & absque vlla temporis præfinitione ab ipsomet Episcopo (secùs autem si ab eius Vicario, aut ab Antecessoribus Episcopis) approbatos, non posse ab eodem, qui sic approbavit, iterum examinari, aut ab eisdem confessionibus audiendis suspendi, seu licentias illis concessas reuocari, nisi noua superueniente causa, quæ ipsas confessiones concernat: De qua tamen haud necessarium esse, vt in actis constet, nec eam teneri Episcopum ipsis Regularibus significare: sed Sedi Apostolicæ dumtaxat, vbi eam sibi aperiri postulauerit: Porro si Regulares cum scandalo, aut aliàs inhonestè viuunt; vel aliquod delictum committant, per quod rationabili Episcopi iudicio videantur à confessionibus suspendi, in quo ipsius Episcopi conscientiam onerata esse volumus, cum præcipua Ministri Sacramenti Poenitentiae qualitas sit vitæ integritas, ac morum honestas: vtique eam causam ad confessionis ministerium pertinere, ac proinde nihil obstare, quo minùs ob eam possit Episcopus Regulares à semetipso approbatos suspendere; aut repellere à confessionibus audiendis. Attamen confessiones audiendi facultatem omnibus simul vnius Conuentus Regularibus Confessoribus adimi ab Episcopo, inconconsulta Sede Apo-

stolica, nullatenus posse: Ex facultatibus per Mare magnum, aliaue priuilegia Regularibus cuiuscunque Ordinis, Instituti, aut Societatis, etiam Iesu, concessis, factam eis non esse potestatem absoluedi in casibus ab Episcopo sibi referuatis: Et per confirmationes dictorum priuilegiorum, quas Regulares à Sede Apostolica post Sacrum Concilium Tridentinum obtinuerunt, nequaquam reuixisse priuilegia, prius ab eodem Concilio, ac deinde Apostolicis etiam decretis sublata, atque extincta, si quæ habebant, absoluedi à casibus Episcopo referuatis.

Et habentes facultatem absoluedi ab omnibus casibus Sedi Apostolicæ referuatis, non ideò à casibus Episcopo referuatis posse absoluerre: Possè autem Regularem Confessorem in eadem Dioecesi, in qua est approbatus, confluentes ex alia Dioecesi à peccatis in ipsa referuatis, non autem in illa, ubi idem Confessor est approbatus, absoluerre, nisi eosdem poenitentes nouerit in fraudem referuationis ad alienam Dioecesim pro absolutione obtinenda migrasse: Vigore supradictorum priuilegiorum nequaquam licere Regularibus, etiam satisfacta parte, absoluerre poenitentes à censuris quoad externum, & iudiciale forum, & absolutos ab eis in foro poenitentiali, utique non censerì absolutos in exteriori iudicio, & contentioso: Quinimò censuris eccle-



ecclesiasticis irretitos, & denunciatos ab Episcopis, cogi posse gerere se pro talibus, etiam si à Regularibus fuerint absoluti. Quoties, exhibitis aliquibus Regularium Apostolicis privilegijs coram Episcopo, ab eo iudicetur ipsa non suffragari casui, de quo agitur, si dictorum privilegiorum verba obscura sint, & ambigua, non esse ad Metropolitanum prouocandum, sed cum eius sit interpretari, cuius est condere, dictorum Privilegiorum interpretationem Sedis Apostolicæ iudicio, prout aliàs Constitutione Prædecessoris nostri fel. recor. Clem. IV. statutum fuit, esse requirendam.

Decernentes sic, & non aliàs per quoscunque Iudices Ordinarios, vel delegatos, quauis auctoritate, & dignitate fungentes, etiam causarum Palatii Apostolici Auditores, ac S. R. E. Cardinales, etiam de Latere Legatos, Vicelegatos, & Nuncios, & quosuis alios, sublata eis, & eorum cuilibet quauis aliter iudicandi, & interpretandi facultate, & auctoritate, iudicari, & definiri debere: Irritum quoque, & inane, quid quid secus super his à quoquam quauis auctoritate scienter, vel ignoranter contigerit attentari. Non obstantibus quibuscumque Constitutionibus, & Ordinationibus Apostolicis in fauorem quarumcunque personarum, atque quorumuis Ordinum, tam Mendicantium, quam non Mendi-

can-



cantium , Militiarum , etiam Sancti Ioannis Hierosolymitani , Congregationum , Societatum , etiam Iesu , ac cuiusvis alterius Instituti , etiam necessariò , & in indiuiduo exprimendi , Monasteriorum , Conuentuum , Capitulorum , Ecclesiarum , & aliorum quorumcunque tam Secularium , quàm Regularium locorum , nec non illorum etiam iuramento , confirmatione , Apostolica , vel quauis firmitate alia roboratis statutis , vel consuetudinibus , etiam immemorabilibus , exemptionibus quoque , indultis , & priuilegijs , etiam in corpore iuris clausis , aut ex causa , & titulo oneroso , vel in limine foundationis concessis , etiam Mari magno , seu Bulla aurea , aut aliàs nuncupatis ; Conseruatorum deputationibus , eorumque , atque alijs inhibitionibus , quibus Episcopi deferre minimè teneantur , & quibusvis alijs sub quibuscunque tenoribus , & formis , aut cum quibusvis etiam derogatorijs derogatorijs , alijsque efficacioribus , & insolitis clausulis , nec non irritantibus , & alijs decretis , etiam motu proprio , & ex certa scientia , ac de Apostolicæ potestatis plenitudine , aut aliàs quomodolibet , etiam per viam communicationis , seu extentionis concessis , & iteratis vicibus approbatis , & innouatis , quibus omnibus , etiam si pro illorum sufficienti derogatione de illis , eorumque totis tenoribus , & formis specialis,

cialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum nihil penitus omisso, & forma in illis tradita obseruata, inserti forent, præsentibus pro plenè, & sufficienter expressis, & insertis habentes, quoad ea, quæ eisdem præsentibus aduersantur, illis aliàs in suo robore permansuris, harum serie specialiter, & expressè derogamus, cæterisque contrarijs quibuscumque. Cæterùm quia difficile foret præsentibus literas ad singula quæque loca deferri, vt eæ tamen omnibus innotescant, mandamus illas ad valuas Ecclesiæ Lateranensis, & Basilicæ Principis Apostolorum de Vrbe, atque Cancellariæ Apostolicæ, & in acie Campi Floræ affigi, & publicari. Volentes, quod earundem præsentium literarum transumptis, etiam impressis, manu tamen alicuius Notarij publici subscriptis, & sigillo Prælati, seu Personæ in dignitate Ecclesiastica constitutæ munitis, in iudicio, & extra illud, vbi opus fuerit, eadem prorsùs fides adhibeatur, quæ ipsis originalibus adhiberetur, si forent exhibitæ, vel ostensæ. Nulli ergo omninò hominum liceat hanc paginam

nam noſtrorum decreti, declarationis, derogationis, mandati, & voluntatis infringere, vel ei auſu temerario contraire. Si quis autem hoc attentare præſumpſerit, indignationē Omnipotentis Dei, ac Beatorum Petri, & Pauli Apoſtolorum eius ſe nouerit incurſurum.

Datum Romæ apud Sanctam Mariam Maiorem anno Incarnationis Dominicæ milleſimo ſexcenteſimo ſeptuageſimo, vndecimo Kalendas Iulij, Pontificatus Noſtri anno primo.

## INSTRVCTIO

*Pro examine illorum Testium, qui inducuntur pro  
contrahendis Matrimonijs. Ex Decreto Sacra  
Congregationis Sancti Officii, sub die*

*21. Augusti 1670.*

**I**N primis, Testis moneatur de gravitate iuramenti, in hoc præsertim negotio pertimescendi, in quo Diuina simul & humana Maiestas læditur, ob rei, de qua tractatur, importantiam, & gravitatem: & quod imminet poenæ tiremium, & fustigationis deponenti falsum.

Interrogetur de nomine, cognomine, patria, ætate, exercitio, & habitatione.

An sit Ciuis, vel exterus; & quatenus sit exterus, à quanto tempore est in loco, in quo Testis ipse deponit.

An ad examen accesserit spontè, vel requisitus: Si dixerit, accessisse spontè, à nemine requisitum, dimittatur; quia præsumitur mendax. Si verò dixerit, accessisse requisitum, interrogetur a quo, vel à quibus, ubi, quando, quomodo, coram quibus, & quoties fuerit requisitus: & an sciât adesse aliquod impedimentum inter contrahere volentes.

B b

Inter-

Interrogetur, an sibi pro hoc testimonio ferendo fuerit aliquid datum, promissum, remissum, vel oblatum à contrahere volentibus, vel ab alio ipsorum nomine.

Interrogetur, an cognoscat ipsos contrahere volentes, & à quanto tempore, in quo loco, qua occasione, & cuius qualitatís, vel conditionis existant.

Interrogetur, an contrahere volentes sint Ciues, vel exteri: Si responderit esse exteros: superfedeatur in licentia contrahendi, donec per literas Ordinarij ipsorum contrahere volentium, doceatur de eorum libero statu, de eo tempore, quo permanserunt in sua Ciuitate, vel Dioecesi. Ad probandum verò eorundem contrahere volentium statum liberum pro reliquo temporis spatio, scilicet vsque ad tempus, quo volunt contrahere, admittantur Testes idonei, qui legitime, & concludenter deponant statum liberum contrahere volentium, & reddant sufficientem rationem causæ eorum scientiæ, absque eo quod teneantur deferre attestaciones Ordinariorum locorum, in quibus contrahere volentes moram traxerunt.

Si verò responderit, contrahere volentes esse Ciues.

Interrogetur, sub qua Parrochia hæctenus contrahere volentes habitauerunt, vel habitent de præsentí.

Item

Item, an ipse Testis sciat, aliquem ex prædictis contrahere volentibus quandoque habuisse, vxorem, vel maritum, aut professum fuisse in aliqua Religione approbata; vel suscepisse aliquem ex Ordinibus Sacris, Subdiaconatum scilicet, Diaconatum, vel Presbyteratum; vel habere aliud impedimentum, ex quo non possit contrahi matrimonium.

Si verò Testis responderit, non habuisse vxorem, vel maritum, neque aliud impedimentum, vt supra.

Interrogetur de causa scientiæ, & an sit possibile, quod aliquis ex illis habuerit vxorem, vel maritum, aut aliud impedimentum, &c. & quod ipse Testis nesciat.

Si responderit affirmatiuè, supersedeatur, nisi ex alijs Testibus probetur concludenter, non habuisse vxorem, vel maritum, neque vllum aliud impedimentum &c.

Si verò responderit negatiuè,

Interrogetur de causa scientiæ, ex qua deinde Iudex colligere poterit, an Testi sit danda fides.

Si responderit, contrahere volentes habuisse vxorem, vel maritum, sed esse mortuos;

Interrogetur de loco, & tempore, quo sunt mortui, & quomodo ipse Testis sciat fuisse coniuges, & nunc esse mortuos. Et si respondeat

mortuos fuisse in aliquo Hospitali, vel vidisse sepeliri in certa Ecclesia, vel occasione militiæ sepultos fuisse à Militibus; non detur licentia contrahendi, nisi priùs recepto testimonio authentico à Rectore Hospitalis, in quo prædicti decesserunt, vel à Rectore Ecclesiæ, in qua humata fuerunt eorum cadauera; vel, si fieri potest, à Duce illius Cohortis, in qua descriptus erat miles, Si tamen huiusmodi testimonia haberi non possunt, Sacra Congregatio non intendit excludere alias probationes, quæ de iure communi possunt admitti, dummodò sint legitimæ & sufficientes.

Interrogetur, an post mortem dicti coniugis defuncti, aliquis ex prædictis contrahere volentibus transierit ad secunda vota.

Si responderit negatiuè;

Interrogetur, an else possit, quod aliquis ex illis transierit ad secunda vota, absque eo quod ipse Testis sciat.

Si responderit affirmatiuè, superseatur in licentia, donec producantur Testes, per quos negatiua coarctetur concludenter.

Si verò negatiuè,

Interrogetur de causa scientiæ, qua perpensa, Iudex poterit iudicare, an sit concedenda licentia, vel nè.

Si contrahentes sunt vagi, non procedatur  
ad



ad licentiam contrahendi, nisi doceant per fides Ordinariorum suorum esse liberos, & in alijs seruata forma Concilij Tridentini in cap. Multi, sess. 24.

Fides, aliaque documenta, quæ producuntur de partibus, non admittantur, nisi sint munita sigillo, & legalitate Episcopi Ordinarij, & recognita saltem per Testes, qui habeant notam manum, & sigillum, & attentè consideretur, quod fides, seu testimonia, benè & concludenter identificent personas, de quibus agitur.

Pro Testibus in hac materia recipiantur magis consanguinei, quàm extranei; quia præsumuntur melius informati, & Ciues magis, quàm exteri: nec admittantur homines vagi, & milites, nisi data causa, & maturo consilio: & Notarius exactè describat personam Testis, quem si cognoscit, vtatur clausula, *mibi bene cognitus*, sin minùs, examen non recipiat, nisi vnacum persona Testis aliqua alia compareat, cognita Notario, & quæ attestetur de nomine, & cognomine ipsius Testis, necnon de idoneitate eiusdem ad testimonium ferendum. Et huiusmodi examinibus debent interesse in Vrbe, vltra Notarium, Officiales specialiter deputandi ab Eminentissimo Vicario: & extra Vrbem, vel Vicarius Episcopi, vel aliqua alia persona insignis, & idonea, ab Episcopo specialiter deputan-



putanda : aliàs puniatur Notarius arbitrio Sacrae Congregationis, & Ordinarius non permittat fieri publicationes.

Ordinarij præcipiant omnibus, & singulis Parochis in eorum Dioecesibus existentibus, vt pro Matrimonijs cum exteris contrahendis non faciant publicationes in eorum Ecclesijs, nisi certiorato Ordinario, à quo, vel eius Generali Vicario, priùs teneantur authenticã reportare, quod pro tali Matrimonio fuerunt examinati Testes in eorum Tribunali, qui probant statum liberum contrahere volentium &c.

Contrauenientes autem seuerè punientur.

Feria v. die 2. Martij 1679.

*In Generali Congregatione Sanctę Romę, & Vniuersalis Inquisitionis habita in Palatio Apostolico Vaticano coram Sanctiss. D.N.D. Innocentio Diuina providentia Papa XI. ac Eminentiss. & Reuerendiss. Dominis S.R.E. Cardinalibus in tota Republica Christiana contra hæreticam prauitatem Generalibus Inquisitoribus à Sancta Sede Apostolica specialiter deputatis.*

**S**ANCTISS. D.N. INNOCENTIUS PAPA XI. prædictus ouium sibi à Deo creditarum saluti sedulò incumbens, & salubre opus in segregandis noxijs doctrinarum pascuis ab innoxijs à fel. record. Alexandro VII. Prædecessore suo inchoatum prosequi volens, plurimas propositiones partim ex diuersis vel libris, vel thesibus, seu scriptis excerptas, & partim nouiter adinuentas Theologorum plurium examini, & deinde Eminentiss. & Reuerendiss. DD. Cardinalibus contra hæreticam prauitatem Generalibus Inquisitoribus subiecit. Quibus propositionibus sedulò, & accuratè sæpiùs discussis, eorundem Eminentissimorum Cardinalium, & Theologorum votis per Sanctitatem Suam auditis; Idem Sanctiss. D.N. re postea maturè considerata, statuit,  
& de-

& decreuit pro nunc sequentes propositiones, & vnamquamque ipsarum, sicut iacent, vt minimum tanquam scandalosas, & in praxi perniciosas, esse damnandas, & prohibendas, sicuti eas damnat, & prohibet. Non intendens tamen Sanctitas Sua per hoc Decretum alias propositiones in ipso non expressas, & Sanctitati Sux quomodolibet, & ex quacumque parte exhibitas, vel exhibendas, vllatenus approbare.

1. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conuentio, aut periculum grauis damni incurrendi. Hinc sententia probabilis tantum vtendum non est in collatione Baptismi, Ordinis Sacerdotalis, aut Episcopalis.
2. Probabiliter existimo, Iudicem posse iudicare iuxta opinionem etiam minus probabilem.
3. Generatim dum probabilitate, siue intrinseca, siue extrinseca quantumuis tenui, modo a probabilitatis finibus non exeatur, confisi aliquid agimus, semper prudenter agimus.
4. Ab infidelitate excusabitur infidelis non credens ductus opinione minus probabili.
5. An peccet mortaliter, qui actum dilectionis Dei semel tantum in vita eliceret, condemnare non audemus.
6. Probabile est, ne singulis quidem rigorose quin-

quinquennijs per se obligare præceptum charitatis erga Deum.

7. Tunc solùm obligat, quando tenemur iustificari, & non habemus aliam viam, qua iustificari possumus.

8. Comedere, & bibere vsque ad satietatem, ob solam voluptatem non est peccatum, modò non obsit valetudini, quia licitè potest appetitus naturalis suis actibus frui.

9. Opus Coniugij ob solam voluptatem exercitum omni penitus caret culpa, ac defectu veniali.

10. Non tenemur proximum diligere actu interno, & formali.

11. Præcepto proximum diligendi satisfacere possumus per solos actus externos.

12. Vix in Secularibus inuenies, etiam in Regibus superfluum statui. Et ita vix aliquis tenetur ad eleemosynam, quando tenetur tantùm ex superfluo statui.

13. Si cum debita moderatione facias, potes absque peccato mortali de vita alicuius tristari, & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum.

14. Licitum est absoluto desiderio cupere mortem Patris, non quidem, vt malum Patris, sed

vt bonum cupientis, quia nimirum ei obuentura est pinguis hæreditas.

15. Licitum est filio gaudere de parricidio Parentis à se in ebrietate perpetrato propter ingentes diuitias inde ex hæreditate consecutas.

16. Fides non censetur cadere sub præceptum speciale, & secundum se.

17. Satis est, actum fidei semel in vita elicere.

18. Si à potestate publica quis interrogetur, fidem ingenuè confiteri, vt Deo, & fidei gloriosum confuso, tacere, vt peccaminosum per se non damno.

19. Voluntas non potest efficere, vt assensus fidei in seipso sit magis firmus, quàm mereatur pondus rationum ad assensum impellentium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum notitia solùm probabili reuelationis; immò cum formidine, qua quis formidet, ne non sit locutus Deus.

22. Nonnisi fides vnius Dei necessaria videtur necessitate medij, non autem explicita Remuneratoris.

23. Fides latè dicta ex Testimonio Creaturarum, similiuè motiuo ad iustificationem sufficit,

24. Vocare Deum in Testem mendacij leuis non est tanta irreuerentia, propter quam velit,  
aut

aut possit damnare hominem.

25. Cum causa licitum est iurare sine animo iurandi, siue res sit levis, siue grauis.

26. Si quis, vel solus, vel coram alijs, siue interrogatus, siue propria spontè, siue recreationis causa, siue quocunque alio fine iuret, se non fecisse aliquid, quod reuera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quoduis aliud additum verum, reuera non mentitur, nec est periurus.

27. Causa iusta vtendi his amphibologijs est, quoties id necessarium, aut vtile est ad salutem corporis, honorem, res familiares tuendas, vel ad quemlibet alium virtutis actum, itaut veritatis occultatio censeatur tunc expediens, & studiosa.

28. Qui mediante commendatione, vel munere ad Magistratum, vel Officium publicum promotus est, poterit cum restrictione mentali præstare iuramentum, quod de mandato Regis à similibus solet exigi, non habito respectu ad intentionem exigentis, quia non tenetur fateri crimen occultum.

29. Vrgens metus grauis est causa iusta Sacramentorum administrationem simulandi.

30. Fassest viro honorato occidere inuaforem, qui nititur calumniam inferre, si aliter hæc ignominia vitari nequit; idem quoque dicendum, si quis impingat alapam, vel fuste percutiat,

tat, & post impactam alapam, vel ictum fu-  
stis fugiat.

31. Regulariter occidere possum furem pro  
conseruatione vnus aurei.

32. Non solum licitum est defendere defen-  
sione occisua, quæ actu possidemus, sed etiam  
ad quæ ius inchoatum habemus, & quæ nos  
posseffuros speramus.

33. Licitum est tam hæredi, quàm legatario  
contra iniuste impediens, ne vel hæreditas  
adeatur, vel legata soluantur, se taliter defende-  
re, sicut & ius habenti in Cathedram, vel Præ-  
bendam contra eorum possessionem iniuste im-  
pedientem.

34. Licet procurare abortum ante animatio-  
nem foetus, ne Puella deprehensa grauida occi-  
datur, aut infametur.

35. Videtur probabile omnem foetum, quam-  
diù in vtero est, carere anima rationali, & tunc  
primùm incipere eandem habere, cum paritur,  
ac consequenter dicendum erit in nullo abortu  
homicidium committi.

36. Permissum est furari, non solum in extre-  
ma necessitate, sed etiam in graui.

37. Famuli, & famulæ domesticæ possunt  
occulte heris suis surripere ad compensandam  
operam suam, quam maiorem iudicant salario,  
quod recipiunt.

Non



38. Non tenetur quis sub poena peccati mortalis restituere quod ablatum est per pauca furta, quantuncunque sit magna summa totalis.

39. Qui alium mouet, aut inducit ad inferendum graue damnum tertio, non tenetur ad restitutionem istius damni illati.

40. Contractus Mohatra licitus est, etiam respectu eiusdem Personæ, & cum contractu retrouentionis præuiè inito, cum intentione lucri.

41. Cum numerata pecunia pretiosior sit numeranda, & nullus sit, qui non maioris faciat pecuniam præsentem, quàm futuram, potest creditor aliquid ultra sortem à mutuuario exigere, & eo titulo ab usura excusari.

42. Usura non est dum ultra sortem aliquid exigitur, tamquam ex beneuolentia, & gratitudine debitum, sed solum si exigatur tanquam ex iustitia debitum.

43. Quidni non nisi veniale sit detrahentis auctoritatem magnam sibi noxiam falso crimine elidere?

44. Probabile est non peccare mortaliter qui imponit falsum crimen alicui, ut suam iustitiam, & honorem defendat. Etsi hoc non sit probabile, vix vlla erit opinio probabilis in Theologia.

45. Dare temporale pro spirituali non est



simonia, quando temporale non datur tanquàm pretium, sed dumtaxat tanquàm motuum conferendi, vel efficiendi spirituale, vel etiam quando temporale sit solùm gratuita compensatio pro spirituali, aut è contra.

46. Et id quoque locum habet, etiam si temporale sit principale motuum dandi spirituale; immò etiam si sit finis ipsius rei spiritualis, sic vt illud pluris aestimetur, quàm res spiritualis.

47. Cum dixit Concilium Tridentinum eos alienis peccatis communicantes mortaliter peccare, qui nisi quos digniores, & Ecclesiae magis utiles ipsi iudicauerint, ad Ecclesias promouent, Concilium, vel primò videtur per hoc digniores non aliud significare velle, nisi dignitatem, eligendorum sumpto comparatiuo pro positiuo; vel secundò locutione minùs propria ponit digniores, vt excludat indignos, non verò dignos, vel tandem loquitur tertio quando fit concursus.

48. Tam clarum videtur, fornicationem secundum se nullam inuoluere malitiam, & solùm esse malam, quia interdicta, vt contrarium omninò rationi dissonum videatur.

49. Mollities iure natura prohibita non est. Vnde si Deus eam non interdixisset, sæpè esset bona, & aliquando obligatoria sub mortali.

50. Copula cum coniugata, consentiente marito,

rito, non est adulterium : adeoque sufficit in confessione dicere, se esse fornicatum.

51. Famulus, qui submissis humeris scienter adiuuat herum suum ascendere per fenestras ad stuprandum virginem, & multoties eidem subseruit deferendo scalam, aperiendo ianuam, aut quid simile cooperando, non peccat mortaliter, si id faciat metu notabilis detrimenti, puta ne à Domino malè tractetur, ne toruis oculis aspiciatur, ne domo expellatur.

52. Præceptum seruandi festa non obligat sub mortali, seposito scandalo, si absit contemptus.

53. Satisfacit præcepto Ecclesiæ de audiendo Sacro qui duas eius partes, immò quatuor simul à diuersis Celebrantibus audit.

54. Qui non potest recitare Matutinum, & Laudes, potest autem reliquas Horas, ad nihil tenetur, quia maior pars trahit ad se minorem.

55. Præcepto Communionis annuæ satisficit per sacrilegam Domini manducationem.

56. Frequens Confessio, & Communio, etiam in his, qui gentiliter viuunt, est nota prædestinationis.

57. Probabile est, sufficere attritionem naturalem, modò, honestam.

58. Non tenemur Confessario interroganti fateri peccati alicuius consuetudinem.

59. Licet sacramentaliter absolvere dimidiatè tantùm confessos ratione magni concursus Poenitentium, qualis v.g. potest contingere in die magnæ alicuius festiuitatis, aut Indulgentiæ.

60. Poenitenti habenti consuetudinem peccandi contra legem Dei, Naturæ, aut Ecclesiæ, etsi emendationis spes nulla appareat, nec est neganda, nec differenda absolutio; dummodò ore proferat, se dolere, & proponere emendationem.

61. Potest aliquando absolui qui in proxima occasione peccandi versatur, quam potest, & non vult omittere, quinimmò directè, & ex proposito quærit, aut ei se ingerit.

62. Proxima occasio peccandi non est fugienda, quando causa aliqua utilis, aut honesta non fugiendi occurrit.

63. Licitum est quærere directè occasionem, proximam peccandi pro bono spirituali, vel temporali nostro, vel proximi.

64. Absolutionis capax est homo quantumuis laboret ignorantia Mysteriorum Fidei, & etiam si per negligentiam, etiam culpabilem, nesciat Mysterium Sanctissimæ Trinitatis, & Incarnationis Domini Nostri Iesu Christi.

65. Sufficit illa Mysteria semel credidisse.

Qui-

Quicumque autem cuiusvis conditionis, status, & dignitatis illas, vel illarum aliquam coniunctim, vel diuisim defenderit, vel ediderit, vel de eis disputatiuè, publicè, aut priuatim tractauerit, vel prædicauerit, nisi forsan impugnando, ipso facto incidat in excommunicationem latæ sententiæ, à qua non possit ( præterquam in articulo mortis ) ab alio quacumque etiam dignitate fulgente, nisi pro tempore existente Romano Pontifice, absolui.

Insuper districtè in virtute Sanctæ Obedientiæ, & sub interminatione Diuini Iudicii, prohibet omnibus Christi fidelibus, cuiuscumque conditionis, dignitatis, & status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Tandem, vt ab iniuriolis contentionibus Doctores, seu Scholastici, aut alij quicumque, imposterum se abstineant, & vt paci, & charitati consulatur, idem Sanctissimus in virtute sanctæ Obedientiæ eis præcipit, vt tam in Libris imprimendis, ac manuscriptis, quàm in Thesibus, Disputationibus, ac Prædicationibus, cateant ab omni censura, & nota, necnon à quibuscumque conuicijs contra eas propositiones, quæ adhuc inter Catholicos hinc inde contro-

trouertuntur, donec à Sancta Sede recognita.  
super ijsdem propositionibus iudicium profe-  
ratur.

Anno à Natiuitate Domini Nostri Iesu  
Christi millesimo sexcentesimo septuagesimo  
nono, Indictione secunda, die verò 4. Mensis  
Martij, Pontificatus autem Sanctissimi in Chri-  
sto Patris, & D. N. D. Innocentij diuina Proui-  
dentia Papæ Vndecimo, Anno Tertio.

**FINIS.**

1041530

**ERRATA**, si quæ irrepperint, beneuoli Lectoris  
humanitati corrigenda remittuntur.

Vbique tamen, loco-Meleuitana-*Corrige*-Meliuetana  
Et pag.83. lin.12. loco - Ordinem suscepto - *Corrige*  
Ordine suscepto.

Post pag.176. nihil deest, etsi errore impressionis se-  
quitur numerus 185.

ERRATA, si per inesperienza, benché l'editore  
non avesse avuto alcuna esperienza.

Ma per errore non-identificabile, per-  
ché, in un altro - (dove non c'è) - C  
non c'è. Invece, nel testo in questione, la  
parola "non" è presente.

Q BND  
ND BND  
BND BND  
BND B





